

ବନ୍ଧେର
ପ୍ରତାପ-ଆଦିତ୍ୟ

ঐତିହাসিক নাটক

କ୍ଷୀରୋଦପ୍ରସାଦ ବିଦ୍ୟାବିନୋଦ

ଶୁକ୍ରଦାସ ଚଟ୍ଟୋପାଧ୍ୟାୟ ଏଓ୍ଵ ସନ୍ସ

୨୦୭-୧-୧ ଫାର୍ମଓସାଲିସ୍ ଟ୍ରୀଟ ... କଲିକତା - ୬

ছই টাকা পঞ্চাশ নয়া পয়সা

প্রথম অভিনয় ... ষ্টার থিয়েটার

নবপর্ষ্যয়ে—অভিনয়

কর্ণওয়ালিস্ থিয়েটার

মিনার্ভা থিয়েটার	...	মিত্র থিয়েটার
মনোমোহন থিয়েটার	...	আর্ট থিয়েটার লিমিটেড্
এল্‌ফ্রেন্ড থিয়েটার	...	নাট্যমন্দির লিমিটেড্
চলচ্চিত্রে অভিনয়	...	গ্যাডান থিয়েটারস্ লিমিটেড্

পুনরায় অভিনয়—ষ্টার থিয়েটার

সপ্তদশ মুদ্রণ

ফাল্গুন—১৩৬৪

উপহার

পরম স্মৃতি

শ্রীযুক্ত রায় যতীন্দ্রনাথ চৌধুরী, এম-এ, বি-এল

মহাশয়ের

করকমলে

নাট্যোল্লিখিত ব্যক্তিগণ

পুরুষ

বিক্রমাদিত্য	যশোহরাধিপতি
বসন্ত রায়	বিক্রমের ভ্রাতা
প্রতাপাদিত্য	ঐ পুত্র
গোবিন্দ রায়	বসন্ত রায়ের পুত্র
রাঘব রায়	"
উদয়াদিত্য	প্রতাপের পুত্র
গোবিন্দদাস	বৈষ্ণব সাধু
ভবানন্দ	দেওয়ান
শঙ্কর	প্রতাপের সখা
সূর্য্যকান্ত	শঙ্করের শিষ্য
সুখময়	"
আকবর	দিল্লীর সম্রাট
সেলিম	সাহাজাদা
মানসিংহ	আকবরের সেনাপতি
ইসাখাঁ মন্সর আলি	হিজলীর নবাব
রডা	পটুগীজ জলদস্যু
কমল (কামাল)	প্রতাপের দেহরক্ষী

সুন্দর, মদন, মামুদ, চণ্ডীবর, সের খাঁ, আজিম খাঁ, দূতগণ, প্রহরিগণ,

সৈন্যগণ, মাঝিগণ, ভৃত্য, পথিক ইত্যাদি

স্ত্রী

কাত্যায়ণী	প্রতাপের স্ত্রী
ছোটরাণী	বসন্ত রায়ের স্ত্রী
বিন্দুমতী	প্রতাপের কন্যা
কল্যাণী	শঙ্করের স্ত্রী
বিজয়া	যশোরেখার সৈবিকা

গয়লাবো ও পুরবাসিনীগণ ইত্যাদি

ভূমিকা

“বিশোর নগর ধাম, প্রতাপ-আদিত্য নাম,
মহারাজ বঙ্গের কার্যস্থ ।
কেহ নাহি আঁটে তাম্র, নাহি মানে পাতসায়,
ভয়ে যত ভূপতি ধারস্থ ॥
বরপুত্র ভবানীর, প্রিয়তম পৃথিবীর
বাহান্ন হাজার বার ঢালী ।
ষোড়শ হলকা হাতী অযুত তুরঙ্গ সাথী,
যুদ্ধকালে সেমাপতি কালী ॥”

কবিদের মধুময়ী লেখনীমুখে সূধা বরে, সে সূধা বাহাকে স্পর্শ করে তাহাকেই অমরত্ব প্রদান করে। বাস্তবিক চিরমধুর ভারতচন্দ্রের উপযুক্ত পংক্তি কয়টি বাঙ্গালী সাধারণের মধ্যে মহারাজ প্রতাপ-আদিত্যের স্মৃতি সজীবিত রাখিতে যে পরিমাণে সহায়তা করিয়াছে, এমন বোধ হয় আর কিছতে করে নাই। কিন্তু কেবল স্মৃতি জাগরুক রাখিয়াই কবি ক্ষান্ত—প্রতাপ-আদিত্যের বিশেষ পরিচয় অনন্যদমে গলে পাওয়া যায় না। অধুনা কতিপয় স্বদেশীয় ও বিদেশীয় মহাত্মার চেষ্টায় ও অনুসন্ধানের শিক্ষিত বঙ্গসমাজ প্রতাপ-আদিত্য সম্বন্ধে অনেক কথা জানিতে পারিয়াছে সন্দেহ নাই, কিন্তু এখনও অনেক বাকী। সত্য কথা বলিতে গেলে ভিত্তি মাত্র পাওয়া গিয়াছে—তাহাও আবার সম্পূর্ণ নহে—তাহা হইতেই সমগ্র অট্টালিকার আকৃতি ও গঠন-প্রণালী অনুমান

করিয়া লইবার চেষ্টা করা হইয়াছে। ইহাতে ঐতিহাসিকের ক্রোধ, কিস্তু কবির বিলক্ষণ আনন্দ। মূল সত্যের ফলকে কল্পনা-প্রভাবে মনোহর চিত্র অঙ্কিত করাই কবির ব্যবসায়। কাব্য ইতিহাস নহে, আদর্শ গঠনই কবির উদ্দেশ্য, তাঁহার প্রধান লক্ষ্য চিত্রের ও চরিত্রের উৎকর্ষের দিকে। আশা করি, পাঠক “প্রতাপ-আদিত্য” নাটকখানি পড়িবার সময় এই কথা স্মরণ রাখিবেন। শঙ্কর চক্রবর্তী’র স্ত্রী কিরূপ ছিলেন, তাহা জানি না—ইতিহাস তাহা বলিয়া দেয় নাই—কিস্তু তাহাতে কবির কি আসিয়া যায়? তিনি স্বচ্ছন্দমনে তেজমাধুর্ঘ্যময়ী কল্যাণীকে আনিয়া দর্শকবর্গের সম্মুখে উপস্থিত করিলেন, সাধবী ব্রাহ্মণীর দিগন্ত-প্রসারিণী প্রভায় তাঁহার চিত্রখানি কত উজ্জ্বল হইয়া উঠিল। কিংবদন্তী বলে, মা যশোরেশ্বরীর কপাই প্রতাপ-আদিত্যের সৌভাগ্যের কারণ, ভারতচন্দ্র লিখিলেন—

“যুদ্ধকালে সেনাপতি কালী” আর কবিকে পায় কে? তিনি মহিমাষিতা মাতরূপিনীকপালিনী বিজয়া-মুক্তি-গড়িয়ানিজে ধন্য হইলেন, দর্শকবৃন্দকেও ধন্য করিলেন। চরিত্র সম্বন্ধে ঘেরূপ, ঘটনা সম্বন্ধেও সেইরূপ। এ স্থলেও কবি-কল্পনা সকল সময়ে ইতিহাসের সংকীর্ণ প্রাচীর দ্বারা আবদ্ধ থাকিতে চাহে না। কোথাও বা নূতন ঘটনার সৃষ্টি করিয়া, কোথাও বা কিংবদন্তী অবলম্বন করিয়া, আবার কোথাও বা ঐতিহাসিক ঘটনাকে কিঞ্চিৎ নোয়াইয়া বাঁকাইয়া কবি তাঁহার সাধের চিত্রখানিকে নিষ্পেষ ও পূর্ণাবয়ব করিতে প্রয়াস পান। সুতরাং “প্রতাপ-আদিত্য” নাটকে উল্লিখিত ঘটনানিচয়ের সহিত যদি ইতিহাসের সর্বত্র সামঞ্জস্য লক্ষিত না হয় তাহাতে বিচিত্রতা কি? এরূপ অসামঞ্জস্য সত্ত্বেও “প্রতাপ-আদিত্য”কে স্বচ্ছন্দে ঐতিহাসিক নাটক বলা যাইতে পারে, কারণ ইহার মূল ভিত্তি ইতিহাস। নাটককার কোথাও কোন মুখ্য ঘটনা বা চরিত্রের বিকৃতি করিয়াছেন বলিয়া বোধ হয় না, বরং তাঁহার কৌশলময়ী লেখনীর গুণে সেগুনি অধিকতর উজ্জ্বল হইয়া উঠিয়াছে। শিব শিবই আছেন, বানর

বাশরই আছে ; তবে হয় ত কোন কোন চিত্র রঞ্জিত করিবার সময় কবি (বোধ হয় ইচ্ছা করিয়াই) রংটা একটু গাঢ় করিয়া কেলিয়াছেন ।

আর একটি কথা । “প্রতাপ-আদিত্য” নাটকখানি এক হিসাবে আমাদের জাতীয় জীবনের ইতিহাস । বাঙ্গালীর শক্তি জগতে দুল্লভ, আবার বাঙ্গালীর দৌৰ্ব্বল্যও চিরপ্রসিদ্ধ । বাঙ্গালী না পারে এমন কার্যই নাই, অথচ বাঙ্গালী-প্রবর্তিত কোন মহাকাব্যেরই শেষ রক্ষা হয় না, কোথা হইতে চরিত্রগত দুর্বলতা ফুটিয়া উঠিয়া সমস্তই পণ্ড করিয়া দেয় । এদেশের উপর এমন জগজজননীর কৃপা, এমন বুদ্ধি আর কোথাও নাই । কিন্তু অভাগা আমাদের দোষে মাকে পদে পদে মুখ ফিরাইতে হয় । বাঙ্গালী-জীবনের এই হর্ষ-বিষাদ-ভরা ইতিহাস, এই আলো ও ছায়ার অন্তর্ভুক্ত সংমিশ্রণ, “প্রতাপ-আদিত্য” অতি সুন্দররূপে অভিব্যক্ত হইয়াছে । বাঙ্গালী চেষ্টা করিলে কি করিতে পারে, আবার কি দোষে তাহার বহু-কালের চেষ্টার ফল ব্যর্থ হইয়া যায়, তাহা নাটককার যথাসম্ভব চক্ষে অঙ্গুলি দিয়া দেখাইয়া দিয়াছেন । “একা বাঙ্গালী মহাশক্তি ; জ্ঞানে, বিদ্যায়, বুদ্ধিমত্তায়, বাক্পটুতায়, কার্যতৎপরতায়, বাঙ্গালী জগতে অদ্বিতীয়, মহাশক্তিমান্ স্রাস্ট্রাটেরও পূজনীয় ; কিন্তু একত্র দশ বাঙ্গালী অতি তুচ্ছ, হীন হ’তেও হীন ; অন্য জাতির দশে কার্য, বাঙ্গালীর দশে কার্যহানি ।”—সেলিমের এই উক্তিগত সার সত্য নিহিত আছে । বাঙ্গালীর সকলেই কর্ত্তা হইতে চান ; সুতরাং দশজন বাঙ্গালী একত্র হইয়া কার্য করিতে হইলেই সর্বনাশ । “গোবিন্দ রায় গাঙ্গী সাহেবের অধীনে কাজ ক’রতে চান না, রামচন্দ্র রডার অধীনে যুদ্ধ ক’রতে অনিচ্ছুক”—তা তাতে দেশ উৎসন্ন যায় যাক্ । ইহার উপর ক্ষুদ্রপ্রাণ-সুলভ ঈর্ষা, স্বার্থান্ধতা ও বিশ্বাসঘাতকতা এবং সর্বোপরি জ্ঞাতিবিরোধ আছে ; আর কি চাই ? কিন্তু তথাপি বাঙ্গালীর ভবিষ্যৎ একেবারে অন্ধকারময় নহে । “বাঙ্গালী নিজের দুর্বলতা বন্ধে ।” বন্ধে বলিয়াই এই

দুর্কলতা পরিহারের জন্য বাঙালীর প্রাণে আজ ব্যাকুলতা দেখিতে পাইতেছি। তাই “প্রতাপ-আদিত্য”র আজ এত আদর। এই ব্যাকুলতাই আশা—এই ব্যাকুলতাই সর্বদেশে সর্বকালে সর্বজাতির মধ্যে উন্নতির সোপান প্রতিষ্ঠা করিয়াছে। এই ব্যাকুলতা ছিল বলিয়াই যুগযুগান্তর পূর্বের আৰ্য-ঋষিগণ একদিন সপ্তসিদ্ধতটে বসিয়া আমাদেরকে আশ্বাস করিয়া বলিয়াছিলেন,—

“সমান ব আকৃতিঃ সমানা হৃদয়ানি বঃ

সমানবস্তু যো মনো যথা বঃ সদুসহাসতি ।”

শ্রীমদ্রথমোহন বসু

বিশেষ দ্রষ্টব্য—

[] এইরূপ অংশগুলি অভিনয়ে পরিত্যক্ত হইয়া থাকে

প্রতাপ-আদিত্য

প্রথম অঙ্ক

প্রথম দৃশ্য

প্রসাদপুর—শঙ্করের বাটীর সম্মুখ

শঙ্কর, মামুদ ও মদন

মামুদ। হাঁ দাদাঠাকুর ! দেশে ঢাকা যে ক্রমে দায় হ'য়ে প'ড়ল।

শঙ্কর। কেন, আবার তোমাদের হ'ল কি ?

মদন। হবে আবার কি ? রোজ রোজ যা হয়ে আসছে তাই।

মামুদ। হবে আবার কি ? রাজায় রাজায় ষড়্ধ হয়, উলু-খাগড়ার
প্রাণ যায়। দায়ুদ খাঁর সঙ্গে হ'ল মোগলের লড়াই। দায়ুদ খাঁ হেরে গেল
না ত, আমাদের মেরে গেল।

মদন। দিন নেই, ক্ষণ নেই, সকাল নেই, সন্ধ্যা নেই, কেবল পেয়াদার
তাড়া। তাতে ঘরে বাস করি কি ক'রে ?

মামুদ। কোন দিন হয় ত বাড়ীতে রইলুম না—খেটে খেতে হবে
ত—যদি সে সময় এসে মেয়ে-ছেলেদের বে-ইজ্জত করে ?

শঙ্কর। তোমাদের উপরই বা এত অত্যাচার কেন ? অন্য স্থানেও
জুলুম জবরদস্তি আছে বটে, কিন্তু তোমাদের উপর যেমন, এমন ত আর
কোথাও নেই। তোমাদের অপরাধ কি ?

মামুদ। অপরাধ, আমরা পাঠান। এখন বাঙ্গালা মোগলের মুলুক ;
আগেকার নবাব দায়ুদ খাঁ ছিলেন পাঠান—আমাদের স্বজাত। এইমাত্র
আমাদের অপরাধ।

শঙ্কর। তা হ'লে এ ত বড় দুঃখের কথা হ'য়ে পড়ল মামুদ !

মামুদ। তা হ'লে বল দিকি দাদাঠাকুর কেমন ক'রে দেশে বাস করি ?

মদন। এই সে দিন হাল গরু বেচে নতুন নবাবকে সেলামী দিয়েছি,
দেনা ক'রে খাজনা—হাল বকেয়া কড়ায় গুণায় চুকিয়ে দিয়েছি।
আবওয়াবের পাই পয়সাটি পর্য্যন্ত বাকি রাখিনি—

মামুদ। তবু শালার নায়েবের বকেয়া বাকি শোধ হ'ল না।

মদন। আরে শালা ! কাল তোর মনিব নবাব হ'ল তখন বকেয়া
পেলি কোথায় ? কোনও রকমে উদ্ধাস্ত করা।

মামুদ। আমাদের আত্মীয়-স্বজন সবাই চ'লে গেছে। আমরা কেবল
দেশের মায়া ত্যাগ ক'রতে পারিনি !

মদন। বিশেষতঃ তোমার আশ্রয়ে এতকাল র'য়েছি দাদাঠাকুর,
তোমার মায়া ছাড়ি কেমন ক'রে ?

শঙ্কর। তাই ত মদন ! তোমরা ত আমাকে বড়ই ভাবিত ক'রে
তুলে।

মামুদ। দোহাই দাদাঠাকুর, তুমি যা হোক একটা বিহিত না ক'রলে
ত আমরা আর বাঁচি না।

শঙ্কর। আমি ক্ষুদ্র প্রাণী, আমি কি বিহিত ক'র্বো ? নবাব
বাদসার সঙ্গে বিবাদ ক'রে তোমাদের কি উপকার ক'র্বো ?

মামুদ। তা ত বুঝতেই পারছি। তোমাকেই বা রোজ এমন ক'রে
কাঁহাতক জ্বালাতন করি ?

মদন। অর্থে বল, সামর্থ্য বল, তুমি এতকাল আমাদের রেখে
আস্ছ ব'লেই আমরা বেঁচে আছি। এখন তুমি হা'ল ছেড়ে দিলে,

আমরা যে ভাবে মরি দাদাঠাকুর। নিত্য নিত্য জবরদস্তি ক'রলে আমরা আর কেমন ক'রে দেশে বাস করি ?

শংকর। আমি বা কোন সাহসে তোমাদের দেশে বাস ক'রতে বলি ?

মদন। তা হ'লে কি স্থান ত্যাগ করাই তোমার পরামর্শ ?

শংকর। স্থান ত্যাগ করাই ষড়্ভুক্তিসিদ্ধ। কেন না, দায়দুদ খাঁর সঙ্গে এ রাজ্যের স্বাধীনতা এক রকম লোপ পেয়েছে। সে রাম-রাজত্ব আর নেই। এখন বাঙ্গালা এক রকম অরাজক। রাজা থাকেন আগ্রায়, বাঙ্গালার সুবেদার তাঁর এক জন চাকর বই ত নয়। রাজমহলের নবাব সেরখাঁ আবার চাকরের চাকর—একটা বড় গোছের তসিলদার। বৎসর বৎসর আগ্রায় খাজাঞ্চীখানায় টাকা আমানত করাই তার কাজ। সুতরাং টাকা নিয়েই তার প্রজার সঙ্গে সম্বন্ধ। খাজনার তাগাদায় টাকা যোগান দিতে পার, থাক। না পার, পথ দেখ।

মামুদ। যখন তখন তাগাদায় টাকা যোগান, কোন প্রজায় কখন কি পেরে থাকে দাদাঠাকুর !

শংকর। পারে না, তা ত জা'ন'ছি। কিন্তু রাজা ত সেটা বুঝছেন না।

মামুদ। তা হ'লে অনুমতি কর, জন্মস্থানকে সেলাম ঠুকে বিদায় হই।

শংকর। তা ভিন্ন আর উপায় কি ?

মদন। কোথায় যাব ? যেখানে যাব, সেখানেই ত এই রকম অত্যাচার।

শংকর। রাজা বসন্ত রায় যশোর নগর প্রতিষ্ঠা ক'রেছেন। সেইখানে গেলে বোধ হয় ভাল থাকতে পার। কেন না, শূনেছি রাজা নাকি বড় দয়ালু ; নদে জেলার অনেক লোক সেখানে গিয়ে বাস ক'রছে।

গ্রামবাসিগণের প্রবেশ

১ম। (সরোদনে) ও খুড়োঠাকুর !

শংকর। কি, ব্যাপার কি ?

১ম। বাবাকে কাছারিতে ধ'রে নিয়ে গেল। বন্ধুদের জন্যে একটা খাসী মানত ছিল, সেইটে গোমস্তা চেয়েছিল। বাবা সেটা দিতে চাননি। তার বদলে আর দুটো খাসী দিতে চেয়েছিল। গোমস্তা নেননি। এখন পঞ্চাশ ঘাট জন পা'ক সঙ্গে করে এনে বাবাকে বেঁধে নিয়ে গেল।

সকলে। কি উপায় দাদাঠাকুর ?

১ম। দোহাই বাবাঠাকুর, রক্ষে কর !

মামদ। তাই ত দাদাঠাকুর। এমন অত্যাচার ক'দিন সহ্য করা যায় ?

মদন। তাই ত, রক্ত-মাংসের শরীর—

১ম। কি হবে খুড়োঠাকুর ?

মদন। দাদাঠাকুর, প্রতিকার কর।

সকলে। প্রতিকার কর, প্রতিকার কর।

শঙ্কর। প্রতিকারের একমাত্র উপায় আছে।

সকলে। কি উপায় দাদাঠাকুর ?

শঙ্কর। প্রতিকারের একমাত্র উপায়—আর সে উপায় ভোমাদেরই কাছে আছে।

মদন। কি উপায় বল।

শঙ্কর। তোমরা পাঠান। (আমাদের মতন ভীরু কাপুরুষ বাঙালী
“ত নও, বাঙালী অত্যাচার সহ্য ক'রতেই জন্মগ্রহণ ক'রেছি।” তোমরাও
কি তাই ?

সকলে। কখন নয়। আমরা পাঠান—অত্যাচার সহ্যে জানি না।

শঙ্কর। অত্যাচার সহ্যে জান না, অত্যাচার দমনের উপায়ও ত
জান না।

মদন। হুকুম কর, লাঠি ধরি।

সকলে। হুকুম কর, লাঠি ধরি।

শঙ্কর। শক্তিমান্ পাঠান। দুনিয়ার এক প্রান্ত থেকে বাঙ্গালা মুল্লুকে এসে শব্দ বাহুবলে এখানে আপনাদের প্রতিষ্ঠা ক'রেছ। বলি তাই সব! (পিতৃপিতামহের সেই রক্ত—সেই চির-উষ্ণ বীরশোণিত পিতৃ-পিতামহের দেশেই কি রেখে এসেছো? ধমনীতে প্রবাহিত হ'বার জন্যে এক বিন্দুও কি তার অবশিষ্ট নেই?) এককণামাত্রও কি সঙ্গের ক'রে আনতে পারি নি?

সকলে। আলবৎ এনেছি, খুব এনেছি। হুকুম কর, লাঠি ধরি। অত্যাচারের শোধ নিই।

শঙ্কর। না না—এ আমি কি ব'লছি। আত্মহারা হ'য়ে এ আমি কি ব'লছি। প্রতিশোধ—প্রতিশোধ নেওয়া যে অসম্ভব। অগণ্য অসংখ্য অত্যাচার যদি হয়, তা হ'লে কত অত্যাচারের প্রতিশোধ নেবে? বাদসার প্রবল শক্তি—নিত্য নতুন লোকের উৎপাদন। এদিকে তোমরা মুষ্টিমেয় দরিদ্র প্রজা। স্ত্রী, পুত্র, মা, বাপ নিয়ে সংসারী। প্রতিশোধ নিতে যাওয়া বাতুলতা।

মদন। সেই বদুই ত গায়ের ঝাল গায়ে মেরে চুপ ক'রে থাকি। তাই ত প্রাণের দুঃখ তোমার কাছে জানাতে আসি।

শঙ্কর। আমি কি ক'রতে পারি? আমি দীন, অতি দীন, তুচ্ছ। পরমুখাপেক্ষী ভিক্ষুক। আমি কি ক'রতে পারি?

মামুদ। তুমি আমাদের কি ক'রতে পার না পার খোদা জানে। (কিস্তু, তোমাকে দুঃখ না জানালে যেন আমাদের প্রাণের জ্বালা জুড়োয় না!)

শঙ্কর। দেখো, আপাততঃ তোমাদের যা বল্লাম তাই কর। যে যার স্ত্রী, পুত্র, পরিবার নিয়ে রাজা বসন্ত রায়ের আশ্রয়ে চ'লে যাও। আর দেখ, তুমি সূর্য্যকান্তকে সঙ্গের ক'রে নায়েবের কাছে নিয়ে যাও। আমার বিশ্বাস, জরিমানা স্বরূপ কিছু টাকা দিলেই তোমার বাপকে ছেড়ে দেবে।

১ম। যো হুকুম।

শঙ্কর, মামুদ ও মদন ব্যতীত সকলের প্রস্থান

মামুদ। আমরা রাজার কাছে পেশীছুতে পা'রবো কেন দাদাঠাকুর।
কে আমাদের দঃখের কথা রাজার কানে তুলবে ?

শংকর। বেশ, আমিও সঙ্গে যাবি।

মদন। সাথে কি আর তোমার কাছে আসি দেবতা। আমাদের এ
দঃখের মর্ম্ম তুমি না হ'লে বদাবে কে ?

শংকর। যাও, উদ্যোগ আয়োজন করগে। কে কে যেতে চায়, খবর
নাও। (উভয়ের অভিবাদন)

মদন। (অনূচ্চ কর্ণে) একান্তই যদি দেশ ছাড়তেই হয় মিয়া, তা
হ'লে শালার নায়েবকে জানিয়ে যাব না ?

মামুদ। চুপ চুপ—দাদাঠাকুর শুনতে পাবে। সে কথা আর বলছি
কেন ? অমনি যাব ? আগে মেয়ে-ছেলেগুলোকে সরিয়ে শালার নায়েবকে
জাহান্নামে পাঠিয়ে তবে অন্য কাজ।

উভয়ের প্রস্থান

শংকর। তা ওরা আমার কাছে আসে কেন ? আমি ওদের কি
ক'রতে পারি ? পারি না ? যথার্থই কি আমি কিছু ক'রতে পারি না ?
তবে ভগবান্ প্রতিকারের জন্য ওদের আমার কাছেই বা পাঠান কেন ?—
আমি কি কিছু ক'রতে পারি না। (ভীরু, পরপদলেহী, পরান্নতোজী,
সম্পূর্ণরূপে পরনির্ভর বাঙালী কি মনুষ্যযোগ্য কোন কাজই ক'রতে পারে
না।) (গুন্যপায়ী শিশুর মত মাতৃভূমির গলগ্রহস্বরূপ হ'য়ে শূন্য কি
উদরপূরণের জন্যই বাঙালী জন্মগ্রহণ ক'রেছে।) কি করি—কি করি !
একদিকে মোগল সম্রাট আকবরের প্রতিনিধি—সমস্ত বাঙ্গালার অধীশ্বর।
অন্য দিকে পণ'কুটীরবাসী এক ভিখারী ব্রাহ্মণ। অসাধ্যসাধন। আমা
হ'তে রাজার অনিশ্চ-চিন্তার কথা মনে আনতে নিজেকেই নিজের উন্মাদ
বলতে ইচ্ছা করে। কিন্তু মা অসাধ্যসাধিকে শংকরি ! হতভাগ্য ব্রাহ্মণের
মনের অবস্থা—প্রতিবাসী দরিদ্রের উপর অযথা উৎপীড়নে এ হৃদয়ে কি

যশস্রাণা তুমি ত সব বদ্বতে পারছ মা । দোহাই মা, তুমি আমাকে এ যশস্রাণা থেকে নিস্তার পাবার উপায় বলে দাও । উদ্ধার কর মা—উদ্ধার কর—
এ উন্মাদচিত্তার দায় থেকে আমাকে রক্ষা কর ।

স্বর্ঘ্যাকান্তের প্রবেশ

স্বর্ঘ্য । কেও—দাদা ।

শঙ্কর । হাঁ । হানিফখাঁর ছেলেকে যে তোমার কাছে পাঠালুম ?

স্বর্ঘ্য । আমি আগে থাকতেই তাকে খালাস করে এনেছি ।

শঙ্কর । কি করে আনলে ?

স্বর্ঘ্য । কিছু ঘুষ দিয়ে আনলুম, আর কি করব ।

শঙ্কর । বেশ করেছে । তার পর তোমাকে কি বলতে চাই শোন ।

আমি কোন প্রয়োজনবশে বিদেশে যাব ।

স্বর্ঘ্য । সে কি ! কোথায় যাবে ?

শঙ্কর । যথাসময়ে জানতে পারবে । এখন প্রশ্ন করো না ।

স্বর্ঘ্য । তোমার কথা শুনে আমার প্রাণটা কেমন করে উঠল ।

তোমার এরূপ মর্দুর্ভিত্তি ত কখনও দেখিনি ! সত্য কথা বলতে কি দাদা
আমি ভয় পাচ্ছি ।

শঙ্কর । বীর তুমি । হৃদযও বীরযোগ্য কর ।

স্বর্ঘ্য । তুমি যাবে, মাকে আমার কোথায় রেখে যাবে ?

শঙ্কর । তুমি আছ । কল্যাণীকে তোমার হাতে সমর্পণ করে গেলুম ।

স্বর্ঘ্য । আসবে কবে ?

শঙ্কর । তা বলতে পারি না ।

স্বর্ঘ্য । ফিরবে ত ?

শঙ্কর । তাই বা কেমন ক'রে বলি ।

স্বর্ঘ্য । তবে এতদিন শিখিয়ে পড়িয়ে আমাকে কি নারী আগ্লাতে
রেখে গেলে !

শঙ্কর। অসহ্য বোধ কর, ভার, পরিত্যাগ করবে।

সূর্য্য। আমাকে কি এমনই নরাক্ষয় পেলে দাদা, যে মায়ের ভার কেলে পালিয়ে যা'ব।

শঙ্কর। বেশ, তবে সময়ের অপেক্ষা কর। যথাসময়ে তোমাকে সংবাদ দেব।

সূর্য্য। দিম্বো, যেন তুলে থেক' না। দেখো দাদা! তাই বল— শিষ্য বল—সব আমি। আমার শিক্ষা যেন নিষ্ফল ক'রো না।

দ্বিতীয় দৃশ্য

প্রসাদপুর—শঙ্করের অন্তঃপুর

কল্যাণী

কল্যাণী। এমন জ্বালা ত কখন দেখিনি। মানুষ নিশ্চিত হ'য়ে চারটি রাঁধা ভাত খাবে, এ পোড়া দেশের লোক কিনা তাও সন্দেহে থেতে দেবে না! ঠাইটি ক'রে, আসনটি পেতে, মানুষকে বসিয়ে রান্নাঘরে ভাত বাড়তে গেছি, থালা হাতে ক'রে ফিরে এসে দেখি— ও মা, এ মানুষ আর নেই! অবাক ক'রেছে! এ দেশের পায়ে দণ্ডবৎ। আর নয়। তম্পীতম্পা আর মিন্‌সেকে নিয়ে এ দেশ ত্যাগ করাই দেখছি এখন যুক্তি। থালার ভাত আবার হাঁড়িতে পুরে, এই আসে এই আসে ক'রে, হাপিত্যে হ'য়ে ব'সে আছি—তিন পহর বেলা হ'ল, তবু কিনা মানুষের দেখা নেই!—গেল কোথায়? খাবার সময় ব্রাহ্মণকে ধ'রে নিয়ে এরা গেল কোথায়? কেনই বা আসে, তাও ত বদ্বতে পারি না! দেশে এত মাতব্বরের বাড়ী থাকতে, পোড়া লোক আমার স্বামীর কাছেই বা আসে কেন?

শঙ্করের প্রবেশ

শঙ্কর। বল ত কল্যাণী! আমার কাছেই বা আসে কেন? আমি

দুঃখ, নিঃসম্বল, নিঃসহায়, নিজের নিজের সাহায্যে অস্বস্তি, বেছে বেছে আমার কাছেই বা আসে কেন ?

কল্যাণী । তাদের হ'য়েছে কি ?

শংকর । তারা সর্বস্বান্ত হ'য়েছে ।

কল্যাণী । ও মা, সে কি !

শংকর । ডাকাতে তাদের সর্বস্ব লুটে নিয়েছে ।

কল্যাণী । ডাকাতে লুট করেছে !—হ্যাঁগা, কখন ক'রলে ?

শংকর । দিনে, দ্বিপ্রহরে সমস্ত লোকের সাক্ষাতে ।

কল্যাণী । দিনে ডাকাতি !—ও মা, সে কি কথা । এত লোক থাকতে কেউ তাদের রক্ষা করতে পারলে না !

শংকর । কেউ রক্ষা ক'রতে পারলে, আমার কাছে আসবে কেন ?

কল্যাণী । তা হ'লে দেখছি, এদেশে বাস করা সুকঠিন হ'য়ে উঠল !

শংকর । নরায়ণেরা গরীব চাষাদের স্ত্রী পুত্রকে পথে বসিয়ে গে'ছে । কাউকে বা বেঁধে নিয়ে গেছে ! অত্যাচার—চারিদিকে অত্যাচার । প্রতিকার করে, এমন লোক কেউ নেই । কোনও স্থান আশ্রয় না পেয়ে তারা দলবদ্ধ হ'য়ে আমার কাছে এসেছে । কিন্তু আমি কি ক'রতে পারি কল্যাণী !

কল্যাণী । ডাকাতে সর্বস্ব লুটে নিয়ে গেল, কেউ বাধা দিতে পারলে না ?

শংকর । বাধা কে দেবে ! কোন সাহসে দেবে, যে রক্ষা-কর্ত্তা, সেই ডাকাত । সর্বস্ব লুটে, সকল লোকের সামনে গ্রামের বৃদ্ধের ওপর তারা আসন পেতে ব'সেছে । বাধা কে দেবে কল্যাণী !

কল্যাণী । * [ও মা, রাজা ডাকাত !] * স্তা হ'লে নিরুপায় ।

* [রাজার ক্রোড়ে বাধা দেয়, এমন সাহস কার ?] *

শংকর । বল ত কল্যাণী ? কার ঘাড়ে দণ মাথা যে এমন কাছে

হাত দেয়—রাজার সঙ্গে প্রতিদ্বন্দ্বিতা করে। কিন্তু এ সমস্ত জেনে শূনেও হতভাগ্য মর্খ প্রজা আমার কাছে আসে কেন ?

কল্যাণী। তারা মনে করে, তুমি বুদ্ধি এ অত্যাচারের প্রতিকার ক'রতে পার।

শঙ্কর। কিন্তু আমি কি পারি কল্যাণী ?

কল্যাণী। সে তুমি নিজে ব'লতে পার। আমি স্ত্রীলোক—অপবদ্বিদ্ধি, আমি কেমন ক'রে ব'লব ?

শঙ্কর। শৈশবকাল থেকে তোমাতে আমাতে প্রজাপতির নিরঙ্কুশ আবদ্ধ। বিবাহের দিন থেকে আজ পর্যন্ত তোমার কাছ থেকে একদণ্ডও ছাড়া হইনি। তুমিও পিতৃমাতৃহীন, আমিও পিতৃমাতৃহীন। এত কাল আমার সংসারে তুমি স্ত্রী, পুত্র, ভাই, ভগিনী, গুরু, শিষ্য—গর্ব ক'রে বলবার যত প্রকার সম্পর্ক আছে, সমস্ত অধিকার ক'রে ব'সে আছে। আদরে, পালনে, তিরস্কারে, অভিমানে আমিই তোমার একমাত্র লক্ষ্যস্থল। এতেও তুমি কি ব'লতে পার না আমি প্রতিকার ক'রতে পারি কি না ?

কল্যাণী। (আমি যে চিরকাল তোমার মধুর সৌম্যমুদ্রা'ই দেখে আসছি প্রভু ! যে রুদ্রমুদ্রা'তে এ অত্যাচারের প্রতিকার হয়, তা ত / কখনও দেখিনি !)

শঙ্কর। মুদ্রা'তে আমি যাই হই, কিন্তু এটা ঠিক ব'লতে পারি, যে মন্দিরে তুমি অধিষ্ঠাত্রী দেবতা, সে মন্দিরের পূজারী ব্রাহ্মণ রুদ্রমুদ্রা'ধারণের যোগ্য নয়। একথা আমি জানি, তুমি জান। কিন্তু প্রসাদ-পূরের হতভাগ্য প্রজারা ত তা জানলে না। তারা প্রতিকার ভিক্ষা ক'রতে উন্মাদের মতন আমার কাছে ছুটে এল।

কল্যাণী। কে বুদ্ধি তাদের বুদ্ধিয়েছে যে, তোমার কাছেই প্রতিকার আছে।

শঙ্কর । কে সে কল্যাণী ?

কল্যাণী । আমার স্বামীর নামে যার নাম, বদ্বি তিহি । সেই সৌম্য প্রশান্তমুখি বোগিরাজ যদি ব্রহ্মাণ্ডনাশিনী শক্তির ঈশ্বর হন, তখন আমার ঘরের বোগিরাজ হ'তেই বা শত্রুঘবংস হ'বে না কেন ? তারা ঠিক বদ্বিছে—মুখ প্রজা ঈশ্বর-পরিচালিত হ'য়ে তোমার শরণাপন্ন হয়েছে । তুমি তার প্রতিকার কর ।

শঙ্কর । কিন্তু ক'নে বউ ।—

কল্যাণী । কল্যাণী বল ! অত আদর দেখিও না, ভয় করে ।

শঙ্কর । কিন্তু কল্যাণী ! আমার হস্ত-পদ যে শত্ৰুখলাবদ্ধ ।

কল্যাণী । তাতে কি ? শত্ৰুখল ছিঁড়ে ফেল ।

শঙ্কর । তারপর ?

কল্যাণী । তারপর আবার কি ? যদি কোথাও যাবার মানস ক'রে থাক, যাও । এতগুণে নিরীহ দরিদ্র প্রজা এক দিকে আর একটা তুচ্ছ নারী একদিকে । তুমি কি আমায় এতই পাগল পেয়েছ যে, শত্ৰুখল হ'য়ে তোমার গতিরোধ ক'র'ব ? এখন কি যেতে চাও ?

শঙ্কর । বিলম্ব করলে কি যেতে পারব ? অক্ষুট কণ্ঠস্বরে যে তোমার সঙ্গে প্রেমসম্ভাষণ ক'রেছি কল্যাণী !

কল্যাণী । সত্যি কথা । আমারও ত তাই ! রমণীর স্বভাবতঃ দুর্কল ছদ্ময় । আবার কি করতে কি ক'রে ব'সবো ! এস তবে কুলদেবতার আশীর্বাদী ফুল তোমার হাতে বেঁধে দিইগে ।

শঙ্কর । আমি কি পার'ব ক'নে বউ ?

কল্যাণী । আবার ক'নে বউ ! তা হ'লে পার'বে না । প্রথম থেকে আত্মহারা হ'লে, না পার'বারই ত সম্ভাবনা । পার'বে না কেন ? পার'তেই হ'বে । শ্রীরামচন্দ্র হরধনু ভংগ ক'রে পরশুরামের বিজয়ে, বহুলায়ালে যে জানকীরত্ন লাভ ক'রেছিলেন, প্রজার জন্য যদি অম্লানবদনে

গভাবস্থায় তাঁকে বনবাস দিতে পারেন, বিনাক্রোশে, নিজের অজ্ঞাতসারে আমাকে লাভ ক'রে তোমার নিজের ঘরে ফেলে রেখে যেতে পারবে না ! মনে ক'রেছ, যত শীঘ্র পার, যাত্রা কর—তুমি আমার পানে চেয়ো না—কিন্তু দোহাই, তোমার মূখের অন্ন ফেলে উঠে গে'ছ ।

শঙ্কর । বেশ—চল ।

তৃতীয় দৃশ্য

যশোহর—প্রাসাদ-মন্দির-প্রাঙ্গণ

বিক্রমাদিত্য ও বসন্তরায়

বিক্রম । হাঁহে ভায়া, মালখাজনা সমস্ত আগ্রায় রওনা ক'রে দিয়েছ ত ? বসন্ত । তা' না ক'রে কি আপনার সঙ্গে নিশ্চিন্ত হ'য়ে কথা কইতে পাচ্ছি ! সে সমস্ত—পাট কড়া ক্রান্তি পর্য্যন্ত চুঁকিয়ে দিয়েছি ।

বিক্রম । বেশ ক'রেছ তাই ! ওইটেই হচ্ছে আসল কাজ । সদর মালগুজারী খাজাঞ্জীখানায় আগে আন্জাম ক'রে তার পরে যা খুসী তাই কর । সখের কাজই বল, আর দেবতা-অর্চনাই বল—দোল-দুর্গোৎসব, শ্রাদ্ধ-শাস্তি, ক্রিয়া-কলাপ এ সব পরের কথা । জমিদারী বজায় থাকলে ত এ সব ।

বসন্ত । তা আর ব'লতে । তার উপর চারিদিকে শত্রু ।

বিক্রম । চারিদিকে শত্রু । এই সোনার রাজ্যটি প্রতিষ্ঠা ক'রেছো, বন কেটে নগর বসিয়েছো—এ পাকা আমটির ওপর অনেক কাঠবিড়ালীর নজর আছে ।

বসন্ত । তবে আমরা খাড়া থাকলে কাকে ভয় ?

বিক্রম । বস্, বস্ ! খাড়া থাকলে কাকে ভয় ? তুমি বুদ্ধিমান, তোমাকে আর বুঝাব কি ! দায়দুখার সঙ্গে বহুলোকের সর্বনাশ

হ'য়েছে। আমাদের বাপ-পিতামহের পুণ্যবলে ক্ষতি না হ'য়ে উল্টে লাভ হয়ে গেছে। আজ আমরা বারো ভূঁইয়ান্ন এক ভূঁইয়া। এখন এমন রাজ্যটি যাতে বজায় রাখতে পার, কেবল সেই চেষ্টা কর। মাটি শু নয়, যেন সোনা। ভাল রকম আবাদ ক'রতে পারলে সোনা ফলান যায়। কিন্তু হ'লে কি হ'বে ভাই! তুমি আমি যত দিন, তত দিন বিপদের কোনও ভয় দেখি না। একটু নরম মেজাজে নবাবদের সঙ্গে ঘনিষ্ঠতা ক'রে চলা—সেটা তুমি আমি যত দিন আছি, তত দিন। ছেলেরপিলে-গুলো কি তেমন মিলে মিশে চ'লতে পারবে! বিশেষতঃ আমার বাপধন ধ্বংস উপেক্ষিত-প্রকৃতি, তাকে ত একটুও বিশ্বাস করা যায় না।

বসন্ত। সে কি মহারাজ! প্রতাপকে উপেক্ষিত-প্রকৃতি দেখলেন কখন?

বিক্রম। না, না—তা এখনও দেখিনি বটে! তবে কি জান, কিছু চঞ্চল।

বসন্ত। চঞ্চল, না শাস্ত?

বিক্রম। হ্যাঁ হ্যাঁ—এখনও শাস্ত আছে বটে—এখনও চঞ্চলটা নয় বটে!

বসন্ত। চঞ্চল বটে আমার ছেলেরা। বিশ্বাস নেই বরং তাদের। প্রতাপ চঞ্চল! প্রতাপের মত ছেলে কি আর দেখতে পাওয়া যায়!

বিক্রম। হ্যাঁ-হ্যাঁ—এখনও দেখতে পাওয়া যাচ্ছে না বটে, তবে কি না, তবে কি না—যতটা ব'ল্ছ, ততটা যে ঠিক বুঝেছ—বসন্ত! একেবারে বাবাজীকে তুমি যে—বুঝেছ, ভাই—

বসন্ত। আপনি কি প্রতাপকে সন্দেহ করেন নাকি?

বিক্রম। হা হা! একেবারে যে সন্দেহ—হা হা—তবে কি না—

বসন্ত। কেন দাদা! প্রতাপের উপর আপনি অন্যান্য সন্দেহ ক'রলেন? এ রাজ্যের যদি কেউ মর্ধ্যাদা রাখতে পারে ত সে এক প্রতাপ।

বিক্রম। যাক্—যাক্—ও কথা ছাড়ান দাও—ও কথা ছাড়ান

দাও। দুর্গা দুর্গম হরে, দুর্গা দুঃখ হরে—যাক্—যাক্, বিক্রমপুর বাক্‌লা থেকে তুমি যে ব্রাহ্মণ কায়স্থ সব আনাবে ব'লেছিলে, তার করলে কি ?

বসন্ত। আনাতে লোক ত পারিইছি।

বিক্রম। বেশ বেশ। গোবিন্দদেব-বিগ্রহ প্রতিষ্ঠার সপ্তে সপ্তে যশোরে ব্রাহ্মণ-কায়স্থেরও প্রতিষ্ঠা কর। বস্, তা হ'লেই ঠিক হবে। দেবতা-ব্রাহ্মণ কুটুম্ব-নারায়ণ আনাও, প্রতিষ্ঠা করাও, তা হ'লেই মঙ্গল হবে। দুর্গা দুর্গম হরে। তা হ'লে যাও ভাই, প্রাতঃকৃত্য সারগে।

বসন্ত। আপনি কেবল তাঁদের বাসস্থান নির্দেশ ক'রে দেবেন।

বিক্রম। বেশ, বেশ—দু'জনে পরামর্শ ক'রে যা কস্তব্য হয় করা যাবে।

বসন্ত। যথা আজ্ঞা—

প্রস্থান

বিক্রম। এমন ভাই পেলে, বাদসাগিরি পেলেও তার হাতে মাথা রেখে নিশ্চিন্ত হ'য়ে ঘুমুতে পারি। কিন্তু ছেলেকেই আমার বিষম ভয়। প্রতাপের কোষ্ঠির যে রকম ফল শুনছি, তাতে পুত্রলাভ ক'রেও আমার হর্ষ-বিষাদ। ঠিকুজ্জীতে যখন ব'লেছে—প্রতাপ পিতৃদ্রোহী হ'বে, তখন কি সে কথা মিথ্যে হবার যো আছে ? যাক্, আর ভেবেই বা কি ক'রব। ছ'দিনের দিন বিধাতা স্মৃতিকা-ঘরে ব'সে কপালে যা আঁক কেটে গেছে, সে ত ঝামা দিয়ে ঘস্লেও আর উঠবে না। দুর্গা দুর্গম হরে—দুর্গা দুঃখ হরে। তবে কিনা—তবে কিনা—পিতৃদ্রোহী সম্ভান—জেনে শূনে ঘরে রাখা—দুঃখ-কলা দিয়ে কালসপ পোষা। দুর্গা—বসন্তকে যে, ছাই এ কথা ব'লতেই পারছি না ! আর ব'লেই বা কি হ'বে, বসন্ত ত বুঝবে না। যাক্—তারা শিবসুন্দরি ! তবে আর কি ক'রব ? কালী কালভয়বারিণী মা !—তবে একটা সন্নিবেশ হ'য়েছে। বসন্ত পরম বৈষ্ণব—স্বয়ং বৈষ্ণবচূড়ামণি গোবিন্দদাস তার সহায়। ছেলেটাকে কৌশল ক'রে তার তদলে ভিড়িয়ে দিয়েছি। ভায়া আবার তাকে নিরামিষ ধরিয়েছে,—

গলায় তুলসীর মালা পরিয়েছে। কাজটা অনেক এগিয়েছে। এখন যা কালীর ইচ্ছায়, ছেলেটাকে একেবারে নিরেট বৈষ্ণব ক'রতে পারলেই আমি নিশ্চিন্ত হই। ভবানন্দ।

ভবানন্দের প্রবেশ

ভবা। মহারাজ !

বিক্রম। দেখে এস ত প্রতাপ কোথায় ?

ভবা। আজ্ঞে মহারাজ, তিনি তুলসীমঞ্চে ব'সে মালা জপ করছেন।

বিক্রম। বেশ বেশ ! আচ্ছা ভবানন্দ, প্রতাপের ভক্তিতে কেমন দেখছে বল দেখি ?

ভবা। ওঃ ! কি ভক্তি ! তা আপনাকে পাপমুখে কি ব'লব মহারাজ ! হাতের মালা ঘুরতে না ঘুরতেই চক্ষু দিয়ে দর দর ক'রে জল ! যেন ইচ্ছামতী নদীতে বান ডেকে গেল !

বিক্রম। বেশ, বেশ।

ভবা। হয় ত ব'লে বিশ্বাস ক'রবেন না, গোবিন্দদাস বাবাজীরও বদ্বি এত ভক্তি দেখিনি।

বিক্রম। বেশ, বেশ—আচ্ছা, তুমি এক কাজ কর দেখি, গোবিন্দদাস বাবাজীকে একবার আমার কাছে পাঠিয়ে দাও দেখি। ভবানন্দের প্রস্থান
বেশ হ'য়েছে। বসন্ত প্রতাপকে ঠিক বাগিয়ে এনেছে। তুলসীতলায় যখন বসিয়েছে, তখন আর ভাবনা কি ! তুলসীর গন্ধ দু'দিন নাকে ঢুকলে, বাপধনের পা থেকে মাথা পর্য্যন্ত একেবারে নিরামিষ হ'য়ে যাবে। বস্—বস্—আর ভয় কি। দুর্গা দুর্গম্ব হরে—দুর্গা দুর্গম্ব হরে। তবু রণের ওপর একটু রসান চড়িয়ে দিই। প্রতাপকে আনিয়ে গোবিন্দদাস বাবাজীর দুটো গান শুনিয়ে দিই।—ওরে !

ভূত্যের প্রবেশ

যা' ত রাজকুমারকে একবার আমার কাছে আসতে বল ত। ভূত্যের প্রস্থান

গোবিন্দগামের প্রবেশ

গোবিন্দ । শ্রীগোবিন্দ !—অধীনকে স্মরণ ক'রেছেন কেন মহারাজ ?

বিক্রম । এস বাবাজী, এস—এই অনেক দিন তোমার মুখে মধুর হরিনাম শুনিনি—তাই, বুঝেছো বাবাজী ! সংসার চক্রে—ঘুরে ঘুরেই মরছি । কাছে সুধার সাগর থাকতেও, একটু যে চাকবো, তাও পারছিনি । বাবাজী ক্ষণেকের জন্য একটু কৃষ্ণনাম শুনিয়ে দাও ।

গোবিন্দ । শ্রীগোবিন্দ !—মহারাজ, নরাদম আমি । আজও পর্য্যন্ত অভিমান নিয়ে ঘুরে ম'রছি । আমি যে মহারাজকে আনন্দ দিতে পারি, সে ভরসা আমার কই ? তবে দয়া ক'রে অধীনের মুখে কৃষ্ণনাম শুনতে চয়েছেন এই আমার বহু ভাগ্য ।

বিক্রম । বাবাজী ! যে ব্যক্তি সাধু, তার কি অহংকার থাকে । যাক্—বাবাজী একটা গেয়ে ফেল

গোবিন্দ । কি গাইব, অনুমতি করুন ।

বিক্রম । যা হোক একটা—ভাল কথা, সেই যে সেদিন বিদ্যাপতির আত্মনিঃবদন গেয়েছিলে, সেটা আমার কানে বড়ই মধুর লেগেছিল ।

গোবিন্দ । যে আজ্ঞে—

গীত

তাঁহল সৈকতে, বারিবিন্দু সম

হৃৎ-মিত রমণী-সমাজে ।

তোহে বিস্মি' মন, তাহে সমর্পিমু,

অব মঝু হব কোন কাজে ॥

মাধব ! হাম পরিণাম নিরাশ ।

তুঁহ জগতারণ দীন দয়াময়,

অন্ত-এ হৈহারি বিশোয়াশ ॥

বিক্রম । বা ! বা ! কি মধুর ! কি ভাব—তাতল সৈকতে—
তাতে আবার বারিবিন্দু সম—যেন তপ্তখোলায় বালি—পড়লুম মটর—
হলুম ফুটকড়াই—বা বা ! কি সুন্দর উপমা ! তার ওপর আবার বারি-
বিন্দুটি প'ড়েছে কি—অমনি চড়াঙ—খোলা একেবারে চৌচাকলা ।
মহাজন না হ'লে এ কথা বলে কে ? সুত—মিত—রমণী-সমাজে ! বা !
বা ! কি চমৎকার !—তাতে রমণীসমাজে যত জ্বালা হোক আর না
হোক বাবাজী ! মাঝখান থেকে এক সুতোয় জ্বালায় অস্থির হয়ে
পড়েছি ! বাবাজী ! সুতো এখন কাছি হ'য়ে কোন দিন গলায় ফাঁস
না লাগায়—ওরে প্রতাপকে ডেকে আনতে বললুম, তার ক'রলি কি ?

গোবিন্দ । তবে কিনা তিনি দয়াময়

বিক্রম । এই !—যা ব'লেছো বাবাজী । তবে কিনা তিনি দয়াময় !—
সেই সাহসেই বেঁচে আছি !—ওরে ! দেরি ক'রছিস কেন ? প্রতাপকে
আনতে দেরি ক'রছিস কেন ?

সম্মুখে বাণবিদ্ধ পশীর পতন

গোবিন্দ । (উঠিয়া)—হা গোবিন্দ ! হা গোবিন্দ !—কি ক'রলে !

বিক্রম । ওরে ! এ কি রে ! ওরে, এ কাজ কে ক'রলে রে ! ওরে
এ জীবহত্যা কে ক'রলে রে ! দোহাই বাবাজী—যেয়ো না !

গোবিন্দ । ক্ষমা করুন মহারাজ ! অধীন আর এখানে থাকতে পারবে
না । যে স্থানে জীবহত্যা হয়, বৈষ্ণবের সে স্থানে থাকা উচিত নয় । হা
গোবিন্দ ! কি ক'রলে ।

প্রস্থান

বিক্রম । ওরে, এ জীবহত্যা কে ক'রলে রে !

ধর্ম্মব্যাণ হস্তে প্রতাপের প্রবেশ

এ কি প্রতাপ ! এ অকারণ প্রাণহত্যা কে ক'রলে ? নিশ্চিত হ'য়ে
নিঃসর্জনে বসে ভগবানের নাম শুনছিলুম—তাতে বাধা কে দিলে প্রতাপ ?

প্রতাপ । ক্ষমা করুন মহারাজ, আমি ক'রেছি ।

বিক্রম। না—না। তুমি কেন এ কাজ ক'রবে! এই শূনলদ্রুম, তুমি তুলসীমঞ্চ ব'সে হরিনাম জপ ক'রছিলে। এ নিষ্ঠুর কার্য তুমি ক'রবে কেন!

প্রতাপ। কিছুক্ষণ জপে নিযুক্ত হ'য়ে বদ্বলদ্রুম আমি হরিনাম-জপের যোগ্য নই; অসংখ্য প্রজাশাসনের জন্য দু'দিন পরে যাকে রাজদণ্ড হাতে ক'রতে হবে, * [পররাজ্য-লোলুপ দুন্দীপ্ত মোগলের আমল থেকে আশ্রয়-ভিত্তারী দুর্বলকে রক্ষা ক'রতে কথায় কথায় যাকে অস্ত্র ধ'রতে হ'বে,] * অহিংসাময় বৈষ্ণবধর্ম তার নয়। শক্তি-অভিমানী যশোর-রাজকুমারের একমাত্র অবলম্বন মহাশক্তির আশ্রয়। তাঁর কাছে কস্তুর্যানুরোধে জীবহিংসা, *[তাঁর মনস্তৃষ্টির জন্য অঞ্জলিপূর্ণ শত্রু-শোণিতে মহাকালীর তপ'ণ।] * পিতা! তাই আমি শোণিত পিপাসু বাজ-পক্ষীকে শরাঘাতে সংহার ক'রেছি।

ধর্মব্রূণ তন্ত্রে শব্দের প্রবেশ

শঙ্কর। মিথ্যা কথা, এ কার্য আমি ক'রেছি।

বিক্রম। তাই ত বলি—তাও কি কখন হয়! ব্রাহ্মণের মর্যাদা রাখতে প্রতাপ আবাত, পিতৃসম্মুখে মিথ্যা কথা ক'য়েছে। এই শূনলদ্রুম তুমি পরম বৈষ্ণব হ'য়েছো। তুমি এমন কাজ ক'রবে কেন!

প্রতাপ। না পিতা! মিথ্যা নয়। এ ব্রাহ্মণকে এর পূর্বে আমি আর কখন দেখিনি। আমারই শরাঘাতে এই পক্ষী নিহত হয়েছে।

শঙ্কর। না মহারাজ! মিথ্যা কথা! এই উড্ডীয়মান বাজপক্ষী আমার শরাঘাতেই নিহত হ'য়েছে।

প্রতাপ। সাবধান ব্রাহ্মণ। রাজার সম্মুখে মিথ্যা ক'রো না।

শঙ্কর। সাবধান রাজকুমার! বৈষ্ণবধর্ম পরিত্যাগ ক'রে মহা-শক্তির আশ্রয় গ্রহণ ক'রতে মিথ্যার আশ্রয় গ্রহণ ক'রো না। এ কার্য আমি ক'রেছি

প্রতাপ। মিথ্যা কথা, আমি ক'রেছি।

শঙ্কর। ভাল, বাগ্‌বিতণ্ডায় প্রয়োজন কি ? সম্মুখেই পক্ষী পড়ে আছে। পরীক্ষা কর। কার শরাঘাতে এ পক্ষী নিহত হ'য়েছে, এখনি বদ্বতে পারা যাবে।

প্রতাপ। বেশ, তাতে আপত্তি কি !

শঙ্কর। ধর্মবতার যশোরেশ্বর সম্মুখে—তার সম্মুখে পরীক্ষা, সুদীর্ঘ-চারেরই প্রত্যাশা করি। কিন্তু রাজকুমার, পরীক্ষার আগে একটা প্রতিজ্ঞা কর। যদি তোমার বাণে এ পক্ষী বিদ্ধ হয়, তা হ'লে ব্রাহ্মণ হ'য়েও আমি কায়স্থকুলান্তিক বিক্রমাদিত্য-নন্দনের দাসত্ব স্বীকার ক'রবো। আর আমা হতে যদি এ কার্য সাধিত হয়, তা হ'লে প্রতিশ্রুত হও রাজকুমার, তুমি অবনত-মস্তকে এই ভিখারী ব্রাহ্মণের দাসত্ব স্বীকার ক'রবে !

প্রতাপ। বেশ, প্রতিজ্ঞা ক'রলুম।—কিন্তু ব্রাহ্মণ। পরীক্ষার মীমাংসা হ'বে কি ক'রে !

শঙ্কর। তুমি কোন স্থান লক্ষ্যে শরসন্ধান ক'রেছ ?

প্রতাপ। আমি পাখীর পক্ষ ভেদ ক'রেছি।

শঙ্কর। আর আমি মস্তক চূর্ণ ক'রেছি।

ধর্মবীর হস্তে বিজয়ার প্রবেশ

বিজয়া। আর আমি হৃদয় বিদ্ধ ক'রেছি।

বিক্রম। এ কি ! এ কি অপদূর্ব্ব মর্দ্দতি ! এ কি হেয়ালি ! কে তুমি ?
এ সমস্ত কি প্রতাপ !

প্রতাপ। এ কি ! এ কি অপদূর্ব্ব মর্দ্দতি ! কিছূই ত জানিনা মহারাজ !
এ প্রদীপ্ত অনলোল্লাস, এ মত্তমাতঙ্গলাঞ্জন পাদক্ষেপ, এ অপদূর্ব্ব রণোন্মাদন
বেশ আর কখনও ত দেখিনি মহারাজ ! কে তুমি মা ? কোথা থেকে
এলে ? কেন এলে ?

শঙ্কর। যথার্থ—ই কি এলি মা ! দুর্বলপীড়ন-দর্শন-কাতর, সহস্রখা-
তিস্রঅস্তর এ দরিদ্র-ব্রাহ্মণের কাতরকণ্ঠ তবে কি তোর কণ্ঠে পৌঁছেছে মা ।

বিজয়া। এই দেখ শঙ্কর, হতভাগ্য পক্ষীর মস্তক ভিন্ন। এই দেখ
প্রতাপ, পক্ষ হিন্ন। আর এই দেখ মহারাজ, পক্ষী-হৃদয়ে কি গভীর
শরাঘাত ! কিন্তু জানতে পারি কি ব্রাহ্মণ ! কেন তুমি এই শ্যেনপক্ষীর
উপর অস্ত্র নিক্ষেপ ক'রেছিলে ?

শঙ্কর। বাঙালী ব্রাহ্মণের চিরদুর্বল-করে লক্ষ্য-বেধের শক্তি আছে
কিনা পরীক্ষা ক'রছিলুম।

প্রতাপ। আর আমি দেখলুম মা ! হিন্দুস্থানের এ সীমান্ত প্রদেশের
বনভূমির একটা ক্ষুদ্র নগর হ'তে নিষ্কিপ্ত বাণ কখন কোনও কালে
আগ্রাব সিংহাসনে পৌঁছিতে পারে কিনা।

বিজয়া। আর আমি দেখলুম, মহারাজের প্রাসাদশিরে অগণ্য শ্বেত
পারাবত মনের মাধে বিচরণ ক'রছে ! তাদের সেই আনন্দের সংসার
হারথার ক'রবার জন্য একটা ভীষণ মাংসাশী পক্ষী অলক্ষ্যে আকাশপথে
ঘুরে বেড়াচ্ছে। মহারাজ ! বিশ বৎসর পূর্বে এমন একটি সুখের
সংসার যবনের অভ্যাচারে হারথার হ'য়েছিল। তা'র ফলে একটি ব্রাহ্মণ-
কন্যা শিশুকাল হ'তে ভীষণ অরণ্যবাসিনী—কুমারী কপালিনী। কম্পনায়
সে স্মৃতি জেগে উঠলো। প্রতিশোধ-বাসনায় কম্পিত কর হ'তে
আপনা-আপনি শর ছুটে গেল। পাখীর হৃদয় বিদ্ধ হ'ল। এই নাও
প্রতাপ, পাখী নাও। এই ত্রিধা-বিভিন্ন বিহঙ্গম তোমার বিজয়-পতাকার
চিহ্ন হো'ক।

এহান

শঙ্কর। এ কি মা ! দেখা দিয়ে যাও কোথায় ! সর্বনাশী। আশ্রয়
দিয়ে আবার আমাদের আশ্রয়-হীন ক'রিস্ কেন ?

প্রতাপ। এ কি মা বিজয়লক্ষ্মি ! হতভাগ্য সন্তানের চক্ষে একটা
নূতন জীবনের আভাস দিয়ে আবার তাকে অন্ধকারে ফেলে যাস্ কোথা ?

শঙ্কর। রাজকুমার ! প্রতিজ্ঞাবদ্ধ ব্রাহ্মণ আজ থেকে তোমার ভৃত্য ।

প্রতাপ। ব্রাহ্মণ ! প্রতিজ্ঞাবদ্ধ প্রতাপ আজ থেকে তোমার দাসানুদাস ।

পরশুরের আলিঙ্গন ও গ্রহণ

বিক্রম। ওরে ওরে—কে কোথা রে ! ও বসন্ত—বসন্ত—কোথা রে ! কি হ'ল রে !

চতুর্থ দৃশ্য

যশোহর—রাজপথ

গোবিন্দদাস

গোবিন্দ। এ আমাকে কি দেখা'লে দয়াময় ! শাস্তির ভিখারী আমি কাতর কণ্ঠে তোমার কাছে আত্মনিবেদন ক'রলুম, তার ফলে কি ঠাকুর আমাকে এই দেখতে হ'ল ! না, না—প্রভু যে আমার শূদ্ধ প্রেমময় নন, তিনি যে আবার দর্পহারী । এ মধুর কৃষ্ণনাম আমি দীন-দরিদ্রে বিলাই না কেন ; কেন আমি ঐশ্বর্যময়, তমোময় রাজার কাছে—?—সে ত দীন নয়, সে ত কৃষ্ণনামের ভিখারী নয় । সে যে মান-যশের কাণ্ডগাল—কামিনী-কাঞ্চনে চির-আসক্ত । আমি কি তবে নামের জন্য নাম করি, না রাজ-সংসারে প্রতিষ্ঠালাভের জন্য ? নইলে দয়াময়ের নাম স্মরণে এমন শোণিতময় ফল দেখলুম কেন ? রক্তাক্ত-কলেবরে গতাসু পক্ষী আমার চরণপ্রান্তে নিপতিত হ'ল !—প্রভু । এ মম্মবৈদনা যে আর আমি সহ্য ক'রতে পারি না । দয়াময় ! এ দাসের প্রতি করুণা কর—চরণে আশ্রয় দাও—চরণে আশ্রয় দাও ।

পশ্চাদিক হইতে পুষ্পভূষিতা বিজয়ার প্রবেশ

বিজয়া । (গোবিন্দের পৃষ্ঠে হাত দিয়া) গোবিন্দ !

গোবিন্দ । য্যা—য্যা—এ কি দেখি ! এ কি দেখি । কথা কি

কানে বেজেছে জননি ! সন্তানকে চরণে আশ্রয় দিতে কি আজ তার কাছে এসেছিছ্ মা !

বিজয়া । দঃখ কেন গোবিন্দ !—তোমার ঠাকুর কি শূদ্ধ বাঁশীর ঠাকুর—অসির নয় ? একুশ দিনের ঠাকুর আমার, স্তনপানে পুতলা-নিধন ক'রেছেন ! দুই বৎসরের শিশু মংগলবাহু-বেণ্টনে তৃণাবস্ত্র সংহার ক'রেছেন । ষষ্ঠবর্ষীয় বালক নৃত্যের ছল ক'রে প্রতি পদক্ষেপে কালীরের এক এক ফণা চূর্ণ ক'রেছেন । গোবিন্দ ! দেখ, দেখ—চেনে দেখ—কুরুক্ষেত্র-রণাঙ্গনে অজ্ঞান-সারথির মূর্ত্তি দেখ । * [যেখানে দুর্বারের উপর অত্যাচার, সেখানে মা আমার অত্যাচারী-দলনে সংহার-মূর্ত্তি !] * বৃন্দারণ্যে ব্রজেশ্বরীর সহবাসেই তিনি রাসবিহারী । গোবিন্দ, গোবিন্দ ! এখানে তুমি নিজে কেঁদে মাকে আমার কাঁদিও না । বৈষ্ণবী আনন্দ-ময়ীকে দু'টি দিনের জন্য সংহারিণী মূর্ত্তি ধ'রতে দাও । বড় অত্যাচার—উঃ ! বড় অত্যাচার !—গোবিন্দ ! বাপ, বন্দাবনে যাও ! এই দেখ বন্ধ-বিদ্ধ—শতধা ছিন্ন—বড় যাতনা । আমার অনুরোধ—বন্দাবনে যাও ।

গোবিন্দ । যথা আজ্ঞা জননি ! অজ্ঞান আমি, প্রভুর লীলা না বুঝতে পেরে সন্দেহ করি । অধম সন্তানের প্রতি কৃপা কর মা—কৃপা কর ।

বিজয়া । আশীর্বাদ করি তোমার কৃষ্ণপ্রেম লাভ হোক । এস্থান

প্রতাপ ও শঙ্করের প্রবেশ

প্রতাপ । কি হ'ল ভাই শঙ্কর ! মা যে দেখা দিয়ে মিলিয়ে গেল ।

শঙ্কর । ভয় কি ভাই !—মায়ের পূজার ফলে যদি কিছু জ্ঞান জন্মে থাকে, তা'তে এই বুঝেছি যে, মা যখন একবার কৃপা ক'রেছেন, তখন সে কৃপা থেকে আমরা বঞ্চিত হচ্ছি না ।

প্রতাপ । তাই যদি, তবে মা কোথায় গেল—একবার যে দেখা দিলে ! ভাই ! শূদ্ধ একটিবার মাত্র যে, অলঙ্কারগ-রঞ্জিত, শত্রুহৃদয়-শোণিত-নিষিক্ত—সে চরণকমল—শূদ্ধ যে একবার দেখলুম । আর

দেখতে পেলুম না কেন ? শঙ্কর, শঙ্কর । তোমার পেলুম, তোমার মাকে আর পেলুম না কেন ? মা, মা ! কই মা—কোথা মা !

শঙ্কর । ভাই, ঐশ্বর্য ধর—ঐশ্বর্য ধর । এই যে, এই যে—বাবাজী । বাবাজী ! ধনুর্দ্ধরা, বরাভঙ্গকরা একটি বালিকাকে এ পথে যেতে দেখেছো ? গোবিন্দ ! মাকে খুঁজছ—তোমরা কি আমার মাকে খুঁজছ ?

গীত

ঢল ঢল কাঁচা অঙ্গের লাবণী অবনী বহিয়া যায় ।
ঈষৎ হাসির ভরঙ্গ-হিল্লোলে মদন মুরছা পায় ॥
মালাতী ফুলের মালাটি গলে হিয়ার মাঝারে ঢলে ।
উড়িয়া পড়িয়া মাতাল ভ্রমর ঘুরিয়া ঘুরিয়া বুলে ॥
হাসিয়া হাসিয়া অঙ্গ দেলাইয়া মরাল গমনে চলে ।
না জানি কি জানি হয় পরিণাম দাস গোবিন্দ বলে ॥

পঞ্চম দৃশ্য

যশোহর—প্রাসাদ-মন্দির-প্রাঙ্গণ

বিক্রমাদিত্য ও বসন্ত রায়

বসন্ত । কি দেখলেন কি শুনলেন ? প্রতাপ কি আপনার অসমর্থ্যাদা ক'রেছে ?

বিক্রম । আরে মন্দভাগ্য, বুঝেও বুঝতে পারছ না ! যা বলছি, ইচ্ছাপূর্ব্বক কানে তুলছ না !

বসন্ত । আপনি কি বলছেন, আমি যে তার এক বর্ণও বুঝতে পারছি না !

বিক্রম । আর বুঝবে কি ? বোঝবার কি আর কিছ্ন রেখেছে । শাস্ত্রবাক্য, বিশেষতঃ জ্যোতিষবাক্য—ও কি আর মিথ্যে হবার যো আছে ? কোর্টার ফল—বিধাতার লিখন—খণ্ডায় কে ?

বসন্ত । শাস্ত্রবাক্য, জ্যোতিষবাক্য কি ? এসব আপন কি বলছেন ?

বিক্রম । আর বল'ব কি—তোমার শেষ বয়সের বুদ্ধি-বিবেচনা দেখে, একেবারে বাক্য-রোধ । যাক্—যা হ'বার তা হ'বেই—নইলে বসন্তের বুদ্ধি লোপ পা'বে কেন ? ওরে তাই ! তোকে যে আমি শুদ্ধ তাইটি দেখি না । বল, বুদ্ধি, আশা, ভরসা—সমস্ত যে তুই । তোর জন্যেই যে আমার যত ভাবনা । বন কেটে নগর বসালি—রাশি রাশি অর্থ ব্যয় ক'রে বড় বড় অট্টালিকা, বড় বড় দীঘি সরোবর, সুন্দর সুন্দর বাগান—সব রচনা ক'রলি, কিন্তু বুদ্ধির দোষে ভোগ ক'রতে পেলিনি । কানুনগো-গিরি কাজ ক'রেছিলুম—দায়দুখাঁর পয়সায় ঐশ্বর্য লাভ ক'রলুম—এখন দেখছি তা দায়দুদের সঙ্গে সব যায় ! যাক্,—তারা শিব-সুন্দরি । কলম পিস্তে এসেছিলি—কলম পিসেই চ'লে গেলি !

বসন্ত । প্রতাপ কি আমাকে হত্যা ক'রবার সংকল্প ক'রেছে ?

বিক্রম । তুমি প্রতাপকে মনে কর কি ?

বসন্ত । আমি ত তাকে শিষ্ট, শাস্ত্র, ধর্ম্মভীরু, বংশোদ্ভূত সন্তান ব'লেই জানি ।

বিক্রম । বস্, তবে আর কি—তবে আমারই বা এত হাঁক-পাঁক ক'রবার দায়টা কি পড়ে গেছে । কালী করুণাময়ী !—ওরে আমার জপের মালাটা দিয়ে যা ।

বসন্ত । আমি ত জানি, গুরুজনে—বিশেষতঃ আমাকে তার যতটা ভক্তি, এমন ভক্তির সিকিও যদি আমার সন্তানগণের থাকত, তা হ'লে আমার মতন সুখী আর জগতে থাকত না ।

বিক্রম । বা রে জ্যোতিষ—বা রে তোর লেখা ! যে ঘটনাটি ঘটবে আগে থাকতে পাকচক্র ক'রে, ধীরে ধীরে তা'র আবছায়াটুকু জাগিয়ে তুল'ছ । হায় হায় ! হ'ল কি ! তারা শিবসুন্দরি !—ওরে !—আরে ম'ল, ওরে ! তবে আর আমি কেন সংসার-চিন্তায় জরজর হ'য়ে ভেবে মরি !

(ভৃত্যের মালা লইয়া প্রবেশ ও বিক্রমের হস্তে দিয়া প্রস্থান) আমার শেষাবস্থা। টানাটানি ক'রে বড় জোর না হয় দু'চার দিন বাঁচব। আমার জন্যে ভাবনা কি! মরতেই যখন হ'বে, তখন রোগে খাপি খেয়েই মরি, কি অপঘাতে টপ ক'রেই মরি—আমার দুই-ই সমান। তারা শিবসুন্দরি! কি আশ্চর্য্য! হ'ল কি! কালে কালে এ সব হ'ল কি! গাছের ফল গাছেই রইল—বোটা গেল খসে—মাঝখান থেকে বোটাটি গেল খসে! বসন্ত রইল, তার ছেলেরা রইল, মাঝখান থেকে পুত্রস্নেহ ভাইপোর ষাড়ে প'ড়ে গেল! বিধাতার মার না হ'লে এ সব অসম্ভব ব্যাপার ঘটবে কেন? যাক্—এখন আমি নিশ্চিত। দুর্গা দুর্গম হরে, দুর্গা দুর্গম হরে! আহা' যশোর ত নয়—ইন্দ্রভুবন, মাটি ত নয়—যেন মণিকাঞ্চন, গাছ ত নয়—যেন হরিচন্দন।—যাক্—তারা শিবসুন্দরি!

বসন্ত। বৃদ্ধবয়সে দাদার দেখছি বুদ্ধিজংশ হ'য়েছে! নইলে একমাত্র সন্তান—বংশের প্রদীপ—তার ওপর বিষদৃষ্টি হ'বে কেন?

ভবানন্দের প্রবেশ

ভবা। মগরাজ! গোবিন্দদাস বাবাজী যশোর পরিত্যাগ ক'রে চ'লে গেলেন।

বসন্ত। সে কি!

বিক্রম। ওই!—সব যা'বে বসন্ত! সব যা'বে!—কেউ থাকবে না। যাদের নিয়ে যশোর, তা'দের মধ্যে একটি প্রাণীও থাকবে না।

বসন্ত। গোবিন্দদাস বাবাজী চ'লে গেলেন।—কি অভিমানে তিনি আমাদের ত্যাগ ক'রে গেলেন ভবানন্দ?

বিক্রম। অমর্যাদা, অমর্যাদা। সাধুপুরুষ—আমার সমুখে—ভোখের উপরে গা-ময় রক্তের ছিটে! হরিনাম ভেঙ্গে গেল—ভক্তি গেল, ভাব গেল! সাধুপুরুষের তা হ'লে আর রইল কি? কাজেই তাঁর যশোর বাস আর সইল না। দুর্গা দুর্গম হরে!—

ভবা। না মহারাজ ! কেউ তাঁর অমর্যাদা করেনি। তিনি দেবাদিষ্ট হ'য়ে যাচ্ছেন।

বিক্রম। তা যাবেনই ত ! দেবতারাত্ত ক্রমে ক্রমে ভস্মি-ভস্মপা নিয়ে যশোর থেকে স'রে পড়েন আর কি !

ভবা। কে এক যশোরেবরী তাঁকে বন্দাবনে যেতে আদেশ ক'রেছেন।

বসন্ত। যশোরেবরী !—সে কি ! তিনি আবার কে ?

বিক্রম। তিনি কে—(হাস্য) তিনি কে ? দু'দিন পরেই জানতে পারবে ভাবা তিনি কে ! তিনি সাধুপুরুষকে পাঠিয়ে দিলেন বন্দাবনে, আর আমাদের দু'ভাইকে পাঠাবেন সৈদরবনে ! বাঘের তাড়ায় কেওড়া গাছের উপর ব'সে থাক, আর সুন্দরী গরাণের ফল খাও—ভবানন্দ, তুমি এখন যেতে পার। (ভবানন্দের প্রস্থান) বসন্ত ! প্রাণের ভাইটি আমার ! এখনও বল্হি সময় থাকতে প্রতিকার কর। নইলে কিছু থাকবে না ! কোষ্ঠীর ফল মিথ্যে হ'তেই পারে না। আগে থাকতেই তার লক্ষণ দেখা দিয়েছে। বসন্ত ! পশ্চিমে কালবৈশাখীর কালো মেঘ ফুস্ ক'রে মাথা তুলেছে ! দেখতে পাবে—দেখতে দেখতে ভয়ঙ্কর ঝড়—আকাশ কড়-কড়—রক্তবৃষ্টি—শিলাপাত—বজ্রাঘাত ! কালী কালভয়বারিণী মা !

বসন্ত। কোষ্ঠীতে ব'লেছে কি ?

বিক্রম। প্রতাপ পিতৃঘাতী হ'বে, তোমাকে মারবে, আমাকে মারবে। আমাকে মারে তাতে ক্ষতি নেই। কিন্তু বড় দুঃখ বসন্ত ! তোমাকে সে রাখবে না। আজ তাঁর প্রথম নিদর্শন। প্রতাপের বৈষ্ণব ধর্ম ত্যাগ, আমার সম্মুখে জীবনাশ, সঙ্গে সঙ্গে রক্তমন্দিরী ব্রাহ্মণ, মদহস্ত পরেই রণরঙ্গিণী চণ্ডী ! বসন্ত—বসন্ত ! যা দেখেছি, তোমার সম্মুখে ব'লতেও ভয় পাচ্ছি !

বসন্ত। গোবিন্দদাস বাবাজী চ'লে গেলেন !

বিক্রম। যাবেন না ত কি বাণের খোঁচা খেয়ে প্রাণ দেবেন ! একি কানুনগোর কল্ম রে ভাইজি ! যে—এক খোঁচায় একেবারে চৌবাঁটি

পরগণা গেঁথে উঠলো ! হিসেব-নিকেশ চোস্ত—একটু বেলেমাটি পর্য্যন্ত ঝরে পড়বার যো নেই। এ বাবা হাতের তীর—ছাড়লুম ত অমনি হাত এড়িয়ে বেরিয়ে গেল। তাগ্ ক'রলুম হ'রেকে, লাগলো গিয়ে শঙ্করাকে ! যেখানে এত তীর ছোঁড়াছুঁড়ি ; সেখানে গোবিন্দদাস বাবাজী থাকবেন কেমন ক'রে—তারা শিবসুন্দরি !

বসন্ত । আপনার অভিপ্রায় কি ?

বিক্রম । প্রতিকার—সময় থাকতে থাকতে প্রতিকার। যদি রাজ্যের মুখ চাও—যদি নিজের বংশধরের মুখ চাও—যদি আমার মুখ চাও, তা হ'লে আগে থাকতেই প্রতিকার কর।

বসন্ত । প্রতিকার কেমন ক'রে ক'রবো ?

বিক্রম । আর কাজ নেই—যাক্—ও কথা ছাড়ান দাও—দুর্গা।

বসন্ত । প্রতাপকে কি বন্দী ক'রে রাখতে বলেন ?

বিক্রম । আর কেন ভাই—ছাড় না। ও কথায় আর দরকার কি ? শিবে শঙ্করি। আমি যেন বন্দী ক'রতেই ব'লছি—বন্দী ক'রে ফল কি ? বন্দী ক'রলে উল্টো বিপত্তি।—তারা শিবসুন্দরী। আর বন্দী ক'রেই বা ক'দিন রাখবে ?

বসন্ত । তবে কি আপনার অভিপ্রায়, বাবাজীকে হত্যা করা !

বিক্রম । দুর্গা দুর্গম্ব হরে—দুর্গা দুঃখ হরে—

বসন্ত । বলেন কি মহারাজ !

বিক্রম । যাক্—যাক্—তুমি বাকলা থেকে আত্মীয়বন্ধুগুলোকে আনবার ব্যবস্থা কর। বাগুটের ঘোষেদের আনাও, গোবরগঞ্জের বোসেদের আনাও—আটাকাটীর গুহদের আনাও—আর ভাল ভাল বংশের যে কেউ আসতে চায়, সম্মানের সহিত এনে যশোরে প্রতিষ্ঠা কর !

বসন্ত । যাগ-যজ্ঞ ক'রে, কত দেবতার কাছে মানত ক'রে যে সন্তান জন্ম করলেন তাকে আপনি হত্যা করতে চান ?

বিক্রম । আরে ভাই যেতে দাও—যেতে দাও । শিবে শঙ্করি—
ভাল, আর এক কাজ করলে ক্ষতি কি ? আমরা বদুড়ো হয়েছি, দু'দিন
বাদে প্রতাপেরই ঘাড়ে ত রাজ্যভার প'ড়বে । তা হ'লে কিছু দিনের
জন্যে তাকে আগ্রায় পাঠাও না কেন ? আগ্রায় গিয়ে বাদশার পরিচিত
হ'লে লাভ ভিন্ন ত ক্ষতি নেই । পাঁচজন বড়লোকের সঙ্গে দেখা-শোনা
ক'রলে কিছু জ্ঞানলাভও ক'রতে পা'রবে । সেই সঙ্গে দিন কয়েক আমাদের
না দেখলে আমাদের প্রতি বাবাজীর একটু মায়াও প'ড়বে—মনটা সেই
সঙ্গে একটু নরম হ'বে । কেমন, এ প্রস্তাবে তোমার মন আছে ত ?

বসন্ত । না থাকলেও, কাঁহাতক আপনার কথার প্রতিবাদ করি ।
এ প্রস্তাব মন্দের ভাল ।

বিক্রম । বস্, তাই কর—বসন্ত । আমার জন্যে নয়—শুধু তোমার
জন্যে—তুমি যে আমার লক্ষণ ভাই । তারা শিবসুন্দরি ! বস্—তাই
কর—প্রতাপকে আগ্রায় পাঠাও—ভাল রকম নজর সঙ্গে দিয়ে দাও—
ঘাতে বাদশার নজরে পড়ে ।

বসন্ত । যথা আজ্ঞা ।

বিক্রম । বস্—বস্—কালী কালভয়বারিণী মা । করুণাময়ী ভবসুন্দরী !

ষষ্ঠ দৃশ্য

যশোহর—রাজ-প্রাসাদের একাংশ

ভবানন্দ ও গোবিন্দ রায়

গোবিন্দ । দেখলে ভাই, বাবার আঁকেল ।

ভবা । আমি ত ব'লেছি রাজকুমার, ছোটরাজার ঘাড়ে ভুত চেপে
আছে ; কিংবা বড় রাজকুমার তাকে গুণ ক'রেছে । বড়রাজা নিজে

বুঝেছেন, ছোটরাজাকে বোঝাবার এত চেষ্টা করছেন, তবু উনি বুঝবেন না। প্রতাপের মত ছেলে তিনি আর পৃথিবীতে দেখতে পান না।

গোবিন্দ। না। বাবা হ'তেই দেখছি সব যায়।

ভবা। তার উপর প্রসাদপুর থেকে একটা গোঁয়ারগোবিন্দ লোক এসে বড় রাজকুমারের সঙ্গী হ'য়েছে। সে লোকটা অতি বদ-মতলবী। দেশের লোক সব একজোট হ'য়ে তাকে গাঁ থেকে তাড়িয়ে দিয়েছে। সে হ'ল ইয়ার! তাতেই বুঝুন, প্রতাপের মতলবটা কি!

গোবিন্দ। মতলব আবার কি? কোনদিন দেখ না আমাদের সর্বনাশ ক'রে বসে।

ভবা। ছোটরাজাই ত এ রাজ্য প্রতিষ্ঠা করেছেন, বড়রাজাকে চিন্ত কে?

গোবিন্দ। এখনই বা চেনে কে? বাবাই ত এ রাজ্যের ধর্ম্মতঃ রাজা। বড়রাজা, অস্ত্র কোন ধারে ধরতে হয়, এখনও জানেন না। চিরকাল কানুনগো-গিরি কাজ ক'রে এসেছেন। এখনও লোকে তাঁকে কানুনগো ব'লেই জানে। রাজা বলি তুমি আর আমি।

ভবা। ছোটরাজা একদিন যদি না থাকেন, তা হ'লে কি এ রাজ্য চলে!

গোবিন্দ। একদিন! এক দণ্ড না থাকলে চলে! প্রকৃত রাজাই তিনি—প্রকৃত রাজ্যই তাঁর।

ভবা। বড়রাজা যা টাকা পাঠিয়েছিলেন, তাতে আমাদের দেশে বড় জোর একটা পরগণা কেনা যায়।

গোবিন্দ। টাকাই বা পাঠিয়েছেন কার? দায়দু খাঁ গোঁড় থেকে পালাবার সময় বাবার হাতেই ত হীরে-জহরৎগুলো দিয়ে যায়। বলে যায়—“দেখ” তাই! যদি বাঁচি, তা হ'লে আমার সম্পত্তি আমার ফিরিয়ে দিও। যদি মরি, তা হ'লে এ সম্পত্তি তোমার।”

ভবা । উঃ ! কি বিশ্বাস !

গোবিন্দ । দেখ দেখি ভাই ভবানন্দ । প্রাপ্তধন এমন ক'রে কি কেউ পরহস্তগত করে ! বাবা যে কি বুঝেছেন, ঈশ্বরই জানেন । নিজে রাজ্যের সর্বস্বত্ব । আর সব রাজ-রাজডারা বাবাকেই চেনে, বাবাকেই ভয় করে । নিজে মহাবীর—‘গঙ্গাজল’ অস্ত্র হাতে ক'রে দাঁড়ালে যম পর্য্যন্ত বাবার কাছে আসতে সাহস করে না । সেই বাবা কি না বুড়ো রাজার কাছে ক'চো । বাবার মতিচ্ছন্ন কেন হ'ল ভাই ?

ভবা । অতি ধার্মিকের সংসার করা উচিত নয় ।

গোবিন্দ । ধর্মই বা এতে তুমি দেখলে কোথায় ? নিজের ছেলে-পুলের স্বার্থে যিনি আঘাত করেন, তাঁকে তুমি ধার্মিক কেমন ক'রে বল বুঝতে পারি না ।

ভবা । কি জানেন রাজকুমার, বাল্যকাল থেকে দুই ভাইয়ে একত্র কি না—

গোবিন্দ । ভাই ! কিসের ভাই ! একি আপনার ভাই ।

ভবা । ম্যাঁ ! বলেন কি ! দুই ভাইয়ে সহোদর ন'ন !

গোবিন্দ । তবে আর ব'লছি কি ! জাঠুতো ভাই ।

ভবা । বলেন কি ! এ ত আশ্চর্য্য ব্যাপার । কলিকালে এমন ত কখন দেখিনি । এতকাল চাকরী ক'রছি, কই ঘৃণাক্ষরেও ত তা জানতে পারিনি !

গোবিন্দ । আমরাও কি জানতুম ! একবার বাবার অসুখ হয়, সেই সময় পিতামহের শ্রাদ্ধ—আমায় ক'রতে হয়, তাতেই জানতে পেরেছিলুম ।

ভবা । আশ্চর্য্য ! আশ্চর্য্য !

গোবিন্দ । বল দেখি ভাই ভবানন্দ ! একে জাঠুতো ভাই, তার আবার ছেলে । রাঢ়দেশে পিণ্ডিতে বাধে না । বাবার কি না সে হ'ল আপনার আর নিজের ছেলে হ'ল পর !

ভবা । ছোটরাণীমাকে সব ব'লেছি, দেখুন না কতদূর কি হয় ।

গোবিন্দ । অধম্ম'—অধম্ম' ; বাপ চাচ্ছে ছেলেকে মারতে, আমার বাবার মাঝখান থেকে স্নেহরস উথলে উঠল ! বাপের অধম্ম'জ্ঞান হ'ল না, অধম্ম'জ্ঞান হ'ল খুড়তুতো খুড়োর !

ভবা । চূপ চূপ—বড় রাজকুমার আসছেন ।

গোবিন্দ । তাই ত, তাই ত ! এখানে এমন সময়ে !

প্রতাপের প্রবেশ

প্রতাপ । গোবিন্দ ! খুড়োমহাশয় কোথায় ?

গোবিন্দ । কোথায়, তা ত ব'লতে পারি না । কেন, তাঁকে কি বিশেষ প্রয়োজন আছে ?

প্রতাপ । তিনি আমাকে কি জন্য ডাকিয়ে পাঠিয়েছেন । তোমরা এখানে কতক্ষণ আছ ?

ভবা । এই এসে দাঁড়িয়েছি, আর আপনিও এসে পড়েছেন ।

প্রতাপ । এই এসেছো ?

ভবা । এই আপনার সঙ্গে ব'লেও হয় ।

প্রতাপ । তা হ'লে ছোটরাজা কোথা, তোমরা জান্বে কেমন ক'রে !

ভবা । এই দাঁড়িয়ে আপনার কথাই ব'লছিলুম । আপনার কি হাতের তাগ্ ! ওড়া পাখী বিধে কিনা মাটিতে এসে লটপট্ ।

প্রতাপ । তাতে আমার গৌরব নেই—

বসন্ত রায়ের প্রবেশ

বসন্ত । কেও প্রতাপ এসেছ ?

প্রতাপ । আজ্ঞে হাঁ । (অভিবাদন) এ দীনকে স্মরণ ক'রেছেন কেন ?

বসন্ত । বিশেষ প্রয়োজন আছে । এস আমার সঙ্গে ।

বসন্ত ও প্রতাপের প্রস্থান

গোবিন্দ । একবার ভক্তির ঘটাটা দেখলে !

ভবা । সে আমি অনেক দিন ধ'রে দেখে আসছি, আপনি দেখুন ।

গোবিন্দ । তা আমরা কি এতই পাপী যে, দেবী-দর্শনটা আমাদের বরাতে ঘটল না ।

ভবা । ভানুমতীর বাচ্ছা—ভানুমতীর বাচ্ছা ! প্রসাদপুর থেকে যখন একটা দেবা এসেছে, তখন অমন কত দেবী আসবে, তার একটা কি ! তবে আমিও আত্মারাম সরকার, ছোটরাণীমাকে এক রকম বদ্বিষয়ে পড়িয়ে ঠিক ক'রেছি । আমিও মামীমার খেল দেখিয়ে দেব ।

বেগে রাঘব রায়ের প্রবেশ

রাঘব । দাদা ! দাদা !—আর শুনছেন ?

গোবিন্দ । কি হে রাঘব ! কি হে রাঘব ?

রাঘব । বড়দাদা যে চ'ললো ।

গোবিন্দ । চ'ললো ? কোথায় ?

রাঘব । বাবা তাঁকে আগ্রা পাঠাবার ব্যবস্থা ক'রছেন ।

গোবিন্দ । কে ব'ললে ?

ভবা । হে মা কালী—শিবদুর্গা—শিবদুর্গা ।

গোবিন্দ । বল কি ! সত্যি ?

রাঘব । এই আমি আড়াল থেকে শুনলে এলুম ।

গোবিন্দ । ভবানন্দ !

ভবা । চলুন চলুন । হে গোবিন্দ, গদাধর, গণেশ, কান্তিক, দোহাই বাবা—দোহাই বাবা !—থুড়ি—হে কালদুরায়, দক্ষিণরায়, ভেড়া বাবা, মোষ বাবা !

সপ্তম দৃশ্য

যশোহর-রাজপ্রাসাদ—বসন্ত রায়ের মহল

বসন্ত রায় ও ছোটরাণী

ছোটরাণী। প্রতাপকে ভালবাস্তে অনিচ্ছা কার? তবে ভালবাসার ত একটা সীমা আছে। এই যে আপনি প্রতাপকে নিজের ছেলের চেয়েও স্নেহ করেন, তাতেও আমি বরং সন্তুষ্ট। কেন না, কথায় কথায় দেশে এই রাজ্যের পরিবর্তন। চারিদিকে শত্রু। তার ওপর মগ ও পটুগীজের উৎপাত। এরূপ সময়ে প্রতাপের ন্যায় বীরপুত্রের ওপর রাজ্যত্যাগ না দিয়ে কি আমার ছেলেদের ওপর ভার দিয়ে নিশ্চিন্ত থাকতে পারব!

বসন্ত। বোঝ ছোটরাণি—বোঝ। সাথে কি আর প্রতাপকে প্রাণের অধিক ভালবাস্তে ইচ্ছা হয়?

ছোটরাণী। ভালবাস্তে ত আর আমি নিষেধ ক'রছি না, কিন্তু ভালবাসার ত একটা সীমা আছে। কথায় বলে—মায়ের চেয়ে যে অধিক আদর করে, তাকে বলে ডা'ন। বড় রাজ্যের চেয়ে এই যে আপনি ভাইপোর ওপর এই ভালবাসাটা দেখাচ্ছেন, মনে ক'রেছেন কি, প্রতাপ এ ভালবাসার মর্ম বুঝতে পারে? প্রতাপ যতই বুদ্ধিমান হ'ক, যতই জ্ঞানী হ'ক, সে যে বাপের চেয়ে আপনাকে অধিক শ্রদ্ধা করে, এত আমার কিছুতেই বিশ্বাস হয় না।

বসন্ত। সে বিশ্বাস তোমাকে ক'রতেই বা বলে কে? বাপের চেয়ে সে যে আমাকে অধিক শ্রদ্ধা ক'রবে সেটা আমারও ত অভিরুচি নয়। আমার যথাযোগ্য প্রাপ্য সম্মান সে যদি আমাকে দেয়, তা হ'লেই যথেষ্ট। আমি তার অধিক চাই না। যদি না দেয়, যদি সে আমার চরিত্রে সন্দেহ করে, তাতেই কি! আমার কস্তব্য আমি ক'রে যাচ্ছি ফলাফলের কস্তা ত আমি নই।

ছোটরাণী। কস্তব্য ক'রলে আমি কোন কথাই কইতুম না। এ যে আপনি কস্তব্যের অতিরিক্ত ক'রেছেন। বড়রাজা তাঁকে আগ্রা পাঠাবার ইচ্ছা ক'রেছেন, প্রতাপও যেতে স্বীকৃত, মাঝখান থেকে আপনি অশ্রদ্ধা ত্যাগ ক'রে ব'সে রইলেন; এটা দেখতে কেমন দেখায় না মহারাজ। লোকে দেখলে মনে ক'রবে কি। প্রতাপই বা দেখলে ঠাওরাবে কি! অবশ্য বড়রাজার আপনার উপর অগাধ বিশ্বাস। এ রাজ্যের মধ্যে একমাত্র তিনিই আপনার মহৎ চরিত্রে সন্দেহ না ক'রতে পারেন। অপরে যদি সন্দেহ করে, প্রতাপ নিজে যদি সন্দেহ করে, তা হ'লেই বা তার অপরাধ কি! আমি ত মহারাজ আপনার হৃদয়গত সমস্ত সম্পত্তির অধিকারিণী—আপনার মহৎ হৃদয়ের কোথায় কি রত্ন লুকান আছে, আমার ত কিছুই অবিদিত নাই—তথাপি সময়ে সময়ে মনে হয়, মহারাজ বুদ্ধি প্রতাপ সম্বন্ধে এতটুকু একটু অভিপ্রায় আমার কাছেও গোপন ক'রে গেছেন!

বসন্ত। দেখ ছোটরাণী! তবে বলি শোন। এ ভালবাসায় আমার একটু স্বার্থ আছে। যথার্থ—ই ছোটরাণী! এতকাল তোমার কাছে একটি কথা গোপন ক'রে আসছি। সেটি কি বলি, শোন। আমরা বংশানুক্রমিক রাজা নই। আমাদের দুই ভাই হ'তেই এ রাজ্যের প্রতিষ্ঠা। তাই আবার শত্রু জয় ক'রে আমরা এ রাজ্য লাভ করিনি। পেয়েছি—নবাবদণ্ডের চাকুরী ক'রবার পুরস্কার স্বরূপ। অর্থে রাজ্যক্রয়, সামর্থ্য নয়। আমার সোনার রাজ্য—স্বর্গতুল্য যশোর। কিন্তু ছোটরাণী! এমন রাজ্য হয়েও আমার মনে সুখ নেই। কি ক'রে যশোরের মধ্যাদা রক্ষা হয়, কি ক'রে বংশানুক্রমিক এ রাজ্যের প্রতিষ্ঠা হয়, সেই চিন্তায় দিবারাত্রি আমি অস্থির। রাজ্য উপাভ্জ'ন ক'রেছি, কিন্তু রক্ষা ক'রবার উপায় জানি না। চিরকাল লেখাপড়া ক'রে কাল কাটিয়েছি; দণ্ডরখানায় ব'সে কেবল হিসাব নিকাশ ক'রে এসেছি। শত্রু এসে রাজ্য

আক্রমণ ক'রলে কি ক'রে তার গতিরোধ ক'রতে হয়, তা ত জানি না। যে আমার যশোর রক্ষা ক'রতে পারে, সে যদি এতটুকু বালকও হয় ছোটরাণী, সেও আমার দেবতা। এ মহৎ কাব্য ক'রতে পারে শত্ৰু প্রতাপ। এখন বল দেখি ছোটরাণী, প্রতাপ আমার কে?

ছোটরাণী। যদি কোষ্ঠীর ফল মিথ্যা না হয়?

বসন্ত। যদি মিথ্যা না হয়—যদি প্রতাপ পিতৃঘাতী হয়। যদিই প্রতাপ হ'তে মহারাজের অনিষ্ট হয়, আমার জীবন নাশ হয়—এমন কি আমার বংশ পর্য্যন্ত নিম্নর্দল হয়, তথাপি প্রতাপ থাকলে একটি সামগ্রী—আমার একটি গবের সামগ্রী অটুট থাকবে। সেটি এই বসন্তরায়-প্রতিষ্ঠিত যশোর। সমস্ত ভোলাবার জন্য আমি বৈষ্ণব-চুড়ামণি গোবিন্দ-দাসের আশ্রয় গ্রহণ করেছিলুম। সেই গোবিন্দ আমাকে ত্যাগ ক'রে চ'লে গেছেন! কেন গেছেন? মহাপদ্রুপ বদ্বলেন—বসন্ত রায় চেষ্টা ক'রলে সব ভুলতে পারে, তোমার মতন স্ত্রী, পুত্র, ধন, ঐশ্বর্য্য—সব ভুলতে পারে, কিন্তু যশোরকে ভুলতে পারে না। রাণি! ব্যাঘ্র-ভল্লুক-পূর্ণ বিশাল অরণ্যের ভিতর থেকে গগনম্পর্শী অট্টালিকা সকল মাথায় ক'রে আমার সাধের অমরাবতী জেগে উঠেছে! স্বর্গ-প্রলোভনেও আমি সে যশোরকে ভুলতে পারলুম না।

ছোটরাণী। তা আপনার কীর্তি বজায় রাখতে একমাত্র যোগ্য প্রতাপ।

বসন্ত। যোগ্য একমাত্র প্রতাপ-আদিত্য। রাণি। সেই প্রতাপের মঙ্গল কামনা কর।

ছোটরাণী। তা কি না করি মহারাজ! যা হ'য়ে সন্তানের মুখ চাই, দুঃস্বলহুদয়া রমণী—মাঝে মাঝে স্বার্থের দিকেই দৃষ্টি নিক্ষেপ করি, প্রতাপের অমঙ্গল কামনা একটি দিনের জন্যও আমার মনে উদয় হয় নি।

বসন্ত । তা কি আমি বুঝতে পারি না ছোটরাণি ! বসন্ত রায় কি একটা অযোগ্য আধারেই এ হৃদয় ন্যস্ত ক'রেছে !

ছোটরাণী । তবে কি জানেন মহারাজ ! সন্তানগুলির জন্য একটু ভাবনা হয় । প্রতাপ কি তা'দের স্নেহচক্ষে দেখবে ?

বসন্ত । নীচ-ঈর্ষ্যা-দ্বেষ প্রতাপের হৃদয়ে প্রবেশ ক'রতে পারে না । মূখে ভালবাসা জানিয়ে প্রতাপ অন্তরে ঘৃণা পোষণ করে না । নইলে তা'কে এত ভালবাসতুম না ।

ছোটরাণী । তা হ'লেই হ'ল ! কি জানেন মহারাজ ! সন্তান ত ! দশ মাস দশ দিন গভে'ত ত ধারণ ক'রেছি ।

বসন্ত । কিছু ভয় নেই । যাক্, প্রতাপের যাত্রার আয়োজন এই বেলা থেকে ক'রে রাখ ।

ছোটরাণী । আশ্রা যাত্রার দিন স্থির ক'রলেন কবে ?

বসন্ত । কবে আর কি । কালই শুবদিন । আজ রাজি-প্রভাতেই কুমার আশ্রা যাত্রা ক'রবে । আমার একান্তই ইচ্ছা নয়, তাকে এই অল্প বয়সে আশ্রা পাঠাই । বাদশার সহর—নানা প্রলোভন । কি ক'রব—দাদার জেদ । আমিও এদিকে প্রতাপের হাতে রাজ্যরক্ষার ভার দিয়ে নিশ্চিত মনে হরি-স্মরণে নিযুক্ত ছিলাম । দাদা তাতেও বাদ সাধলেন । আবার 'গঙ্গাজল' কোষমুক্ত ক'রে দিন কতক রাজ্য পরিদর্শন ক'রে ঘুরতে হ'বে দেখছি । যাক্—আর কি করব ? ইচ্ছাময়ের ইচ্ছা ।

ভূত্যের প্রবেশ

ভূত্য । মহারাজ, বডরাজা আপনাকে স্মরণ ক'রেছেন ।

বসন্ত । চল যাচ্ছি । তা হ'লে রাণি ! মাংগলিক কস্মের ব্যবস্থা কর ।

উভয়ের প্রস্থান

ছোটরাণী । যথা আজ্ঞা । (প্রস্থানোদ্যোগ)

ভবানন্দ ও গোবিন্দের প্রবেশ

ভবা । (গোবিন্দকে অগ্রসর হইতে ইঙ্গিত)

গোবিন্দ । হাঁ মা ! দাদার আশ্রয় যাওয়া ঠিক হ'ল ?

ছোটরাণী । হ'ল বই কি ।

গোবিন্দ । কোন্ পথে যাবে ?

ছোটরাণী । তা আমি কেমন ক'রে জানব ?

গোবিন্দ । পথের মাঝখানে সে কাজটা—সেটাও ঠিক হ'য়ে গেল ?

ছোটরাণী । কোন কাজ ?

গোবিন্দ । আঃ ! আশে পাশে শত্রুর লোক কান খাড়া ক'রে রয়েছে । সে কথা কি আর পাড়া জানিয়ে ব'ল'ব ? যাক—তা সে কাজে যাবে কে ? ভাল রকম খেলোয়াড় না হ'লে তা পারবে না, আর এক আশ্রয় জনেরও তা কর্ম্ম নয় !

ছোটরাণী । এ সব কি ব'ল'ছে গোবিন্দ ! মনে মনে দুরভিসন্ধি আঁটিছ ? মনে ক'রেছো, তোমার বাপ মা তোমার মত নীচাশয় ?

গোবিন্দ । তা হ'লে দাদা বন্ধি আশ্রয় সহরে বেড়াতে যাচ্ছে ?

ছোটরাণী । তা নয় তা কি ?

গোবিন্দ । ও হরি ! দাদা চ'ল্লো আমোদ ক'রতে !

ছোটরাণী । আমোদ ক'রতে নয় রে মূর্খ ! বাদশার সঙ্গে পরিচিত হ'তে ।

গোবিন্দ । তা হ'লেই হ'ল । দাদা আমোদ ক'রতে আশ্রয় চ'ল্লো আর আমরা মালা ঠুকতে ঘরে প'ড়ে রইলুম !

ছোটরাণী । বাবার যোগ্য হ'লে তুমিও যেতে পারবে ।

গোবিন্দ । ও হরি ! তাই এত ফিসর ফিসর ! আমি মনে ক'রেছি, কাজ হাঁসিল ক'রবার পরামর্শ হ'চ্ছে ।

ছোটরাণী। ষাট্—ষাট্ ! ছি-ছি—অমন পাপচিন্তা মনের কোণেও স্থান দিও না। কোন্ দুর্ভাগিণী তোমাকে এ পরামর্শ দিচ্ছে ?

ভবা। দোহাই রাণী-মা ! আমি নই।

ছোটরাণী। ছিঃ ব্রাহ্মণ ! প্রতাপ না তোমায় ভালবাসে ?

ভবা। বেঁচে আছি মা—তার ভালবাসার জোরেই বেঁচে আছি।

ছোটরাণী। মনে কখনও এমন পাপচিন্তা স্থান দিও না।

ভবা। দোহাই রাণী-মা ! আপনাদের আশ্রয়ে এসে অবধি, আমি চিন্তা করাই ছেড়ে দিয়েছি, তা পাপই বা কি আর পুণ্যই বা কি ? মিন্, রাজকুমার ! চ'লে আসুন। ছি ! এ কি—কথা !—এ কি—কথা !—ছি—ছি—ছি।

অষ্টম দৃশ্য

যশোহর—প্রাসাদ-কক্ষ

বিক্রমাদিত্য ও শঙ্কর

বিক্রম। হাঁ ঠাকুর ! তোমার নাম কি ?

শঙ্কর। ত্রিশঙ্কর দেবশর্ম্মা—উপাধি চক্রবর্ত্তী।

বিক্রম। বাড়ী কোথা ?

শঙ্কর। প্রসাদপুর।

বিক্রম। কোন্ জেলা ?

শঙ্কর। নদে।

বিক্রম। য্যা ! নদে'র লোক হ'য়ে তুমি কি না খোঁচাখুঁচি বিদ্যে শিখেছ ! যে দেশে রঘুনন্দনের জন্ম, চৈতন্য মহাপ্রভুর জন্ম, সে দেশের লোক হ'য়ে কি না লেখা-পড়া শিখলে না ! ছ্যা ছ্যা ! যে রকম ঢালাক-চতুর দেখছি, পড়া-শুনা ক'রলে এত দিনে একটা দিগ্গজ পণ্ডিত হ'য়ে পড়তে।

শঙ্কর। ভাল পড়াশুনা করবার অবকাশ পাইনি।

বিক্রম। তা পাবে কখন! ও খোঁচা হাতে দেখলে মা-সরস্বতী আসবেন কেন? ব্রাহ্মণের ছেলে, শূদ্র সন্ধ্য-আহিক, পুজো-আছা শাস্ত্রচর্চা করবে! লোকে দেখলে ভক্তি করবে! তোমাদের কি ও দানবী বিদ্যা শোভা পায়! ভাল, পারস্যী দপ্তরের লেখাপড়া জান?

শঙ্কর। সামান্য।

বিক্রম। বস! তবে আর কি! ওই সামান্যতেই মেদিনী কেঁপে যাবে। ওই কলম আর মাথা—এই দুই নিয়েই বাঙ্গালীর গৌরব। কাগজে সামান্য গোটা দুই আঁচড় টানতে শিখেছিলুম, তার ফলে একটা রাজ্যকে রাজ্যই লাভ হ'য়ে গেল। তোমার খোঁচাখুঁচি বিদ্যা শিখলে কি আর এ সব হ'ত? মোগলের কাছে মামদোবাজী কি ঢাল-তলোয়ারে চলে? বাপ! এক একটার চেহারা কি! তা'দের সঙ্গে লড়াই দেওয়া কি টিংটিঙে ভেতো-বাঙ্গালীর কাজ!—ও সব দুৰ্দুর্ভাগ্য ছেড়ে দাও;—দিয়ে কলম ব'র। আজ কলম ধ'রে বাঙ্গালী এত বড়। দায়ুদ খাঁ লড়ায়ে হেরে গেল—মোগল এসে গোড় দখল ক'রে ব'সল। যিনি যিনি তোমার মতন খোঁচাখুঁচি বিদ্যা শিখেছিলেন, সব একেবারে মোগল মিয়াদের হাতে খচাখচ। আর আমার কি হ'ল! আমি আপনার তেজে একটা জঙ্গলের ভেতর লুকিয়ে—সেখানে ব'সে গাছের আড়াল থেকে উঁকি মেরে দেখেছিলুম।

শঙ্কর। কাকে দেখেছিলেন?

বিক্রম। মোগল মিয়াদের—আবার কাকে? সমস্ত মুল্লুকটাই দেখেছিলুম। মোগলরা বাঙ্গালা দখল ক'রে কি করে, তাই দেখেছিলুম। হীরে-জহরৎ, বাগানবাড়ীতে ত আর মুল্লুক হয় না। আর কতকগুলো সেপাই পল্টন হুমাঁকি মেরে ঘুরে ম'লেও মুল্লুক হয় না। মুল্লুক হয় এই কাগজে। দেশ লুটপাট করা হচ্ছে এক—আর রাজ্য জয় ক'রে

ভোগদখল, সে আর এক। তাতে কাগজ চাই হিসেব-নিকেশের মাথা চাই। বাঙালা মুল্লুক রেখে আসছে বাঙালী। এক দিন একজোট হ'য়ে বাঙালী কলম ছাড়ুক দেখি, অমনি মিয়া সাহেবদের বাঙালা ভুস্ ক'রে দরিয়ায় ডুবে যাবে। রাজা টোডরমল একজন হিসেব-নিকেশি বুদ্ধিমান লোক। সে বাঙালা দখল ক'রে দেখলে সব আছে, কেবল মুল্লুক নেই। কাগজপত্র সব আমার হাতে। তখন নিজে খুঁজে খুঁজে সেই জগলে এসে আমাকে খোসামোদ ক'রে ধ'রে নিয়ে গেল—বুঝেছ? নিয়ে দেওয়ানী-খানায় বসিয়ে খাতির দেখে কে? তারপর দেখ, কলমে খোঁচা মারতে শিখে কি না পেয়েছি। ও সব পাগলামী ছাড়। বাঙালীর ছেলে, শূদ্ধ মাথা নিয়ে সংসারে এসেছ। খোঁচাখুঁচি ছেড়ে—মাথা খেলাও।

শঙ্কর। যে আজ্ঞে, এবার থেকে মাথাই খেলা'ব।

বিক্রম। হাঁ, মাথা খেলাও, তুমি আমার মতন রাজ্য ক'রতে পারবে। আগ্রা যাও, দিল্লী যাও, জয়পুর, কাশ্মীর, নাগপুর যাও, গিয়ে দেখ—এক একটা রাজার সিংহাসনের পাশে এক একটা শিড়িগে বাঙালী ব'সে আছে। খাতির কত! রাজা সিংহাসন ছেড়ে উঠে হাত ধ'রে বসায়। শূদ্ধ মাথা আর কলম। বাঙালীর কলমের একটি খোঁচায় রাজ্যশূদ্ধ লোপাট। বাঙালী-শক্তি জগতে দুর্লভ। কলম চালাও, মাথা খেলাও, এমন কত যশোর তোমারও পায়ে গড়াগড়ি খাবে।

শঙ্কর। মহারাজের আদেশ শিরোধার্য।

বিক্রম। তোমার বাপ-মা আছেন?

শঙ্কর। আজ্ঞে—না।

বিক্রম। স্ত্রী-পুত্র?

শঙ্কর। সংসারে একমাত্র স্ত্রী আছে।

বিক্রম। তাঁকে কার কাছে রেখে এসেছো?

শঙ্কর। ভগবানের কাছে।

বিক্রম । আঃ—দুঃস্বপ্নি ! বৌমা ঠাকুরকে বাড়ীতে একলা ফেলে পালিয়ে এসেছ । ও বসন্ত ! এ পাগলা ঠাকুরের ব্যাপার শুনেনছ ?

বসন্ত রায়ের প্রবেশ

বসন্ত । কি ক'রেছেন ঠাকুর ?

বিক্রম । ক'রবেন আর কি, ব্রাহ্মণ-কন্যাকে একলা বাড়ী ফেলে উনি যশোরে পালিয়ে এসেছেন । বা ! বা ! ছেলে-বুদ্বি আর কাকে বলে ! শীগগির লোক নাও, লস্কর নাও, মাকে আনতে পাঠাও ।

বসন্ত । তাই ত ! এমন কাজ ক'রলেন কেন ?

শঙ্কর । কি বল্‌বো মহারাজ—অদৃষ্ট ।

বিক্রম । বসন্ত ! বুঝতে পারছি, এ ছোকরা হ'তে হবে না । তুমি লোক পাঠাও । ঘর দাও, জমি দাও । আর দেখ, ঠাকুরকে দপ্তরখানায় একটা কাজ দাও । এখন না পারে, তুমি নিজে হাতে-কলমে শিখিয়ে দাও । কেমন বাবাজী ! বৌমাকে আনতে লোক পাঠাই ?

শঙ্কর । সে আসবে না ।

বসন্ত । বেশ আপনি যান্ ।

শঙ্কর । আমি যাব না ।

বিক্রম । বস্ ! দুর্গা দুর্গম হরে ।

বসন্ত । কেন—যাবেন না কেন ?

বিক্রম । তাই ত বলি, বাবাজীর আমার পাগল পাগল ভাব কেন ! বাবাজী আমার বৌমার সপেে ঝগড়া ক'রে এসেছেন । আঃ ! ও ঝগড়া ঘর ক'রতে গেলে হ'য়েই থাকে । কিন্তু সে কতক্ষণ ? মা'তে কি আর মা আছেন ! এতদিন তোমার অদর্শনে তাঁর রাগ কোথায় গেছে, তার কি আর ঠিক আছে ! গিয়ে দেখগে, বাড়ীতে তাঁর চোখের জলে এত দিনে নদী হ'য়ে গেল ! ভাল বসন্ত ! তুমি নিজেই না হয় মা-লক্ষ্মীকে আনবার ব্যবস্থা কর ।

শঙ্কর। মহারাজ ! আপনারা যাকৈই পাঠান, আমি না গেলে সে আসবে না।

বিক্রম। তা হ'লে তুমিই যাও ! কিসের অভিমান ? কার ওপরে অভিমান ? স্ত্রী—সহধর্ম্মিণী—ধর্ম্ম—কর্ম্ম, যাগ-যজ্ঞে একমাত্র সঙ্গিনী—তার ওপর অভিমান ক'রলে সংসার চ'লবে কেন ? সন্ধ্যা পাবে কেন ? কাজে হাত আসবে কেন ? খেতে রুচি হবে কেন ? কাছে ব'সে এটা নয় সেটা, সেটা নয় এটা, জেদ ক'রে খাওয়াবে কে ? যাও বাবা ! মাকে আমার নিয়ে এস। যশোর পবিত্র হোক।

শঙ্কর। মহারাজের অননুমতি, আমি আর না ব'লতে পারি না ! তা হ'লে আগ্রা যাবার পথে হ'য়ে যাব। আমি তাকে এখানে পাঠিয়ে দিয়ে অমনি রাজকুমারের সঙ্গে চ'লে যাব।

বিক্রম। ও ! তুমিও আগ্রা যাবে ?

বসন্ত। নইলে কার সঙ্গে প্রতাপকে পাঠাব ! ভগবান তাকে সঙ্গী দিয়েছেন।

বিক্রম। বটে ! তাই তুমি বৌমাকে আনতে নারাজ।

শঙ্কর। মহারাজ ! দশ বৎসর বয়সের সময় আমার বিবাহ হয়। এ বয়স পর্য্যন্ত আমি কখন গ্রামের বাইরে পা দিইনি। বড় যাতনায় চ'লে এসেছি ! মহারাজ ! অত্যাচার দেখা সহিতে না পেরে, স্ত্রীকে একলা ফেলে আপনাদের আশ্রয় ভিক্ষা ক'রতে এসেছি। আশ্রয় পেয়েছি, আদর পেয়েছি। দোহাই মহারাজ ! আর আপনারা আমাকে পরিত্যাগ ক'রবেন না !

বিক্রম। বস্—বস্ ! মাকে আনবার ব্যবস্থা কর।

প্রতাপের প্রবেশ

শঙ্কর ! প্রতাপকে তোমার হাতে সমর্পণ ক'রলুম। সঙ্গে রেখো, সন্দ্বিদ্ধি প্রদান ক'র—সন্দ্বিদ্ধি প্রদান ক'র। তারা শিবসুন্দরী !

দ্বিতীয় অঙ্ক

প্রথম দৃশ্য

যশোহর—রাজপ্রাসাদের অন্তঃপুর

কাত্যায়নী ও প্রতাপ

কাত্যায়নী । শুনলুম, আপনি নাকি দাসীকে ফেলে আশ্রয় করেছেন ?

প্রতাপ । এইতেই বোধ, কিরূপ প্রাণ নিয়ে আমি যশোহর পরিত্যাগ করেছি ।

কাত্যায়নী । এমন অসময়ে দূর দেশে যাবার প্রয়োজন ?

প্রতাপ । ছোটরাজার ইচ্ছা হ'য়েছে, আমার যেতেই হ'বে, তাতে প্রয়োজন অপ্রয়োজন নেই ।

কাত্যায়নী । পিতারও কি মত ?

প্রতাপ । পিতা ত ছোটরাজার হাতের খেলার পুতুল । তাঁর আবার মতামত কি ?

কাত্যায়নী । কবে যাওয়া হবে ?

প্রতাপ । কবে কি ! আজ—এখন ! বিদায় নিতে এসেছি ।

কাত্যায়নী । সত্য কথা ! না রহস্য !

প্রতাপ । এরূপ গুরুত্বের কথায় তোমার সঙ্গে রহস্যের প্রয়োজন !

কাত্যায়নী । তবে শেষ মুহূর্তে জানিয়ে, দেখা দিয়ে, এ অভাগিনীকে মর্ম্মবেদনা দেবার কি প্রয়োজন ছিল ?

প্রতাপ । বলবার অবকাশ পেলুম কই ।—কথা হ'য়েছে কাল, চ'লেছি আজ !—অন্য রমণীর মত স্বামী-বিচ্ছেদে কাঁদতে তোমায় ঘরে আনিনি । এনেছি, আমার অনুপস্থিতিতে আমার স্থান অধিকার করে

কার্য্য ক'রতে। এখন তোমাকে কি ব'লতে এসেছি, শোন। তুমি সহধর্ম্মিণী, পরামর্শে মন্ত্রী, বিবাদে সামন্তনা, চিন্তায় অংশভাগিনী। তোমাকে কিছু গোপন করার আমার অধিকার নেই। আগ্রা আমাকে যেতেই হবে। শুন'লুম, আমাকে জ্ঞানলাভের জন্য কিছুকাল সেখানে থাকতেও হবে। তবে সেখানে গিয়ে কিছু জ্ঞান লাভ করি আর নাই করি, যাবার পূর্ব্বে এই যশোরেই আমি অনেক শিক্ষা লাভ ক'র'লুম; বদ'লুম, কপট ভালবাসায় গা ঢেলে এতকাল আমি নিজের যথার্থ অবস্থা বদ'লতে পারিনি। বদ'লতে পারিনি—রাজ-ঐশ্বৰ্য্যের মধ্যে বাস ক'রেও আমি দীন হ'তে দীন। আজ আমি পিতৃস্বত্বেও পিতৃহীন। মায়াময়ী প্রেমময়ী ভাষ্যা, পিতৃবৎসল পুত্র, স্নেহের পুতুল কন্যা—এমন অপূর্ব্বে সম্পদের অধিকারী হয়েও আমি উদাসী, গৃহশূন্য, আশ্রয়শূন্য, নিত্য পরনির্ভর সন্ন্যাসী! খুল্লতাতে এক কথায় আমি মাতৃভূমি পরি-
ত্যাগ ক'র'বো—তোমাদের ত্যাগ ক'র'বো—কোন অপরিচিত আকাশের তলদেশে, কোন অপরিচিত পরগৃহে নিজের অদৃষ্টকে রক্ষা ক'র'বো। শূন্য চিন্তা—বিরহ-সহচরী চিন্তা। আমাকে আশ্বস্ত ক'রতে আমি, পীড়ন ক'রতে আমি—মুহূর্ত্তে মুহূর্ত্তে সঞ্চিত, দিনে দিনে পুঞ্জীকৃত, সাগর-তুল্য, গভীর ধরণীতুল্য দুর্ভর চিন্তা—কেবল চিন্তা।

কাত্য। আমি কেন ছোটরাজার পায়ে ধ'রে তোমাকে যশোরে রাখার অনুমতি ভিক্ষা করি না?

প্রতাপ। ভিক্ষা!—ছি—প্রতাপের প্রাণময়ী তুমি, তার গর্বিত স্বদেশের প্রতিবিম্ব। তোমার ভিক্ষা। সে যে আমার। ভিক্ষা কি আমিই ক'রতে পার'তুম না?

কাত্য। তা হ'লে কি হবে! কেমন ক'রে তোমায় ছেড়ে থাক'ব! যখন বদ'লতে পারছি—প্রভু আমার ছলে নিরবাসিত, তখন এ কণ্টকময় স্থানে পুত্র-কন্যা নিয়েই বা কেমন ক'রে বাস ক'র'ব?

প্রতাপ। যেমন ক'রে হ'ক থাকতেই হ'বে। তুমি নিশ্চিত জেনে রাখ, আমি আগ্রা থেকে ফিরব। কিন্তু এমন মনোবৃত্তিতে ফিরব না। এই রাজপরি-চ্ছদের আবরণে পরমুখাপেক্ষী দামমুক্তি নিয়ে আমি আর যশোরে পদার্পণ করব না। তুমি পুত্র-কন্যা নিয়ে অতি সাবধানে দিন যাপন ক'রো। যতদিন না ফিরি ততদিন পর্যন্ত বিন্দুমতীকে শব্দরূপে পাঠিয়ে না। উদয়াদিত্যকে একদণ্ডের জন্যেও কাছ ছাড়া ক'রো না। সর্বদা চোখে চোখে রাখবে। আমি বসন্ত রায়ের বংশের এক প্রাণীকেও আর বিশ্বাস করি না।

উদয়াদিত্য ও বিন্দুমতীর প্রবেশ

উদয়। বাবা! আপনি নাকি আগ্রা যাবেন?

প্রতাপ। কে তোমাকে ব'ল্লে?

উদয়। রাঘব কাকার কাছে শুনলুম।

বিন্দু। আগ্রা যাবে। আগ্রা কি বাবা?

প্রতাপ। আগ্রা একটা সহর।

বিন্দু। সহর! তা এও ত আমাদের সহর। সহর ছেড়ে সহরে কেন যাবে বাবা?

প্রতাপ। দরকারে যাব মা! যতদিন না ফিরি ততদিন তোমরা সর্বদা তোমার মায়ের কাছে থাকবে! দেখ উদয়! তোমার কাকাদের সঙ্গে বড় বেশী মিশো না। তোমার ছোটদাদার কাছেও ঘন ঘন যাবার প্রয়োজন নাই।

কাত্য। ছোটরাজা কি বুঝেছেন যে, আপনি তাঁর উপর সন্দেহ ক'রেছেন?

প্রতাপ। না, তা বুঝতে দিইনি। সহজে বুঝতে দেবও না। আমি আমার কর্তব্যপালনে ত্রুটি ক'রব কেন?

উদয়। আমরা না গেলে যদি আপনার ওপর সন্দেহ করেন?

প্রতাপ। কি ব'ল্লে উদয়াদিত্য? নিরুত্তর কেন? আবার বল।

ধুবুতে পেরেই ? বেশ—বড় সন্তুষ্ট হ'লুম। তা হ'লে তোমাকেই বলি।
শন্দেহ করেন—নিরুপায়। তথাপি তোমাদের ত জীবনরক্ষা হ'বে।

উদয়। আমাদের তুচ্ছ জীবনের জন্য আপনার মহচ্চরিত্রে অন্যের
শন্দেহ আসবে !

প্রতাপ। তোমার কথায় আজ পরম পরিতুষ্ট হ'লুম। এমন হৃদয়বান
পুত্র তুমি, তোমাকে আর আমি কি উপদেশ দেব। ভগবানের ওপর
আত্মনির্ভর ক'রে কার্য্য ক'রো। দৈবর ! আমার প্রাণের পুতুলি—আমার
জীবনসর্বস্ব—নয়নের জ্যোতি—অগ্নির প্রাণোন্মাদকর স্পর্শসুখ—হৃদয়ের
আবেশময়ী তৃপ্তি—সমস্ত, সমস্ত, তোমার চরণাশ্রয়ে রেখে গেলুম।
বিদলিত করাই যদি তোমার অভিপ্রায় হয়, নিজে ক'রো, তোমার রচিত
এ উদ্যান-কুসুম—তোমার চরণ-রেণু-স্পর্শে চিরসৌরভময় হ'য়ে থাকুক।
দেখো দয়াময়। যেন সোনার বর্ণে পিশাচহস্ত রঞ্জিত না হয়।

দ্বিতীয় দৃশ্য

যশোহরের প্রাস্তর

গোবিন্দদাস

গোবিন্দ। যাক্—আর কেন ? প্রভুব ইচ্ছাই পূর্ণ হোক্। যশোর
ত্যাগ ক'রতে যখন আমি আদিষ্ট, তখন আর যশোরের মায়া কেন ?
যশোর। সুন্দর যশোর। যশোরে অবস্থান ক'রেই আমি শাস্তি পেয়েছি।
মা আমাকে গোবিন্দের কৃপালাভের আশীর্বাদ ক'রেছেন ! * [আহা !
কি দেখলুম, মায়ের সে মধুর মূর্তির ছায়া, এখনও যে আমার সমস্ত
হৃদয়টাকে আবৃত ক'রে রেখেছে ! তার মায়া কেমন ক'রে ত্যাগ করি।
মায়া মায়া—বিষম মায়া ! জন্মভূমির প্রেমে আমি এমন আকৃষ্ট যে, প্রাক্ত-
দেশে এসেও যেতে যেতে, যেতে পারছি না। তবু চ'লে এসেছি, এক পা

এক পা ক'রে এতদূর অগ্রসর হ'য়েছি। কিন্তু শেষে এসে আমার এত দুঃখ-লতা কেন? আর আমার পা চ'লেছে না কেন? যশোরকে কিয়ৎ দেখতে এত সাধ কেন?]* যাব বৃন্দাবনে, ব্রজের রজ্জ গড়াগড়ি খাব, প্রভুর পদধূলি সৰ্ব্বাঙ্গে মেখে জীবন সার্থক ক'রব—হা হতভাগ্য মন! এমন প্রলোভনেও তুমি আকৃষ্ট হ'চ্ছ! কেন? এখানে কি আছে? যশোরের ভিৎসালক অন্ন কি এত মধুর! জন্মভূমির লবণাক্ত জলেও কি এত মাদকতা! জন্মভূমির শ্যামতরুচ্ছায়া কি এতই শীতল?

বিজয়ার প্রবেশ

বিজয়া। যথার্থ ব'লেছ গোবিন্দ! জন্মভূমির কি এতই মায়ী! জন্মভূমির কোলে কি এত কোমলতা! কোন বৈকুণ্ঠের কোন শিরীষ-কুসুমের এ শয্যা বিরচিত গোবিন্দ! যে—কমলালয়ার হৃদয়-আগন ত্যাগ ক'রে, ঠাকুর আমার মাঝে মাঝে এই মাটিতে গড়াগড়ি খেতে আসেন। বলতে পার গোবিন্দ? মায়ের বুককে একটি কুশাকুর বিদ্ধ হ'লে, সে কুশাকুর শত ব্রজের বলে কেমন ক'রে আমাদের হৃদয়ে আঘাত করে! গোবিন্দ! গোবিন্দ! মায়ের নামে বুকি ব্রজের বাঁশীর সকল সুরই মাখান আছে! নইলে, সংসারত্যাগী হরিপদাশ্রয়ী তোমার পর্য্যন্ত এত চাঞ্চল্য কেন?

গোবিন্দ। আবার এলি মা। দেখা দিলি!—এত করুণা!—কিন্তু করুণাময়ী! আর কেন আমাকে লজ্জা দাও! এই ত যশোর ছেড়ে চ'লেছি মা! এক পা—এক পা ক'রে এই ত যশোরের শেষ সীমায় পা দিয়েছি। এখনও কি আমাকে অবিশ্বাস কর?

বিজয়া। তোমাকে নয় বাপু! অবিশ্বাস করি আমাকে! সাধুসংগ—অমরাবতীর বিনিময়েও যা পাওয়া যায় না, এমন মহামূল্য ধনের প্রলোভনে—চোখের সামনে, হাতের সঙ্গিধানে, বহুক্ষণ কাছে থাকলে কি ছাড়তে পারব?

*[গোবিন্দ। এ রণরঙ্গিণী মূর্তিতে কি এতই তৃপ্তি পেলি মা!

বিজয়া । কি করি বাপ্ ! উপায়ান্তর নাই । পদে পদে যেখানে নারীর অমর্য্যাদা ; যে দেশের কাপুরুষ সে অমর্য্যাদা দেখে—শুনে শূন্য চীৎকার ক'রতে জানে, অন্য প্রতিকার জানে না, সেখানে অবলা মর্য্যাদা রক্ষার ভার নিজে গ্রহণ না ক'রলে—ক'রবে কে ?]*

গোবিন্দ । বেশ তবে দাঁড়া । দেখতে বৃদ্ধি বড় সাধ হ'য়েছিল, তাই দেখা দিলি । কিন্তু তুই আজ রণরঙ্গিণী । হাতের বাঁশী অসি ক'রে বনমালায় মৃণুমালা প'রে মা আমার কপালিনী !

গীত

যশোদা নাচ'তো তোরে ব'লে নীলমণি ।

সে রূপ লুকা'লি কোথা করাল-বদনী শ্রাম ।

গগনে বেলা বাড়িত,

রাণী কেঁদে আকুল হ'ত

একবার তেমনি তেমনি ক'রে নাচ দেখি মা ।

বামে তাখেইয়া তাখেইয়া—

খিরা খিরা খিরা বাজিত নুপুর ধনি,

সে বেশ লুকা'লি কোথা করাল বদনী । (শ্রাম)

শ্রীদামাদি সঙ্গে নাচতিস্ মা রঙ্গে'

চরণে চরণ দিয়ে একবার নাচ' দেখি মা ;

অসি ছেড়ে, বাঁশী নিয়ে একবার নাচ' দেখি মা ;

মৃণুমালা কেলে, বনমালা গলায় দিয়ে

একবার নাচ দেখি মা ।

করাল-বদনী শ্রাম ।

প্রস্থান

বিজয়া । যাক্—এইবার আমি নিশ্চিন্ত । গোবিন্দের হরি-সংকীৰ্ত্তনে একবার গা ঢাললে আর কি প্রতাপ হ'তে অত্যাচারের প্রতিকার হ'ত ! শক্তিময় বৈষ্ণব সঙ্গে প'ড়লে আর কি প্রতাপ রাজদণ্ড হাতে ক'রতে ইচ্ছা ক'রত । প্রতাপ যদি না জাগ্রত হয় তাহ'লে সতীর সতীত্ব কে রাখবে ? পটুগীজদের হাত থেকে অপহৃত বালিকাদের কে উদ্ধার ক'রবে ? দস্যুর

আক্রমণ থেকে নিরীহ দুর্বল প্রজাকে রক্ষা করে, কে তাদের মুখের গ্রাস নিশ্চিন্ত মনে মুখে তুলতে দেবে ? সে এক প্রতাপ। সে প্রতাপের হাতে অসির ঝঞ্কার—মহাকালীর মূলমন্ত্র—দিগ্দিগন্ত প্রতিধ্বনিত করুক।

* [সে প্রতাপের মুখের অভয়বাণী বাঙ্গালীর দুর্বল হৃদয়ে মহাশক্তির সঞ্চার করুক।] * অসহ্য ! অসহ্য ! আর দেখতে পারি না—জন্মভূমির শ্যামল বক্ষে দিন দিন গভীর শেলাঘাত আমি আর সহ্য ক'রতে পারি না। মা করালবদনে ! দুর্বল-রক্ষণে দানব-দলনে চিরপ্রসারিত দশহস্ত কোথায় লুকিয়ে রেখেছিল মা ! একবার দেখা। যে করে মহিষাসুরের প্রকাণ্ড মস্তক শৈলসম অঙ্গ থেকে বিচ্ছিন্ন ক'রেছিলি, সে বাহু একবার দেখা। প্রচণ্ড মাতৃপীড়ক যে বাহুর শেলাঘাতে বিভীষিকাদায় হ'য়ে রক্ত বমন ক'রেছে, সে বাহু একবার দেখা।—আয় মা ! জটাজুটসমাধুক্তা অন্ধ্রেন্দুকৃতশেখরা লোচনত্রয়সংযুক্তা পূর্ণেন্দুসদৃশাননা—আয় মা ! প্রসন্নবদনা দৈত্যদানবদর্পহা, শত্রুক্ষয়করী, সর্বকামপ্রদায়িনী—আয় মা ! উগ্রচণ্ডে প্রচণ্ডে প্রচণ্ডরল-হারিণী—নারায়ণী—একবার আয় মা।

গীত

এস ফিরে এস ফিরে এস গো।

একবার পূর্বাকাশে মধুর হাসি হাস গো।

এসেছিলি শুনি কানে

কবে হায় কেবা জানে,

কদাচ কখন গানে ভাস গো।

বহু দিন গেছে শ্রাণ,

বঙ্গে শক্তি অবসান,

কেমনে হবে মা তোর আবাহন গান

তথাপি শঙ্করী এস,

ভগ্ন হৃদয়ে বসো

তুমি যে ঋশান ভালবাস গো।

সন্দেরের প্রবেশ

সুন্দর । মা !—আরতির সময় উপস্থিত ।

বিজয়া । সুন্দর !

সুন্দর । কেন মা ?

বিজয়া । ওই দূরে একখানা খব্ধবে পাল দেখা যাচ্ছে না ?

সুন্দর । হাঁ মা ! একখানা বজ্রা ?

বিজয়া । বজ্রা ! কার বজ্রা ?

সুন্দর । রাজা বসন্ত রায়ের । একখানা বজ্রা নয় মা ! আরও অনেক বজ্রা ওই সঙ্গে ছিল । রাজকুমার প্রতাপ-আদিত্য আশ্রয় পাচ্ছেন । রাজা তাকে এগিয়ে দিতে এসেছিলেন । তেহাটার মোহানা পর্যন্ত এসে রাজা ফিরে যাচ্ছেন । রাজকুমারের বজ্রা তৈরব ছেড়ে খোড়ের প'ড়েছে ।

বিজয়া । আশ্রয় পাবে, তা চুণী' দে না গিয়ে খোড়ের প'ড়ল কেন ? একেবারে দু'দিনের ফের । এমনটা ক'রলে কেন ?

সুন্দর । কেন, তা ত বলতে পার্‌লুম না মা ।

বিজয়া । হুঁ ! তুমি প্রতাপকে দেখেছ ?

সুন্দর । আজ্ঞে মা !—দেখেছি ।

বিজয়া । সঙ্গে কেউ আছে—দেখেছ ?

সুন্দর । সঙ্গে অনেক লোক ।

বিজয়া । তা নয়—সঙ্গী ?

সুন্দর । এক ব্রাহ্মণ ।

বিজয়া । ভাল, সুন্দর । চাক্রি ক'রবে ?

সুন্দর । এই ত মায়ের চাক্রী ক'রছি ! আবার কার চাক্রী ক'রব মা ?

বিজয়া । সেও মায়ের চাক্রী । সুন্দর ! আমার ইচ্ছা—তুমি

রাজকুমার প্রতাপ-আদিত্যের কার্য্য কর। তা হ'লে আমারই কার্য্য করা হ'বে। যাও—যত শীঘ্র পার, রাজকুমারের কাছে উপস্থিত হও।

সুন্দর। এখনি ?

বিজয়া। শূভকার্য্যে বিলম্ব ক'রবার প্রয়োজন কি ?

সুন্দর। আমি গরীব, রাজার কাছে উপস্থিত হ'তে পার'ব কেন মা ?

বিজয়া। মায়ের নাম ক'রে শূভযাত্রা কর। মা-ই সমস্ত ব্যবস্থা ক'রে দেবেন।

সুন্দর। আমি ত শূদ্ধ ছিপেব হা'ল্ ধর'তে জানি। আর ত কোন কাজ জানি না মা।

বিজয়া। ছিপের হা'ল্ই ধর'বে। যশোরের রাজকুমার—তার ঘরে কি একখানাও ছিপ নেই।

সুন্দর। বেশ—তা হ'লে চল্লুম। পায়ের ধূলো দাও। (প্রণাম করণ)

বিজয়া। তোমার মঙ্গল হোক্—তবে দেখ—খোড়ের থাক'তে প্রতাপকে ধ'রো না। খোড়ে ছেড়ে ভাগীরথীতে পড়লে তার সঙ্গে সাক্ষাৎ ক'রো। প্রতাপ স্থানের নাম জিজ্ঞাসা ক'রলে ব'লবে—যশোর। অধিকাবীর নাম কর'লে ব'লবে—যশোরেশ্বরী। কিন্তু সাবধান। আর কিছু ব'লো না। যশোরেশ্বরীর স্থান নিদ্দেশ ক'রো না।

সুন্দর। যো হুকুম।

তৃতীয় দৃশ্য

গোড়ে নদীতীর

প্রতাপ ও শঙ্কর

প্রতাপ। তুমি কি মনে কর—ছোটরাজার ম'খেও যা. মনেও তাই ?

শঙ্কর। আমার ত তাই বিশ্বাস।

প্রতাপ। তুমি সরল-প্রকৃতি ব্রাহ্মণ। কাম্বু-বুদ্ধিতে প্রবেশ করা তোমার সাধ্য কি? আমাকে আগ্রা পাঠাবার কি অভিপ্রায়, আমি ত সহস্র চেষ্টাতেও বুঝতে পারলুম না। আগ্রায় গিয়ে আমি কি এত জ্ঞান লাভ করব?

শংকর। অবশ্য আগ্রার ঐশ্বর্য দেখলে, নানা দেশের ভাল মন্দ পাঁচজনের সঙ্গে মিশলে, কিছু জ্ঞানলাভ হবে বই কি।

প্রতাপ। পথে আসতে আসতে যা দেখলুম তাতেও যদি জ্ঞানলাভ না হয়, ত'সে জ্ঞান কি আগ্রা গেলে লাভ হবে? কি দেখলুম! জনাকীর্ণ নগর জংগল হ'য়েছে। বড় বড় অট্টালিকা ব্যাভ্র-ভল্লকের বাসস্থান। নদী-তীরস্থ বাণিজ্যপ্রধান বড় বড় বন্দর শূন্য। * [দেবমন্দির বিধ্বংসীদের আমোদ উপভোগের স্থান হ'য়েছে।] * এইরূপ বাসন্তী সন্ধ্যায় যে স্থানের আকাশ আনন্দের কলরবে পূর্ণ থাকত, সেখানে এখন শৃংগালের বিকট চীৎকার। যার গৃহে অন্ন ছিল, যে প্রজা অর্থে সামর্থ্য স্বচ্ছল ছিল, দেশের অরাজকতায়, তার গৃহেই হাহাকার! দুর্জলের সহায় হ'তে, সতীর মর্যাদা রাখতে, নিরস্ত্রের অস্ত্রের ব্যবস্থা করতে—এসব কাজের যদি একটাও সম্পন্ন করতে না পারলুম, তখন রাজার পুত্র হ'য়েও আমি করলুম কি!

শংকর। আমার বিশ্বাস, সদুদ্দেশ্যে ছোটরাজা আপনাকে আগ্রা পাঠাচ্ছেন।

প্রতাপ। হ'তে পারে। তুমি জান। আর তোমার ছোটরাজাই জানেন। কিন্তু আমি ত সদুদ্দেশ্যের বিন্দু বিসর্গও বুঝতে পারলুম না। তুমি যাই বল শংকর, আমার ধারণা কিন্তু অন্যরূপ! বড়রাজা ছোটরাজাকে অস্ত্রশয় স্নেহের চক্ষে দেখেন। ছোটরাজা সেই স্নেহের সুবিধা গ্রহণ ক'রেছে। আমাকে যশোর থেকে নিব্বাসিত ক'রে নিজে শক্তি সঞ্চয়ের চেষ্টায় আছেন! আমাকে বঞ্চিত ক'রে যশোরে নিজের ছেলের প্রতীর্ণিত করাই তাঁর অভিপ্রায়।

শঙ্কর। যথেষ্ট কারণ না পেরে, আগে থাকতেই ছোটরাজার ওপর সন্দেহ করা আপনার ন্যায় শক্তিমানের কৰ্ত্তব্য নয়।

প্রতাপ। তবে আমি যশোর ছাড়লুম কেন? দেশে যে সহস্র কার্য্য র'য়েছে। বিনিদ্র হ'য়ে প্রতি মূহুর্ন্তে কার্য্য ক'র'লে সমস্ত জীবনেও সে কার্য্য নিঃশেষিত হ'ত না! সে সব কিছ'দু না ক'রে আমি আগ্রা চল্লুম কেন? বদ্ব'তে পার'লে না শঙ্কর! ছোটরাজার যদি সদতিপ্রায়ই থাকত, তা হ'লে কি তিনি আমার হাত থেকে ধনুর্ধারণ ছাড়িয়ে তাতে হরিনামের মালা জড়িয়ে দেন।

শঙ্কর। (স্বগতঃ) সর্বনাশ! ধার্মিক, স্বার্থশূন্য দেবহৃদয় বসন্ত রায় সম্বন্ধে প্রতাপের যদি এই ধারণা, তা হ'লে উপায়! তা হ'লে ত ভবিষ্যৎ ভাল বদ্বাছি না। কি করি! প্রতাপের এ ধারণা দূর ক'র'তে হ'লে পিতার চরিত্র পুস্ত্রের কাছে প্রকাশ ক'র'তে হয়। তাই বা কেমন ক'রে করি। কঠিন সমস্যা! বসন্ত রায়ের কাছে সে দিনের কথা গোপন রাখতে আমি প্রতিজ্ঞাবদ্ধ—(প্রকাশ্যে) রাজকুমার।

প্রতাপ। কি? বল।

শঙ্কর। আমার একটা অনুরোধ রাখবে?

প্রতাপ। যোগ্য হ'লে অবশ্য রাখব।

শঙ্কর। অযোগ্য হ'লেও রাখতে হ'বে। নিজমুখে স্বীকার ক'বেছ—তুমি দাসানুদাস। আর আমার বিশ্বাস—যশোর-রাজকুমার প্রতাপ-আদিত্য কথা ব'লে আর প্রত্যাহার করে না।

প্রতাপ। বদ্ব'তে পেরেছি, তুমি মনে ক'রেছ, আমি খুল্লতাতে উপর দীর্ঘ ক'র'ছি।

শঙ্কর। প্রতাপ-আদিত্যকে আমি এত হীন জ্ঞান করি না। তবে আমার অনুরোধ—যতদিন খুল্লতাত হ'তে তোমার জীবনের আশংকা না কর ততদিন পর্য্যন্ত তোমার সম্বন্ধে তাঁর প্রত্যেক কার্য্য তোমার মণ্ডলের

জন্যই বোধ ক'রতে হবে। ছোটরাজা যেন কোনও ক্রমে তোমার ভিতরে, ভক্তিহীনতার চিহ্ন দেখতে না পান।

প্রতাপ। না শঙ্কর! তা ক'রব না! তা কিছতেই ক'রব না! তুমি ক'রলে অবনত-মস্তকে পিতৃব্য মহাশয়ের আদেশ পালন ক'রতুম না। তাঁর এক কথায় আমি যশোর ছাড়তুম না।

শঙ্কর। যুবরাজ! অমর্যাদা ক'রেছি, ক্ষমা করুন।

প্রতাপ। অমর্যাদা! শঙ্কর, তোমার ঘৃণাও যে আমার মর্যাদা। আমি যে তোমায় ব্রাহ্মণ দেখি না শঙ্কর! সহোদর জ্ঞান করি।

শঙ্কর। আপনাকে শত সহস্র ধন্যবাদ। * [আপনিই বাঙালী স্বাধীন ক'রবার যোগ্যপাত্র।] * আশীর্বাদ করি, স্বাধীন সার্বভৌম মহারাজ প্রতাপ-আদিত্যের যশ সমস্ত পৃথিবীতে ব্যাপ্ত হোক।

প্রতাপ। তবে মাতৃভূমির কার্য ক'রতে যদি ভক্তিহীনতার লক্ষণ প্রকাশ পায়?

শঙ্কর। সে ত আর আপনার হাত নয়! তা যদি হয়, তখন বদ্বাব, সে মহামায়ার ইচ্ছায়।

স্তম্ভের প্রবেশ

প্রতাপ। এ আমরা কোথায় এসেছি, বলতে পার বাপু?

সুন্দর। যশোরে এসেছেন।

প্রতাপ। সে কি! যশোর যে আমরা দু'দিন ছেড়ে এসেছি!

সুন্দর। এই ত যশোর।

শঙ্কর। আমি পথ ঘাট বড় চিনি না। কাজেই কোথায় এসেছি, বদ্বাব্তে পারছি না।

প্রতাপ। এ যশোর কা'র অধিকার?

সুন্দর। যশোর আবার ক'টা আছে। এই ত এক যশোর।

প্রতাপ। ভাল, এ যশোর কা'র অধিকার?

সুন্দর। মা যশোরেশ্বরীর।

প্রতাপ। যশোরেশ্বরী!

সুন্দর। আপনারা কোন দেশের লোক? যশোরেশ্বরীর নাম জানেন না?

শঙ্কর। মায়ের সঙ্গে সাক্ষাৎ হয় না?

সুন্দর। হ'তে পারে। কিন্তু আজ আর হয় না। মায়ের মন্দির এখান থেকে বিশ ক্রোশ পথ তফাৎ।

শঙ্কর। মায়ের মন্দির। বাড়ী বল।

সুন্দর। মন্দিরই বলুন, আর বাড়ীই বলুন। আমরা মূর্খ মানুষ, মন্দিরই বলে থাকি। দেখতে চান, আজ এখানে নগর ক'রে থাকুন।

প্রতাপ। না—তা হ'লে আজ আর নয়—ফিরে এসে! আমি আর এক মায়ের মন্দির দেখবার সংকল্প ক'বে চলছি।

শঙ্কর। প্রসাদপুর জান?

সুন্দর। জানি।

শঙ্কর। এখান থেকে কত দূর?

সুন্দর। বিশ ক্রোশ।

শঙ্কর। তা হ'লে ত আজ আর কোনও মতে হয় না মহারাজ!—আজ ত আর কোনও মতে প্রসাদপুরে পৌঁছান যায় না।

প্রতাপ। বাড়ী থেকে প্রথম বেরিয়েই আমরা সংকল্প রাখতে পারলুম না। তা হ'লে কি আমাদের হ'তে কোনও কার্য হবার আশা রাখ?

শঙ্কর। কি ক'র'ব বলুন, পথে ঝড়ে প'ড়ে সব গোলমাল হ'য়ে গেল। নইলে ত আজই প্রসাদপুরে পৌঁছবার কথা?

প্রতাপ। আজ কি কোন রকমে পৌঁছান যায় না?

শঙ্কর। পৌঁছবার ত কোনও উপায় দেখি না।

সুন্দর। গোলামকে যদি হুকুম করেন, তা হ'লে দপদুরের পক্ষেই পৈশিছে দিতে পারি।

প্রতাপ। পার ?

সুন্দর। মা যদি মনে করেন, পথে যদি ঝড়-ঝাণ্টা না হয়, তা হ'লে, তার পক্ষেও পারি।

প্রতাপ। তা যদি পার তাই, তা হ'লে তুমি যা নিয়ে সন্তুষ্ট হও তাই দিতে প্রস্তুত আছি।

সুন্দর। তা হ'লে কিস্তি হুজুরকে বজরা ছেড়ে গোলামের ছিপে উঠতে হ'বে।

প্রতাপ। বেশ, তাতে কি ! তুমি ছিপ প্রস্তুত কর !—শঙ্কর ! তা হ'লে আর কেন, প্রস্তুত হও।

হুম্মরের প্রস্থান

শঙ্কর। ব্যস্ত হ'বেন না মহারাজ ! ভাবতে দিন।

প্রতাপ। আবার ভাবাবি কি ? ভাবতে হয় তুমি ভাব, আমি দুর্গা ব'লে রওনা হই। মায়ের প্রসাদ আম'র অদৃষ্টে আছে, তুমি আটকালে হবে কি ?

শঙ্কর। ছিপে ত বেশী লোক ধ'রবে না। বড় জোর আপনি আর আমি।

প্রতাপ। ভালই ত। বেশী লোক নিয়ে গিয়ে মাকে রাত্রিকালে বিপদে ফেল'ব কেন ?

শঙ্কর। সে জন্য নয় মহারাজ ! এ পথ বড় সুগম নয়। বড়ই ডাকাতির ভয়।

হুম্মরের পুনঃ প্রবেশ

সুন্দর। হুজুর ! ছিপ প্রস্তুত।

প্রতাপ। এরই মধ্যে প্রস্তুত ?

সুন্দর। আছে। হুজুর শূন্য উঠলেই হয়।

শঙ্কর । আরও ছিপ দিতে পার ?

সুন্দর । আজে পারি । ক'খানা চাই—হুকুম করুন ।

শঙ্কর । যদি পঞ্চাশ খানা চাই ?

সুন্দর । পঞ্চাশ খানা ! বেশ—তাও পারি । এখনই কি দরকার হুকুমের ?

শঙ্কর । বেশ, এখনি ।

সুন্দর । যে আজে । তা হ'লে একবার নাগ'রা দিতে হ'বে ।

প্রতাপ । থাক, আর নাগ'রা দিতে হ'বে না । এ পথে কি ডাকাতের ভয় আছে ?

সুন্দর । আজে, অল্প-স্বল্প আছে ।

প্রতাপ । তা হ'লে একখানা ছিপ নিয়ে যেতে কেমন ক'রে সাহস ক'র'ছিলে ?

সুন্দর । আজে, সাহস হুকুমের শ্রীচরণ, আর গোলামের বোটে ।

শঙ্কর । তা হ'লে তোমরাই ?

সুন্দর । আজে, ঠিক আমরাই নয়, তবে—হাঁ, হুকুমের যখন ব'লছেন তখন—হাঁ ।

প্রতাপ । হাঁ কি ? তোমরা কি ?

সুন্দর । আজে—বোম্বেটে ।

প্রতাপ । তোমরাই ডাকাত ?

সুন্দর । আজে—গোলাম ডাকাতের সঙ্গী ।

প্রতাপ । এ পৈশাচিক ব্যবসায় ত্যাগ করতে পার না ?

সুন্দর । আজে—ত্যাগ ক'র'ব ব'লেই ত মহারাজের আশ্রয় নিতে এসেছি ।

প্রতাপ । আশ্রয় কেন—তোমরা আমার হৃদয় নাও । ডাকাতি পরিত্যাগ কর ।

সুন্দর। যো হুকুম। (প্রণাম করণ)

শঙ্কর। তা হ'লে ক'খানা ছিপ হুকুম কর'ব ?

প্রতাপ। তা হ'লে আর বেশী কেন ? যে ভয়ে বেশী দরকার তা'ত চুকে গেল।

সুন্দর। বেশ—গোলামকে হুকুম করুন—দশখানা শতী ছিপ সঙ্গে নিই। তা হ'লে দশ শতকে হাজার লোক আপনার সঙ্গে থাকবে, কাজ কি ! মনে যখন খট্কা উঠেছে, তখন সাবধান হওয়াই ভাল।

প্রতাপ। তোমার নাম কি ?

সুন্দর। আজ্ঞে—গোলামের নাম সুন্দর।

প্রতাপ। বেশ, সুন্দর ! তুমি দশখানা ছিপ প্রস্তুত কর।

সুন্দর। যো হুকুম।

হুম্মরের বংশীধ্বনি ও দস্যুগণের প্রবেশ

দশ শতী।

দস্যুগণ। যো হুকুম।

দস্যুগণের প্রস্থান

সুন্দর। তা হ'লে আস্তে আজ্ঞা হয় হুকুমদার।

প্রতাপ। চল।

হুম্মরের প্রস্থান

শঙ্কর ! আত্মা যাবার মুখে সুন্দর আমার প্রথম লাভ। তারপর মায়ের প্রসাদ। তারপর—মা যশোরেশ্বরী ! জানি না, তুমি কে ? কোথায় ? সুন্দর তোমার অনুচর। জানি না, তুমি কেমন শক্তিময়ী ! এ কি তোমারই লীলাভিনয় ? তা হ'লে কোথায় আমার গতির পরিণাম ? মা ! তোমার সেই অজ্ঞাত অধিষ্ঠান-ভূমির উদ্দেশে তোমার অধম সন্তান প্রণাম করে।

চতুর্থ দৃশ্য

প্রসাদপুর—শঙ্করের বাটীর সম্মুখ

সূর্য্যকান্ত

সূর্য্য। নবাবের লোক দুই দুইবার দাদার ঘর লুটতে এসে, হেরে পালিয়েছে। তারপর আজ মাসখানেক হ'ল সব চুপ। কোন সাড়া-শব্দ নেই। এতটা চুপ ত ভাল নয়! নবাব যে একটা তুচ্ছ প্রজার কাছে হেরে অপমানিত হ'য়ে চুপ ক'রে থাকে, এটাত' কোনও মতে বিশ্বাস হয় না। সমস্ত প্রজা বিদ্রোহী হ'য়ে নায়েবের কাছারী লুট ক'রেছে। নায়েব, ত'শীলদার, কারকুন, গোমস্তা—সবাইকে পুড়িয়ে মেরেছে। সবাই জানে—তাদের দাদার বলে বল। হতভাগ্য প্রজা দেশত্যাগের সময় দাদার অজ্ঞাতসারে অত্যাচারের প্রতিশোধ নিয়েছে। দাদা নিজে কিছু জানেন না। কিন্তু নবাবের লোক সকলেই ত জানে, এ বিদ্রোহিতার মূলে শঙ্কর চক্রবর্তী। প্রতিশোধ নিতে দুই দুইবার দাদার ঘর আক্রমণ ক'রেছে! গুরুর কপায় দুই দুইবার তা'দের হাটিয়ে দিয়েছি। কিন্তু এমন ক'রে ক'দিনই বা গুরুর ঘর রক্ষা করি। যারা আমার বিপদে সহায়, দুই দুইবার বুক দিয়ে যারা আমাকে বিপদে রক্ষা ক'রেছে, তারা সকলেই গরীব। দিন আনে, দিন খায়। ক'দিনই বা তারা না খেয়ে আমার ঘর আগলাতে ব'সে থাকে? কাজেই তাদের রেহাই দিয়েছি! কিন্তু রেহাই দিয়ে অবধি আমার প্রাণ কাঁপছে! যদি নবাব আবার আক্রমণ ক'রতে লোক পাঠায়! যদি কি! নিশ্চয় পাঠাবে। নবাব কি অপমান ভুলে গেল? চারিদিক নিস্তব্ধ। প্রকাণ্ড ঝড়ের পূর্ব্ব-লক্ষণের মত চারিদিক নিস্তব্ধ! যদিই প্রবল বেগে ঝড় আসে। আমি যে মাতুরক্ষার ভার গ্রহণ ক'রেছি! যদি রক্ষা ক'রতে অপারক হই! মা ভবানী—মনে ক'রতেই প্রাণ কেঁদে উঠে। মাকে যদি হারাই,

সমস্ত বাগালা পেনেও তা'র বিনিময় হ'বে না । হাজার সেরখার শিরচ্ছেদ ক'রলেও প্রতিশোধ হ'বে না । মা রক্ষা কর—সতীরাগি ! পরোপকারী মহাপ্রাণ ব্রাহ্মণের ধর্ম রক্ষা কর । কি খবর ?

সুখময়ের প্রবেশ

সুখ । খবর ঠিক, যা ভয় ক'রেছ, তাই । সের খাঁ হুকুম দিয়েছে,—যে তোমাকে বেঁধে আনবে, সে হাজার টাকা বকসিস্ পাবে ! যে মাকে রাজমহলে হাজির করতে পারবে, সে প্রসাদপুর জায়গীর পাবে ।

সুখ্য । তা হ'লে ত বড়ই বিপদ !

সুখ । বিপদ বৈ কি !—এবারে এমন ভাবে আসছে, যাতে শুধু হাতে ফিরতে না হয় । এবারে বিশেষ রকম আয়োজন ।

সুখ্য । কবে আসবে ব'লতে পার ?

সুখ । আজ কালের মধ্যে । উদ্যোগ, আয়োজন সব ঠিক ! তারা কেবল এতদিন অন্ধকারের সন্যোগ খুঁজছিল । আজকে অমাবস্যা, কাল প্রতিপদ । হয় আজ, না হয় কাল ।

সুখ্য । তা হ'লে ত আরও বিপদ । লোকজন ত কেউ নেই ।

সুখ । কেউ নেই ! সবাই প্রায় অগ্রদ্বীপের মেলায় বেচাকেনা ক'রতে গেছে ।

সুখ্য । তা হ'লে তুমিই এক কাজ কর । মাকে এই বেলায় সরিয়ে নিয়ে যাও !

সুখ । যাব কোথায় ?

সুখ্য । আপাততঃ যেখানে নিরাপদ বোধ কর । তারপর যশোর—দাদার কাছে ।

সুখ । আর তুমি ?

সুখ্য । মাকে একবার পাঠিয়ে দিতে পারলে পাপিষ্ঠগুলোকে শঙ্কর চক্রবর্তীর ঘর লুটতে আসার মজাটা টের পাইয়ে দিই । তেঁতুল গাছের

ঝোপ থেকে তীর ছুঁড়বো। শালারা সান্ত রাত খুঁজলেও বার ক'রতে পারবে না। একটাকেও ফিরতে দেব না।

সুখ। তা হ'লে আমি মাকে নিয়ে যাই ?

সুখ্য। এখনি ! বিলম্ব করলে বিপদ ঘটতে পারে।

হৃথময়ের প্রস্থান

মা ! রক্ষা কর, জগজ্জননী সতীরাণি ! পরোপকারী মহাপ্রাণ ব্রাহ্মণের মৰ্যাদা রক্ষা কর !

হৃথময়ের মাতার প্রবেশ

সু, মা। এই যে সুখ্যি ! হাঁ-রে সুখ্যিকান্ত !

সুখ্য। কেন মাসী ?

সু, মা। বলি গাঁয়ে আছিস, না শঙ্কর বামুনের মত পালিয়েছিস ?

সুখ্য। কেন, হ'য়েছে কি ?

সু, মা। আমি মনে ক'রলুম, শঙ্কর বামুন বউ ফেলে পালা'ল, তোরাও দেখাদেখি দেশত্যাগী হ'লি।

সুখ্য। কেন—পালা'ব কেন—কার ভয়ে পালা'ব ?

সু, মা। যদি না পালা'বি, তা হ'লে এমনটা হ'ল কেন ?

সুখ্য। কি হ'য়েছে ?

সু, মা। গাঁয়ে থাকতে আমার মাই-দুখের অপমান ক'রলি ?

সুখ্য। আরে মর, হ'য়েছে কি ?

সু, মা। লোকে বলে—গয়লা-বউ ! শঙ্কর সুখ্যি তোর দিগ্গজ ছেলে, তোর আবার ভাবনা কি ? তোরা থাকতে আমার অপমান।

সুখ্য। কে অপমান ক'রলে ?

সু, মা। সুখোকে বঞ্চিত ক'রে তোদের দুধ খাওয়ালুম—সুখো একলা খেলে এতদিনে কুম্ভকর্ণ হ'য়ে যেত !

সূর্য্য। আরে মর, হ'ল কি ?

সু, মা। গয়লা-বুড়ো বেঁচে থাকলে কি কেউ আমাকে একটা কথা বলতে পারত ?

সূর্য্য। কে কি বলছে ?

সু, মা। সেবারে পঞ্চাননতলায় পাঁঠার মূড়ি নিয়ে লড়াই। এক দিকে হাজার লেঠেল, আর এক দিকে তোর মেসো। পাঁঠার মূড়ি নিয়ে টানাটানি আর লড়ালড়ি। তোর মেসোর লাঠি খেলা দেখে হাজার লেঠেলের তাক লেগে গেল। পাঁঠার মূড়ি ধড়্ ছেড়ে তোর মেসোর হাতে এসে 'ব্যাঃ ব্যাঃ' ক'রতে লাগল।

সূর্য্য। বলি, কি হ'ল বল্ !

সু, মা। হরিহরপুরের বোসেদের বাড়ী ডাকাতি।—সে কি যেমন তেমন ডাকাতি। বোসেদের দেউড়ীতে কুক মেরে লাঠি ঘুরুলে, আর মদন ঘোষের নতুন ঘরের দেওয়াল ঝর্ঝর্ ক'রে ভেঙ্গে গেল। বোসেরা ছুটে এসে তোর মেসোর কাছে প'ড়ল। বুড়োর তখন জ্বর। জ্বরে ধুকতে ধুকতে বুড়ো ছুটলো। আর এগারটা ডাকাত পিঠে ঝুলিয়ে বাড়ীর উঠানে না ফেলে আবার জ্বরে ধুকতে লাগল।

সূর্য্য। না—এ বেটী বড়ই ভোগালে।

সু, মা। তবু সে তালপুকুর চুরির কথা কইনি—তোর বাপ তখন কেষ্টগঞ্জের নায়েব। একদিন এমনি সন্ধ্যাবেলায় হম্‌কো-ধুম্‌কো হয়ে ছুটে এসে তোর মেসোর কাছে পড়ল ! বললে—'ফগল্লাথ দাদা, ফতেপুরের ফাইমিণি বাবুর একটা পুকুর চুরি ক'রতে পার ?' তোর মেসো বললে—'খুব পারি।' তোরে আর কি বলবো রে বাবা ! সেই এক রাত্রে তেতরে, তালপুকুর বুদ্ধিয়ে, মাঠ করে তাতে মটর বুন, তোর না হ'তে বাড়ী এসে খড় কাটতে ব'সে গেল। সেই তার তোরা থাকতে আমার কিনা অপমান ! আমার বাড়ীতে পেয়াদা ঢোকে।

সূর্য্য । কখন ?

সু, মা । কেন—এই অপরাহ্নে ! কল্যাণী ব'লেছিল—‘মাসী অনেক দিন চুল বাঁধনি । চুলে জটা হয়েছে, ছাড়িয়ে দে ।’ আমি শূদ্ধ খেয়ে উঠে, একটা পান মুখে দিয়ে কালান্দীর মতন জাবর কাটতে কাটতে বৌমার চুলের গোছায় হাতটি দি'য়েছি, এমন সময় কোথা থেকে তিন বেটা পেয়াদা এসে উপস্থিত । এসেই, আমার সুমুখে বৌমার গায়ে হাত দিতে চায় ।

সূর্য্য ! তারপর—তারপর ?

সু, মা । তারপর আবার কি । ভাগ্যি কাস্তে বঁটী কাছে ছিল, তাইতে ত মান রক্ষা হ'য়েছে ।

সূর্য্য । থাক—গায়ে হাত দিতে পারেনি ত ?

সু, মা । ইস্ ! গায়ে হাত দেবে ! আমি শঙ্কর চক্রবর্তী'র মাসী—আমার সুমুখে তার বৌয়ের গায়ে হাত দেবে ! যে বেটা হুমকি মেরে' এসেছিল, তাব নাকটা বঁটী দিয়ে চেঁছে দিয়েছি ! যে বেটা হাত তুলেছিল, তাকে জন্মের মত নুলো ক'বে দিয়েছি ! আর এক বেটা তামাসা ক'রেছিল, বেটার কানে এক মোচড । বেটা ‘বাপের মাবে’ ক'বে পা'লাল, কিন্তু কান বাবা আমার হাতে আটকে রইল ।

সূর্য্য । বড় মান রক্ষা করে'হিস্ মাসী ।

সু, মা । বলিস্ কি । মান রাখব না—আমি কেমন লোকেব মাসী, কেমন লোকেব ইন্দ্ৰী । তবে কি জানিস্ বাপ্, সুখ্যিকান্ত । আমি গেরস্তোর বৌ—পুরুষের সঙ্গে ঝগড়া—বড় নজ্জা করে ।

সূর্য্য । থাক—আর তোকে ঝগড়া ক'রতে হ'বে না, আমি আর ধর ছেড়ে কোথাও যাব না ।

সু, মা । তা হ'লে আমি এখন একবার বাইরে যেতে পারি ?

সূর্য্য । যা ।

সু, মা । দেখিস, যেন দেউড়ী ছেড়ে কোথাও বাসনি ! অরাজক
—অরাজক । নইলে শঙ্কর চক্রবর্তী'র ঘরে পেরাদা ঢোকে । প্রহান
সূর্য্য । এ ত' দেখছি ঝড়ের পূর্ব্বলক্ষণ ।

কল্যাণীর প্রবেশ

কল্যাণী । সূর্য্যকাস্ত !

সূর্য্য । কেন মা ।

কল্যাণী । তুমি নাকি আমাকে স্থানান্তরে যেতে আদেশ ক'রেছ ?

সূর্য্য । কেন, তুমি ত সব জ্ঞান মা । একটু আগেই ত ব্যাপার
বদ্বর্ত্তে পেরেছ । বিশেষতঃ আজ অগাবম্যা, তার ওপর আকাশে দূর্য্যোগের
লক্ষণ, লোকবলও আজ বেশী নেই—আমি আর সুখময় ।

কল্যাণী । কোথায় যাব ?

সূর্য্য । সুখময় যেখানে তোমায় নিয়ে যাবে ।

কল্যাণী । সে স্থানে কি বিপদের ভয় নেই ?

সূর্য্য । (স্বগতঃ) এ যে বড় কঠিন প্রশ্ন !

কল্যাণী । চুপ ক'রে রইলে কেন—বল ?

সূর্য্য । অবশ্য আপাততঃ নিরাপদ ।

কল্যাণী । আমি যাব না সূর্য্যকাস্ত !

সূর্য্য । আজকের দিনটে নিরাপদে কাটিয়ে দিতে পারলে কাল আমি
তোমাকে যশোরে পাঠিয়ে দিই ।

কল্যাণী । যশোরে পাঠানোই যদি আমার স্বামীর অভিপ্রায় থাক্ত,
তা হ'লে তিনি কি আমাকে সঙ্গে নিয়ে যেতে পারতেন না ? প্রসাদপুরের
টিকিটিকিটিকে পৰ্য্যন্ত তিনি সঙ্গে নিয়ে গেছেন ; আমাকে ঘরে ফেলে রেখে
গেলেন কেন ? স্বামী কি আমার এতই নির্ব্বোধ যে, ফেলে যাবার সময়
এটা বুঝতে পারেন নি, যে তাঁর স্ত্রী বিপদে পড়তে পারে ? আর যদি
বিপদে পড়ে ত তাকে রক্ষা ক'রতে কেউ নেই ।

সদৃশ্য । দোহাই মা ! দাদার ওপর অভিমান ক'রো না ।

কল্যাণী । অভিমানই করি, আর যাই করি, সদৃশ্যকান্ত ! আমি ঘর ছেড়ে কোথাও যাব না ।

সদৃশ্য । মা সন্তানের ওপর দয়া কর ।

কল্যাণী । না সদৃশ্যকান্ত ! এ দয়ামায়ার কথা নয়—ধর্ম্মাধর্ম্মের কথা । অন্য স্থানে আশ্রয় গ্রহণ ক'রলে আমি যে নিরাপদ হ'ব, যখন তুমি এ কথা বলতে পারছ না, তখন তুমি বাঁচ হ'য়ে কেমন ক'রে আমার জন্যে অপর এক পরিবারকে বিপদে ফেলতে চাও ? এই কি তোমার গুরুদর অভিপ্রায় ?

সদৃশ্য । মা । আমি সন্তান ! আমি ভিক্ষা চাচ্ছি, আমার অনুরোধ রক্ষা কর ।

কল্যাণী । এ অনায়াস অনুরোধ সদৃশ্যকান্ত ! তার চেয়ে তুমি আমার একটি অনুরোধ রক্ষা কর । তুমি এই স্বেচ্ছায় গৃহীত ভার পরিত্যাগ কর । আমি তুচ্ছ রমণী—আমার জীবন-মরণে দেশের কোনও ক্ষতি-বৃদ্ধি নেই । তুমি বেঁচে থাকলে দেশের অনেক কাজ ক'রতে পারবে । তুমি আমা হ'তেও আমার স্বামীর আদরের সামগ্রী ।

সদৃশ্য । দোহাই মা ! যাও, আর না যাও সন্তানকে আর মম্ম'পীড়া দিও না ।

কল্যাণী । অভিমানে নয় সদৃশ্যকান্ত ! যে কার্যের তার নিয়ে স্বামী আমাকে ফেলে গেছেন তাতে কোন সাহসে তাঁর ওপর অভিমান করি ! তবে কোথায় যাব—কেন যাব ? মৃত্যু ? বল দেখি সদৃশ্যকান্ত ! মৃত্যুর যোগ্য এমন পবিত্র স্থান আর কোথায় আছে ? তা হ'লে স্বামীর ঘর—জগতের সর্বশ্রেষ্ঠ পুণ্যভূমি—এমন স্থান ত্যাগ ক'রে কোন অপবিত্র স্থানে ম'রতে যাব কেন ? সদৃশ্যকান্ত । বাপ্ আশীর্বাদ করি—দীর্ঘজীবী হও ; তোমার দেহ বজ্রের ন্যায় কঠিন হোক—স্পর্শে পিঁচালের অস্ত্র চূর্ণ-বিচূর্ণ হোক, তুমি আমাকে এ স্থান ত্যাগ ক'রতে অনুরোধ ক'রো না ।

সদৃশ্য । তবে পায়ের ধূলো দাও । ঘরে যাও—দোর বন্ধ কর ।

কল্যাণী । মা শংকরী তোমাকে রক্ষা করুন ।

সদৃশ্য । সদৃশ্যয় !

সুখময়ের প্রবেশ

সদৃশ্যয় । চুপ—দাদা ! শীগগির অস্ত্র নাও, মা স'রে যাও, বড়ই বিপদ ।

কল্যাণী । মা শংকরী ! তোমার মনে এই ছিল !

সদৃশ্য । ভয় নেই মা । এ দু'জন সন্তানের জীবন থাকতে কেউ তোমার অঙ্গ স্পর্শ করতে পারবে না ।

কল্যাণী । তোমাবাও নিশ্চিন্ত থাক বাপ । কল্যাণী বাম্নীর দেহে প্রাণ থাকতে কোন শয়তান তার গায়ে হাত দিতে পারবে না ! তোমরা কেবল যথাশক্তি আমার স্বামীর মর্যাদা রক্ষা কর ।

পঞ্চম দৃশ্য

প্রসাদপুর—পথ

প্রতাপ ও শঙ্কর

প্রতাপ । এই ত তোমার প্রসাদপুর ?

শঙ্কর । প্রসাদপুর বটে, কিন্তু রাত ও দুপুর ।

প্রতাপ । তা হোক, প্রসাদ আমাকে আজ পেতেই হবে ।

শঙ্কর । এ যে অত্যাচার । এত রাত্রে কোথাষ কি পা'ব ?

প্রতাপ । সে ভাবনা তোমায় ভাবতে হ'বে না । মায়ের কাছে সন্তান যাচ্ছে, ভাবতে হয়, মা ভাববেন । কমল !

কমলের প্রবেশ

তোমার কাছে যে পেটেরাটা রেখেছিলুম ?

কমল । সেটা এই হুজুরের কাছে রেখেছি মহারাজ !

শংকর । এ সব আবার কি মহারাজ ?

প্রতাপ । দেখ শংকর ! বাল্যকাল হ'তে আমি মাতৃহীন । বড় আক্ষেপ—কখন তাঁর সেবা করতে পাইনি । যদি ভাগ্যবশে আবার তাঁকে লাভ ক'রতে চ'লেছি, তখন শৃঙ্খল-হাতে কেমন ক'রে তাঁর চরণ স্পর্শ করি !

শংকর । মহারাজ ! এ ত ভালবাসা নয়—এ যে উৎপীড়ন !

প্রতাপ । স্বেচ্ছাচারী বাঙ্গালার ভূঁইয়াদের উৎপীড়ন কে না সহ্য করে শংকর ? যাও তাই ! আমি মাতৃদত্ত সমস্ত অলংকারগুলি এনেছি । প্রাণ ধ'রে স্ত্রীকেও দিতে পারিনি, সমস্ত আজ মায়ের চরণে অঞ্জলি দেব । যাও, আব বেশী রাত ক'বো না । আমি ক্ষুধান্ত ।

শব্দের প্রস্থান

কমল । সবাইকে ব'লে দাও, তারা যেন কোলাহলে গ্রামবাসীদের ঘুমের ব্যাঘাত না করে ।

কমল । ব্যাঘাত ক'রবে না কি ? গ্রামে তৈঁহৈ তৈঁহৈ প'ড়ল ব'লে ।

প্রতাপ । কারণ ?

কমল । সব শালা বোম্বেটে চুলবুল ক'রছে, গোলমাল বাধ'লো বাধ'লো হ'য়েছে ।

প্রতাপ । কেন ?

কমল । আর কেন—স্বভাব । সুমুখে তারা একখানা বজরা দেখেছে—আমীর ওমরাওয়ার বজরাব মতন বজরা । শিকারী বেডাল—তাবা কি তাই দেখে চুপ ক'রে থাকতে পারে ? সব শালার গোঁফ ন'ড়ছে । আপনি স'রবেন, আর বজরাও লুট হ'বে । ওই যে সন্দর্ভ আসছে ।

সুন্দরের প্রবেশ

প্রতাপ । সুন্দর । নদীতে একখানা বজরা দেখলে ?

সুন্দর । আজ্ঞে হুজুর—দেখলুম ?

প্রতাপ । কার বজরা - জেনেছ ?

সুন্দর। আজ্ঞে হুজুর—জেনেছি। আর জেনে হুজুরকে শ্রুত সংবাদ দিতে এসেছি !

প্রতাপ। কার বজ্রা

সুন্দর। আজ্ঞে হুজুর—আমার বাবার।

প্রতাপ। তোমার বাপ বর্ত্তমান আছে ?

সুন্দর। আজ্ঞে—নেই জান্তুম্, এখন দেখি আছে। বজ্রার মাঝিকে জিজ্ঞেস ক'রলুম—কার বজ্রা—ভেতর থেকে কে বললে—“তোমার বাবার”। হুজুর ! হুকুম করুন, বাবার সঙ্গে সাক্ষাৎ করি।

জনৈক পথিকের প্রবেশ

পথিক। আপনি কে মহাশয় ?

প্রতাপ। আমি একজন বিদেশী।

পথিক। কোন উপায়ে এক সতীর ধর্ম রক্ষা ক'রতে পারেন ?

প্রতাপ। সে কি রকম ?

পথিক। ব'লবার সময় নেই। এতক্ষণে দু'খি সর্বনাশ হ'ল। এই গ্রামের এক ব্রাহ্মণ—নাম শঙ্কর চক্রবর্তী—তার স্ত্রী সতীমুর্তি। দু'রাষ্ট্রা ত'শীলদার তাঁকে অপহরণ ক'রতে এসেছে। রাজমহলে নবাবের কাছে পাঠাবে। সে ব্রাহ্মণ বাড়ী নেই, ব্রাহ্মণ-কন্যাকে রক্ষা করুন।

প্রতাপ। শঙ্করের ঘরে দস্যু ! লোক কত ?

পথিক। অন্ধকার—ঠিক ক'রে ত বলতে পারছি না, তবে চার পাঁচশোর কম নয়।

কমল। মহারাজ !—

পথিক। মহারাজ ! (পদতলে পড়িয়া) দোহাই মহারাজ ! রক্ষা করুন। সে ব্রাহ্মণ এ গ্রামের প্রাণ, তার সর্বস্ব লুণ্ঠিত হ'চ্ছে, দোহাই মহারাজ ! রক্ষা করুন।

সুন্দর। তা হ'লে এও সেই ত'শীলদারের বজ্রা।

প্রতাপ । সুন্দর ! এখনি বজ্রা আটক কর ।

সুন্দর । যো হুকুম !

প্রতাপ । কমল ! আমার হাতিয়ার ? (কমলের হাতিয়ার প্রদান)

পাথক । মহারাজ ! তা হ'লে আমার সঙ্গে আসুন, আমি সোজা পথ দেখিয়ে নিয়ে যাই ।

প্রতাপ । বেশ—চল ।

পাথক । রক্ষা করুন—রক্ষা করুন ! জীবন আপনাকে রাজরাজেশ্বর ক'রবেন ।

ষষ্ঠ দৃশ্য

প্রসাদপুর—শঙ্করের অন্তঃপুর

স্বর্ধ্যাকান্ত ও কল্যাণী

স্বর্ধ্য । আর ত তোমাকে বাঁচাতে পারি না মা ! অগণ্য শত্রুর সঙ্গে যুদ্ধ । আমরা সব দুইজন । যথার্থ প্রবেশপথ রোধ ক'রেছি । সুখময় আহত, আমারও শরীর ক্ষতবিক্ষত । পাষাণেরা দেউড়ীর কবাট ভেঙ্গে ফেলেছে । বাড়ীতে ঢুকেছে । আর যে রক্ষা ক'রতে পারি না মা !

কল্যাণী । কি ক'রবে বাপ ! আমার অদৃষ্ট ! মানুষ্যে যা না পারে, তুমি তাই ক'রেছ । আমার পানে আর চেও না । স্বর্ধ্যাকান্ত ! তুমি আত্মরক্ষা কর ।

স্বর্ধ্য । এ কি মা ! মৃত্যুকালে আর বাক্যশ্রুণা দাও কেন ? যতক্ষণ প্রাণ থাকবে ততক্ষণ কোন দুরাত্মাকে এ ঘরে প্রবেশ করতে দেব না ।

কল্যাণী । গুরুতর বীর ! পুত্রাধিক প্রিয় যে তুমি । আমার চোখের সম্মুখে তোমার এ দেব-দেহ পিশাচের অস্ত্র খণ্ডিত হ'বে ! অকৃত্রিম গুরুত্বস্তির কি এই পরিণাম !

সূর্য্য । আমার জন্য ভাববার সময় নেই মা ! (নেপথ্যে কোলাহল)
ওই গেল !—সুখময় আহত অবস্থাতেই মাঝের দোর রক্ষা ক'রছিল, তাও
গেল ! কি হবে মা, কি হবে ! বন্ধুতে পারছি, আমারও মৃত্যু । কিন্তু
মা, তারপর ? আমার সকল পূজা—সকল সাধনা—পিতৃভুল্য গুরু—তার
পত্নী তুমি—তোমাকে পিশাচে অপহরণ ক'রবে ।

কল্যাণী । অপহরণ ক'রবে !—কাকে ?—আমাকে ? তবু নেই
সূর্য্যকান্ত ! প্রাণ থাকতে কি শঙ্কর-গৃহিণী—বাঘিনী অপহৃত হয় ? তবে
তোমার মর্যাদা । মা সতীকুলরাণি । ভক্তবৎসলে । গুরুভক্তের মর্যাদা
রক্ষা কর মা—রক্ষা কর ।

নেপথ্যে বন্ধুকের শব্দ ও কোলাহল

সূর্য্য । এ কি হ'ল, বন্দুক ছোঁড়ে কে ?—(ঘন ঘন বন্দুক-শব্দ ও
আন্তর্নাদ-শব্দ) এ কি হ'ল—এ কে এল !

কল্যাণী । মূখ রেখো মা ! দোহাই মা ! আর ব'লতে পারছি না—
মুখে বাক্য আসছে না । অন্তর্যামিনি ! মন বন্ধে আশ্রয় দাও ।

সূর্য্য । আমি চল্লুম ! তুমি দরজা দাও । যদি না ফিরি, নিজের
ভার নিজে গ্রহণ কর' ।

প্রস্থান

কল্যাণী । দোহাই দীনভারিণি ! আমার স্বামী চিরদিন তোমার
সেবাতেই কাল কাটিয়েছে । তোমার মানবী মূর্ত্তি সহস্র সতীর মর্যাদা
রক্ষা ক'রেছে ! দোহাই মা ! তোমার চির ভক্তকে পদাশ্রয় হ'তে ফেলে
দিওনা ! (দ্বারভঙ্গ-শব্দ)

সূর্য্য । (নেপথ্যে) মা ! মা ! আত্মরক্ষা কর—আমি বন্দী ।

কল্যাণী । ইচ্ছাময়ি ! এই কি তোর ইচ্ছা ? আমার মৃতদেহ
পিশাচে স্পর্শ করবে ? তাল—তোমার ইচ্ছাই পূর্ণ হোক ! (অস্ত্র গ্রহণ—
দ্বারভঙ্গ-শব্দ) কিন্তু আত্মহত্যা ক'রব কেন ? শঙ্কর আমার স্বামী,
আমাতে কি সে দানবনাশিনী শক্তির একটিমাত্র কণারও অস্তিত্ব নেই ?

হার ভঙ্গ করিয়া এবার অমুচরগণের প্রবেশ

১ম অননু। বস্ ! ইয়া আল্লা ! কেনা তোফা ! বিবিসাহেব ঠিক আছে ।
বিবিসাহেব ! সেলাম । নবাব তোমার জন্যে তজ্জাম পাঠিয়েছেন—
উঠবে এস ।

কল্যাণী। আগে তোদের নবাবকে তার খশ্রু দিয়ে সে তজ্জামের
পাপোস্ প্রস্তুত ক'রতে বল, তবে উঠবে ।

১ম অননু। তবে বেয়াদবী মাফ হয়—আমাকে জোর ক'রে তোমাকে
তুলে নিয়ে যেতে হ'ল ।

কল্যাণী। সাবধান শয়তান ! যদি জীবনে মমতা থাকে, তা হ'লে
আর এক পদও অগ্রসর হ'স্নি !

১ম অননু। তবে রে শয়তানি !—(আক্রমণোদ্যোগ)

প্রতাপের প্রবেশ, বন্দুক শব্দ ও অমুচরগণের পতন

কল্যাণী। এখনও বল্ছি ফের—নরাধম—শয়তান (প্রতাপকে
আক্রমণোদ্যোগ)

প্রতাপ। মা ! মা ! আমি সস্তান । আমাকে হত্যা করো না !

বেগে শব্দের প্রবেশ

শব্দকর। কল্যাণি ! কল্যাণি !—

কল্যাণী। ম'য়া ম'য়া—তুমি ! তুমি !—প্রভু কোথা থেকে ?

শব্দকর। পরে শুনবে । রাজ-অতিথি সম্মুখে, চল, তাঁর আতিথ্য-
সংকার ক'রবে ।

তৃতীয় অঙ্ক

প্রথম দৃশ্য

যশোহর—পথ

প্রতাপ

প্রতাপ । দীর্ঘকাল অনুপস্থিতির পর আবার আমি যশোরে ফিরে এলাম । স্নিগ্ধ, চিরশান্তিময় মাতৃভূমির ক্রোড়ে আবার আশ্রয় গ্রহণ করলুম । যশোরের এ সলিল-সিক্ত মৃত্তিকাস্পর্শে কি আনন্দ ! কেদার-বাহিনী মৃদু-কল-নাদিনী সহস্রতটিনী-সেবিত যশোরের শ্যাম-প্রান্তর ! কিছূতেই তোমাকে ভুলতে পারলুম না । আগ্রার ঐশ্বর্যময়ী হেম-অট্টালিকা, নন্দন-লাঞ্ছন অপ্সরাগার উদ্যান, কিছূতে কোন প্রলোভনে আমাকে যশোরের শ্যামসৌন্দর্য্য ভোলাতে পারে নি । মা বঙ্গভূমি ! তোমার এই প্রাণোন্মাদকর নামের তিতর এত মধুরতা, এমন কোমলতা, এরূপ ঐশ্বর্য্য-সৌন্দর্য্য জড়ান আছে, তা ত জানতুম না । মা ! তোমাকে নমস্কার, কোটি কোটি নমস্কার—আবার নমস্কার ! কিন্তু কি করি, কেমন করে, যশোরের মৰ্য্যাদা রক্ষা করি ? ক’রতেই হ’বে—যেমন ক’রে হো’ক করতেই হবে । * [মান যাক, যশ যাক, প্রতিষ্ঠা যাক, তথাপি বঙ্গভূমিকে শত্রু-পদদলন থেকে রক্ষা ক’রতেই হ’বে ।] *

সূর্য্যকাস্তের অবশ

কতদূর কি ক’রে উঠলে সূর্য্যকাস্ত ?

সূর্য্য । পাঁচ হাজার সৈন্য মাতৃলার জঙ্গলের ভেতর রেখে এসেছি ।

প্রতাপ । অত দূরে রেখে এলে প্রয়োজন মত পাবে কেন ?

সূর্য্য । মহারাজের আদেশমাত্র এখানে এনে উপস্থিত ক’রব ।

পঞ্চাশখামা শতী ছিপ নিয়ে সুন্দর বিদ্যাধরীর এ পারে অবস্থান করছে। হুকুমমাত্র দেখতে দেখতে ঐ পাঁচ হাজার সৈন্য যশোরে এসে উপস্থিত হবে। এত সৈন্য যশোরের কাছে রাখলে পাছে কেউ সন্দেহ করে, এই ভয়ে কাছে আনতে সাহস করিনি।

প্রতাপ। রাজমহলের সংবাদ কিছুরেখেছ ?

সূর্য্য। রেখেছি। সের খাঁ প্রতিশোধ নেবার জন্য পঞ্চাশ হাজার সৈন্য যশোরে রওনা করেছে।

প্রতাপ। সে সম্বন্ধে করছ কি ?

সূর্য্য। হাজার গুপ্তসেনা নিয়ে মামুদকে তাদের গতির উপর লক্ষ্য রাখতে ব'লেছি। পাঁচ হাজার সৈন্য নিয়ে সুখময় বারাসতে অবস্থান করছে। শাল্কের পশ্চিমে আছে ঢালীপতি মদন।

প্রতাপ। ছোটরাজা সের খাঁর খবর রেখেছেন ?

সূর্য্য। শুনেনিছ, সেরখাঁ-প্রেরিত দূত যশোরে এসেছে। রাজা ন্যাক অর্থ উপঢৌকন নিয়ে সের খাঁকে তুষ্ট করবার চেষ্টায় আছেন।

প্রতাপ। টাকা দেওয়া চ'য়েছে কি ?

সূর্য্য। এখনও হয়নি ! তবে কা'ল টাকা দেবার শেষ দিন। আজ থেকে সাত দিনের ভেতর টাকা রাজমহলে পৌঁছান চাই।

প্রতাপ। তুমি এখনি যাও। যত শীঘ্র পার, যশোরের ধনাগার অবরোধ কর। সাবধান ! যশোরের এক কপদ'কও যেন সের খাঁর নিকটে উপস্থিত না হয়। সের খাঁর গতিরোধের ভার আমি নিজহস্তে গ্রহণ কর'লুম।

সূর্য্য। যথা আজ্ঞা।

সূর্য্যকান্তের প্রস্থান

সুন্দরের প্রবেশ

সুন্দর। মহারাজ !

প্রতাপ। কি খবর ?

সুন্দর । সেনাপতি কোথায় গেলেন ?

প্রতাপ । তিনি যশোরে গেলেন ! কি ব'লতে চাও, আমাকে ব'লতে পার । আমি এখন সেনাপতি ! সের খাঁর কৌজের কি সন্ধান পেয়েছ ?

সুন্দর । নবাব শালুকে এসে পেঁপীছেচে ।

প্রতাপ । তার ভাগীরথী পার হওয়া পর্য্যন্ত অপেক্ষা কর ।

সুন্দর । যো হুকুম ।

প্রস্থান

শঙ্করের প্রবেশ

প্রতাপ । শঙ্কর ।—

শঙ্কর । মহারাজ ।

প্রতাপ । তুমি আমার মনস্তত্ত্বের জন্যে আমাকে ‘মহারাজ’ বল, না, তোমার বিশ্বাস—আমি মহারাজ !

শঙ্কর । যশোর-রাজকুমার প্রতাপ-আদিত্য এ বঙ্গদেশের মহারাজ নাম ধারণের একমাত্র যোগ্যপাত্র ।

প্রতাপ । যোগ্যপাত্র ত আমি এখনও মহারাজ নই কেন ?

শঙ্কর । পিতা, খুদ্রতাত বস্তু‘মানে সেটা কেমন ক’রে হয় মহারাজ ?

প্রতাপ । তা আমি জানি না । তুমি আমাকে ‘মহারাজ’ ব'লে সম্বোধন কর । কেন কর, তা তুমি ব'লতে পার । কিন্তু আমার চোখের ওপরে, যদি যশোরের অর্থ লুণ্ঠিত হয়—পিতা, খুদ্রতাত অবনত-মস্তকে সের খাঁর সম্মুখে উপস্থিত হ'য়ে আমার কার্যের জন্য ক্ষমা প্রার্থনা করেন, তখন তুমি কি আমাকে মহারাজ ব'লতে মনে মনেও কুণ্ঠিত হ'বে না ।

শঙ্কর । আমি যে এ কথার কি জবাব দেব, তা ত বুঝতে পারছি না মহারাজ !

প্রতাপ । আবার ‘মহারাজ’ ! বেশ—আমিও তোমাকে আমার শূন্য-রাজত্বের মন্ত্রীত্ব প্রদান ক'রলুম ।

শংকর। আকাশও শূন্য। কিন্তু তার গর্ভে অনন্ত কোটি উজ্জ্বল ব্রহ্মাণ্ড।

প্রতাপ। যদিই আমি মহারাজ, তখন আমার কার্যের জন্যে আমি আবার কার কাছে কৈফিয়ৎ দিব ?

শংকর। আপনার অভিপ্রায় কি ?

প্রতাপ। সের খাঁ কি ক'রছে, জান ?

শংকর। জানি।

প্রতাপ। সে কি। তুমিও এ সংবাদ রেখেছ।

শংকর। মহারাজ, আপনি আমার মর্ষ্যদা রাখতে নিজের ভবিষ্যতের দিকে দৃষ্টি রাখবার অবকাশ পাননি ! দেশমধ্যে প্রচারিত হ'চ্ছে, নবাবের হাত থেকে আপনি প্রসাদপুরের এক দরিদ্র ব্রাহ্মণ-পত্নীকে রক্ষা ক'রেছেন। মহারাজ, আমি আপনার ভবিষ্যতের দিকে দৃষ্টি না রেখে কি নিশ্চিন্ত থাকতে পারি ! শূন্যলুপ্ত সের খাঁ আপনাকে শাস্তি দেবার জন্যে পঞ্চাশ হাজার সৈন্য নিয়ে যশোর আক্রমণ ক'রতে আসছে।

প্রতাপ। কিন্তু ছোটরাজা যশোর রক্ষার কি উপায় উদ্ভাবন ক'রেছেন, জান কি ?

শংকর। জানি। তিনি এক ক্রোর টাকা ও পাঁচটি সুন্দরী রমণী নবাবকে দান ক'রে তাকে তুষ্ট করবার চেষ্টায় আছেন।

প্রতাপ। রমণী !—কই, এ কথা ত শুনিনি শংকর !

শংকর। কল্যাণীকে বন্দি ক'রতে এসেছিল। আপনার জন্যে পারেনি। তাই আক্রোশে নবাব যশোর আক্রমণ ক'রতে আসছে। এ সকল রমণী সেই কল্যাণীর বিনিময়। অবশ্য ছোটরাজার সদুদ্দেশ্যে আমি বিন্দুমাত্রও দোষারোপ ক'রতে পারি না। পঞ্চাশ হাজার শিক্ষিত সৈন্যের অধিনায়ক রাজমহলের মামলুদার সের খাঁর সঙ্গে প্রতিদ্বন্দ্বিতা

করা হস্তমৈত্র্য যশোরেশ্বরের বাতুলতা মাত্র। সেখান থেকে আপনাকে বন্দী করে রাজমহলে পাঠাবার জন্যে রাজা বসন্ত রায়ের ওপর পরোয়ানা পাঠায়। আপনাকে রক্ষা করবার জন্যেই ছোটরাজা এ কার্য্য করেছেন।

প্রতাপ। রমণী!—নবাবের উপভোগ্য করবার জন্যে যশোর থেকে রমণী পাঠাতে হবে। বলতে পার, তার ভেতর স্বেচ্ছায় যাচ্ছে ক'জন?

শংকর। জানি না। কিন্তু একটি রমণী ধর্ম্মনাশ ভয়ে আমার আশ্রয় গ্রহণ করেছে। শূন্যলুপ্ত, রাণী কাত্যায়নী তাকে আপনার আশ্রয়ে পার্শ্ব দিয়েছেন।

প্রতাপ। এ রমণী কোথায়?

শংকর। অনুমতি করেন, আনতে পাঠাই।

প্রতাপ। তাকে আশ্রয় দেবার কি ব্যবস্থা করেছে?

শংকর। আশ্রয় দাতা—মহারাজ প্রতাপ-আদিত্য।

প্রতাপ। শংকর! এই সকল ধর্ম্মনাশ-ভীতা অভাগিনীর অশ্রুসিক্ত যশোরে আমাকে আধিপত্যের গৌরব ক'বে বেঁচে থাকতে হবে।

শংকর। কি আর ক'রবেন!

প্রতাপ। কি ক'র্ব্ব? ক'র্ব্ব কি!—ক'রেছি। যে দণ্ডে প্রসাদপুরে আমি নবাবের শত্রুতা ক'রেছি, ভবিষ্যতের চিন্তা করে সেই দণ্ড হ'তেই আমি প্রতীকারেরও চেষ্টা করে এসেছি। এই দেখ শংকর। সেই চেষ্টার ফল। (ফারমান দর্শন)

শংকর। কি এ মহারাজ?

প্রতাপ। বাদশাহ আকবর-দত্ত ফারমান। সম্রাটকে কথায় কার্য্য তুষ্ট করে তাঁর কাছ থেকে আমি যশোর-শাসনের অনুমতি পেয়েছি। এখন থেকে আমি যশোরেশ্বর মহারাজ প্রতাপ-আদিত্য।

শংকর। আমিও কায়মনোবাক্যে মহারাজ প্রতাপ-আদিত্যের জয় কামনা করি।

প্রতাপ । যে বন্দিনী রাজা বসন্ত রায়ের অত্যাচার থেকে আমার কাছে আশ্রয় নিতে এসেছে, তাকে আমার কাছে নিয়ে এস ।

কমলের প্রবেশ

কমল । মহারাজ—মহারাজ !

প্রতাপ । কি, কি—ব্যাপার কি ?

কমল । এই হুজুর যে বিবিকে আমার কাছে জিম্মা ক'রে রেখে এসেছিলেন, সেই—

শঙ্কর । 'সেই কি ?

কমল । আমার কাছটিতে তা'কে বসিয়ে রেখে চ'লে এলেন—

তারপর—

শঙ্কর । তারপর কি ?

কমল । কি দেখলুম—আমি কি দেখলুম !

প্রতাপ । এ কি কমল ! তুমি উন্নতের মত আচরণ ক'রছ কেন ?

কমল । আজ্ঞে—কি যে, আমি কিছুই ব'লতে পারছি না যে মহারাজ ! কি দেখলুম—কি দেখলুম !

প্রতাপ । কাঁপছ কেন ? স্থির হও । স্থির হ'য়ে বল—ব্যাপার কি ? তুমি কি কোন দৈবী বিভীষিকা দেখেছ ?

কমল । আজ্ঞে মহারাজ ! হুজুর যেই আমার কাছে মেয়েটিকে রেখে চ'লে এলেন, অমনি সে ডুক'রে ডুক'রে কাঁদতে লাগল । আমি তাকে কত অভয় দিলুম । মহারাজের গুণের কথা—হুজুরের গুণের কথা—সব ব'লে তাকে কত আশ্বাস দিলুম । তবু ষোমটায় মুখ ঢেকে বিবিসাহেব কাঁদতে লাগল । তখন কি করি, আমি হুজুরকে খুঁজতে এলুম—দেখা পেলুম না । আবার ফিরে গেলুম । গিয়ে দেখি—বিবিসাহেব নেই । এদিকে ওদিকে চারিদিকে খুঁজলুম—কোথাও তাকে খুঁজতে পেলুম না । প্রাণে বড় ভয় হ'ল ! রাত্রি অন্ধকার—চারিদিকে ঘন

বন—কাছে যসিয়ে দু'পা গেছি, কি না গেছি, ফিরে এসে দেখি বিবি-
সাহেব নেই!—প্রাণে বড়ই ভয় হ'ল। তবে কি বিবিসাহেবকে বাঘে
নিরে গেল! কেমন ক'রে আপনার কাছে মুখ দেখাব, এই ভাবনায়
আকুল হয়ে পড়লুম। তখন আবার খুঁজলুম—বন আতিপাতি ক'রে
খুঁজলুম। কোথাও তা'র সন্ধান পেলুম না। কত ডাকলুম—
“বিবিসাহেব, বিবিসাহেব” ব'লে চীৎকার করলুম, সাড়া শব্দ কিছুই
পেলুম না। হতাশ হয়ে ফিরতে যাচ্ছি, এমন সময় বনের ভেতর থেকে
কে যেন ব'লে উঠল—‘কমল!’—ফিরে চেয়ে দেখি—জনাব! সে কি
দেখলুম! আমি ব'লতে পারব না—আমি আর তা দেখতে পারব না।
দেখে মূচ্ছা গিছলুম। আমি আর তা দেখতে পারব না। আপনারা
দেখতে চান সঙ্গে আসুন।

দ্বিতীয় দৃশ্য

যশোরেশ্বরীর মন্দির

চণ্ডীবর ও বিজয়া

বিজয়া। চণ্ডীবর! আজ এই ঘোরা দিগন্তব্যাপিনী অমানিশায়
এই শাদ্দুল-রব-মুখরিত অরণ্যমধ্যে মায়ের আমার কোন রূপ ধ্যানে
নিযুক্ত আছ?

চণ্ডী। কেন মা। চিবদিন মায়ের যে মুখ দেখে আমি আত্মজারা
—কালিদীর তরঙ্গসদৃশ শ্যামল সৌন্দর্যের যে উচ্ছ্বাসে মা আমার সমস্ত
সংসারকে আবৃত ক'রে রেখেছেন, সে রূপ ভিন্ন আবার অন্য কোন রূপে
মাকে আমার দেখতে আদেশ কর জননী?

বিজয়া। না বাপ! মায়ের অন্য কোন রূপ ধ্যান কর।

চণ্ডী। তবু শ্যামা শিখরিদশনা পক্ববিস্বাধরোষ্ঠী!—

বিজয়া। উ'হু! অন্য রূপ কল্পনা কর।

চণ্ডী। যা কুন্দেশদুঃখহারহারধবলা যা শ্বেতপদ্মাসনা
যা বীণাবরদগুণমণ্ডিত তুঙ্গা যা শূভ্রবস্ত্রাবৃত্তা।
যা ব্রহ্মাচ্যুতশঙ্করপ্রভৃতিভির্দেবৈঃ সদা বন্দিতা
সো মাং পাতু সর্বস্বতী ভগবতী নিঃশেষজ্ঞাভ্যাপহা ॥

বিজয়া। বঙ্গে সর্বস্বতীর কৃপার অভাব নেই। বিদ্যাপতি, চণ্ডীদাস
প্রভৃতি কবিগণের বীণার কোমল ঝঞ্কারে বঙ্গ-গগন প্রলয়ান্তকাল পর্য্যন্ত
পূর্ণ থাকবে। চণ্ডীবর! মায়ের অন্যরূপ কল্পনা কর।

চণ্ডী। নানারত্ন বিচিত্রভূষণকরী হেমাম্বরাজম্বরী
মুক্তাহারবিলম্বমানবিলসদ্বক্ষোজকুম্ভাস্তরী।
কৈলাসচলকন্দরালয়করী গৌরী উমা শঙ্করী
ভিক্ষাং দেহি কৃপাবলম্বনকরী মাতঙ্গপূর্ণেশ্বরী ॥

বিজয়া। আর কেন চণ্ডীবর! এখনও দেহি? মা আমার দিতে
বাকি রেখেছেন কি! যমুনাঙ্গলসম্পূর্ণ অমৃতরূপিণী ভাগীরথী যার
কণ্ঠহার, চিরতুবারধবলিত ত্রিমাচল যার শিরোভূষণ, চিরশ্যামল শস্যসম্পদ
যার অংগাবরণ, এই নিবিড় কঙ্ককাস্ত্র বনশ্রীতে যিনি কুটিলকুন্তলা,
অনন্তপ্রসারী নীলাম্বর রাশির শূভ্র তরঙ্গফেনরেখা যার মেখলা, সে বঙ্গ-
মাতার কিসের অভাব চণ্ডীবর। যার জলে স্নান, ফলে সূধা, শস্যে অনন্ত
দেশের অনন্ত জীবের প্রাণদাযিনী শক্তি, যার অঙ্গে শিরীষ-কুসুমের
কোমলতা, যার ললাট শশী-সূর্য্য-করোজ্জ্বল, যার সমীরণ মধু-গন্ধ-কুসুম-
শীকরবাহী, সে বঙ্গের জন্য আর ধনরত্ন ভিক্ষা কেন? চণ্ডীবর! মায়ের
অন্য রূপ ধ্যান কর।

চণ্ডী। বহুপীড়াভিরামং মৃগমদতিলকাং কুণ্ডলাক্রান্তগণ্ডং
কঙ্কাক্ষীং কম্বুকণ্ঠাং স্থিতসুভগমুখাং স্বাধরে ন্যস্তবেণুদম্।
শ্যামাং শাস্ত্রাং ত্রিভুগাং রবিকরবসনাং ভূমিতাং বৈজয়ন্ত্যা
বন্দে বৃন্দাবনস্থং যদুভিশতবৃতাং ব্রহ্মগোপালবেশাম্ ॥

বিজয়া । উ'হু' ! তবে গোবিন্দদাসের পবিত্র সঙ্গ ত্যাগ ক'রলুম
কেমন ? চণ্ডীবর ! মায়ে'র আর কোন রূপ কল্পনা কর ।

চণ্ডী । এ কি মা কপালিনী ! বিজয়লক্ষ্মী-মূর্ত্তি' ধারণ ক'রে কোন
মহাপুরুষকে সমর-সম্মান সাজিয়ে দিচ্ছ মা ! (উঠিয়া)

কালীকরালবদনা বিনিস্ক্রান্তাশিপাশিনী ।

বিচিত্রখট্টাঙ্গধরা নরমালাবিভূষণা ॥—

বিজয়া । বল চণ্ডীবর ! আবার বল—আবার বল ।

চণ্ডী । স্বীপচন্দ্র-পরিধানা শূ'কমাংসাত্তৈরবা ।

অতিবিস্তারবদনা জিহ্বাললনভীষণা ।

নিমগ্নানন্তনয়না নাদাপূরিতিভৃ'মুখা ॥

বিজয়া । আহা কি সুন্দর !— চণ্ডীবর ! মাকে দেখাও —মাকে
দেখাও । বঙ্গদেশে অভয়্যার নাম প্রচার কর ।

চণ্ডী । নিশু'ন্ত-শু'ন্তহননী মহিষাসুরমর্দ্দিনী ।

মধুকৈটভহস্তী চ চণ্ডমুণ্ডবিনাশিনী ॥

অনেকশস্ত্রহস্তা চ অনেকাস্ত্রস্য ধারিণী ।

অপ্রোচা চৈব প্রোচা চ বৃদ্ধা মাতা বলপ্রদা ।

বিজয়া । চণ্ডীবর ! মায়ে'র পূজার ব্যবস্থা কর । রক্তনিষিক্ত অগণ্য
জবার অঞ্জলি দিয়ে কপালিনীর আবাহন কব । ডাক—যুদ্ধকরে মাকে
ডাক । 'মা মা' ব'লে চীৎকার ক'রে যোগমায়ার নিদ্রা ভংগ কর । মা
আমার আর একবার আসুন ! আর একবার তাঁর অভয়বাণী দূর্জ'ল
বাংগালী-হৃদয়ে শক্তিসঞ্চার করুক । * [বল মা প্রচণ্ডবলহারিণী ! এক-
বার বল !—বহুকাল পূর্বে দানবপদদলিত ধরিত্রীকে রক্ষা ক'রতে,
ইন্দ্রাদিদেবগণ সম্মুখে যে অভয়বাণী উচ্চারণ ক'রেছিল, সেই বাক্য তোর
এই অদৃষ্টনির্ভর সন্তানগুলোকে শুনিয়ে আর একবার বল—

ইথং যদা যদা বাধা দানাবোধ্যা ভবিষ্যতি ।

তদাবতীৰ্ঘ্যাহং করিব্যাম্যরিসংক্ষমম্ ॥ ৩০

প্রতাপ, শঙ্কর ও কমলের প্রবেশ

কমল । এগিয়ে যান মহারাজ ! আমি মুসলমান । হিন্দুর দেবতার কাছে আমি ত যেতে পার'ব না । (অশ্বেষণ)

প্রতাপ । তোমারই জীবন সাধক । তুমি মায়ে'র দর্শন পেয়েছ । আমরা অন্ধ । তাই কমল ! আমরা কিছ'দেখতে পেলুম না ।

শঙ্কর । আর দেখবার প্রত্যাশা কই । (অশ্বেষণ)

কমল । হতাশ হবেন না । এইখানে দেখেছি, ঠিক এইখানে । সে এক অপূর্ণ আলোক ! এমনটি আর কখনও দেখিনি । তার গায়ের চারিদিক থেকে যেন গ'লে গ'লে প'ড়ছে । আহা !—মহারাজ । সে কি দেখলুম । আর একটু এগিয়ে যান । তা হ'লে ব'ঝি দেখতে পাবেন । আমি একটু দূরে থাকি । কি জানি, আমি থাকলে তিনি যদি আর না দেখা দেন ।

প্রতাপ । না কমল । তুমি থাক । তুমি ভাগ্যবান ; তুমি থাকলে তোমার ভাগ্যে আমরা দেখতে পেলোও পেতে পারি । নইলে পাব না ।

শঙ্কর । তাইত মহারাজ ! এখানে যে এক অপূর্ণ কুঞ্জ দেখছি ! এই অপূর্ণ কুঞ্জমধ্যে—মহারাজ ! একি দেখি ।—কি অপূর্ণ পাষণময়ী দেবী-প্রতিমা !

কমল । ওই !—জনাব ওই !

প্রতাপ । তাইত শঙ্কর ! এ কি বিচিত্র ব্যাপার ! মায়ে'র অঙ্গ-জ্যোতিতে যথাধ'ই যে সমস্ত বন আলোকিত হ'য়ে উঠল !

কমল । হুজুর ! এগিয়ে যান । এগিয়ে দেখুন, যা ব'লেছি, তা ঠিক কি না । আমি আর যাব না, একটু দূরে থাকি !

প্রস্থান

চণ্ডী । কে তুমি ?

প্রতাপ । আপনি কে ?

চণ্ডী । আমি এই স্থানাধিকারী ।

প্রতাপ । এটি কোন্ দেবতার স্থান ?

চণ্ডী । যদি হিন্দু হও, তা হ'লে এ প্রশ্ন নিঃপ্রয়োজন । যদি হিন্দু না হও, তা হ'লেও এ প্রশ্নের উত্তর নিঃপ্রয়োজন ।

প্রতাপ । মাতৃমূর্তি ত দেখছি । কিন্তু মায়ের কি একটাও নির্দিষ্ট নাম নেই ?

চণ্ডী । যশোরেশ্বরী ।

প্রতাপ । ইনিই যশোরেশ্বরী ?

চণ্ডী । ইনিই যশোরেশ্বরী ।

প্রতাপ । তা হ'লে উভয় বন্ধুতে শূভলগ্নে ভাগ্যবশে যাঁকে দেখেছিলুম তিনি কে ?

চণ্ডী । তিনি এই পাষণময়ীর প্রতিবিম্ব ।

বিজয়া । (অগ্রগমন) না মহারাজ—সেবিকা ।

প্রতাপ । এই যে—স্ববরূপিণী পাষণী ।

বিজয়া । মহারাজ ! নির্দ্রিতা পাষণীকে জাগরিতা কর । মহাকালীর মূলমন্ত্রে তুমি এই পাষণীর প্রাণপ্রতিষ্ঠা কর । কল্যাণী !

শঙ্কর । কল্যাণী !—কল্যাণী এখানে ।

কল্যাণীর প্রবেশ

কল্যাণী । মহারাজ ! আপনার বিপদের কথা শুনে, আমরা মায়ের পূজা দিতে এসেছি ।

প্রতাপ । আমরা ?

বিজয়া । কল্যাণী আছে, আরও আছে । তগিনী ! আলোক প্রজ্বলিত কর । (আলোক জ্বালিল)

কাত্যায়ণী উদয়াদিত্য, কন্দুমতী ও সহচরীগণের প্রবেশ

প্রতাপ । ঐকি—মহিষী !

কাত্যায়ণী । হাঁ মহারাজ—দাসী ! মহারাজ ! বড় বিপত্তা হ'য়ে পুত্র-কন্যা নিয়ে আজ মায়ের আশ্রয় গ্রহণ ক'রেছি ।

প্রতাপ । সে কি—তুমি বিপত্তা !

কাত্যায়ণী । বড়ই বিপত্তা । স্বামিনিন্দা শ্রবণের মত বিপদ স্ত্রীলোকের আর কি আছে ! সতী শ্রবণমাত্রেরেই দেহত্যাগ ক'রেছিলেন ।

প্রতাপ । তোমার বিপদ—

কাত্যায়ণী । বড় বিপদ—আপনি কি নবাবের অত্যাচার থেকে কোন ব্রাহ্মণকন্যাকে রক্ষা ক'রেছিলেন ?

শঙ্কর । (কল্যাণীকে দেখাইয়া) মা ! সে ব্রাহ্মণকন্যা আপনারই সম্মুখে ।

প্রতাপ । আমি রক্ষা করিনি—মা যশোরেশ্বরী রক্ষা ক'রেছেন ।

কাত্যায়ণী । যিনিই করুন, কিন্তু যশোবে দুর্নাম রটেছে আপনার ।

শঙ্কর । দুর্নাম রটেছে ।

কাত্যায়ণী । কাজেই । নবাব পঞ্চাশ হাজার ফৌজ নিয়ে যশোর আক্রমণ ক'রতে আসছেন । কে তাঁর সঙ্গে যুদ্ধ ক'রবে ? কোথায় বিশাল বগভূমির শক্তিমান অধীশ্বর, আব কোথায় ক্ষুদ্র এক বনভূমির অতি তুচ্ছ জমিদার । কাজেই, এক সতীর মর্যাদা রাখতে যে সহস্র সতীর মর্যাদা যায় ! রাজা থেকে আরম্ভ ক'বে দরিদ্র প্রজা পর্যন্ত সকলেই আপনাকে এ বিপদের কারণ নির্ধারণ ক'রেছে । যশোর নগরী দেবহৃদয় মহারাজ প্রতাপ-আদিত্যের দুর্নামে পরিপূর্ণ । প্রাণের যাতনায় দাসী, মা যশোরেশ্বরীর আশ্রয় গ্রহণ ক'রেছে ।

প্রতাপ । মাকে প্রাণ ত'বে ডাক । তিনিই রাণী কাত্যায়ণীর মর্যাদা রক্ষা ক'রবেন ।

সহচরীগণের গীত

এস শুভদে বরদে শ্রামা ॥

শক্তি পাবক. রসনা লক্ লক্

তারক দেব অভিরামা ॥

হিমগিরিবর শূদ্রে কঠোর তুবার তটভঙ্গে

ভাববিভঙ্গিনী এস রণরঙ্গিনী

জয়া বিজয়া সখী সঙ্গে ।

এস অচিন্ত্য কপ-ধরা, বয়-অভয়-করা তারা গো

কৃপা হাস বিকাশ-ত্রিধামা ।

এস আকুল গলিত হিমধামা ॥

প্রতাপ । মা । তা হ'লে আশীর্বাদ কর, মাষেব কাৰ্য্য ক'রতে
শুভযাত্রা করি ।

বিজয়া । এই নাও, মাতৃদত্ত 'বিজয়া' অসি গ্রহণ কর । (অসি গ্রহণ)

প্রতাপ । প্রভু আশীর্বাদ করুন । (নতজানু)

চণ্ডী । জয়োহস্তু । গম্যতামর্থলাভায় ক্ষেমায বিজয়ায় চ । শত্রু-
পক্ষবিনাশায় পুনরাগমনায় চ ॥

তৃতীয় দৃশ্য

যশোহর—রাজোত্তান

বিক্রমাদিত্য ও ভগ্ননন্দ

বিক্রম । ম্যাঁ ! বল কি ! মালখানা লুট ক'রলে ।

তবা । আশ্চর্য মহারাজ, ঠিক লুট নয় ।

বিক্রম । আবার লুট নয় কেন ? মালখানার চাবি কেড়ে
নিয়েছে ত ?

ভবা । আজ্ঞে ।

বিক্রম । টাকা আটকেছে ত ?

ভবা । আজ্ঞে ।

বিক্রম । তবে আর লুটের বাকি কি ? সব লুট ।

ভবা । আজ্ঞে হাঁ—এক রকম লুট বই কি ।

বিক্রম । লুট—সব লুট ! ভবানন্দ, সব গেল । ছেলে হ'তেই আমার সর্বনাশ হ'ল ! মান গেল—সম্ভ্রম গেল । মোগলের হাতে জবাই হ'তে হ'ল !

ভবা । উতলা হবেন না মহারাজ ! বডরাজকুমার অতি বুদ্ধিমান, তিনি যখন এমন কাষ্য ক'রেছেন, তখন নিশ্চয়ই এর ভেতর একটা না একটা মানে আছে ।

বিক্রম । আর মানে আছে । মতিচ্ছন্ন, ভবানন্দ, মতিচ্ছন্ন । ও সব মৃত্যুর পূর্বসংলক্ষণ । নইলে সে নবাবের সঙ্গে টেকা দিতে যায় ! গেল—গেল—সব গেল । আমি দিব্যচক্ষে দেখতে পাচ্ছি, কিছুই রইল না । দুর্জয় সন্তান—দুষ্কর্ম ক'রেছে—আমরা কোথা হতভাগ্যকে রক্ষা ক'রবার জন্যে প্রাণপণে চেষ্টা ক'র্ছি—টাকা কড়ি, বাঁদী দিমে নবাবকে তুষ্ট ক'র্ছি—হতভাগ্য সন্তান কি না আমাদেরই ওপর বিদ্রোহী হ'ল ! সব পণ্ড ক'রবে ! আজকে নবাবকে টাকা দেবার শেষ দিন । সেই টাকা আবদ্ধ হ'য়েছে ; সর্বনাশ হ'ল যে ভবানন্দ । আমার যশোর গেল ! ক্রোধাক্ত নবাব পঞ্চাশ হাজার ফৌজ নিয়ে ছুটে আসছে ! ভবানন্দ ! আমার এমন সাধের যশোর আর রইল না । যাক্—তারা শিবসুন্দরী । ভবানন্দ—আর কেন ? কোপিন্ ধর । স্ত্রী-পুত্র নিয়ে অন্যত্র যাও । যশোরের ভীষণ অবস্থা আমি দিব্যচক্ষে দেখতে পাচ্ছি । এই বেলায় মানে মানে স্ত্রী-পুত্র পরিবারের ধর্মরক্ষাকর । দুর্গা দুর্গম হরে—দুর্গা দুঃখ হরে ।

ভবা । তাই ত মহারাজ ! ও কথাটা ত মনে ছিল না মহারাজ !

নবাব ত সত্য সত্যই আ'স্বে বটে। তাই ত মহারাজ ! তা হ'লে কি করি মহারাজ ?

বিক্রম। আমার পানে আর চেও না ব্রাহ্মণ ! উপর দিকে চাও। জ্ঞানি রক্ষা না ক'রলে আমার বাবারও আর সাধ্য নেই। তারা—শিবসুন্দরী !

ভবা। যত নষ্টের মূল সেই বদ্‌ম্যেয় চক্রবর্তী বামুন।

বিক্রম। না ভবানন্দ। তার অপরাধ কি ?

ভবা। তাই ত—তাই ত ! তারই বা অপরাধ কি ! অপরাধ অদৃষ্টের।

বিক্রম। তাই বা কেন ?

ভবা। তাই ত—তাই বা কেন ! অদৃষ্টের অপরাধ কি !

বিক্রম। চোখের উপর দেখতে পাওয়া যাচ্ছে—তখন অদৃষ্ট কেন ?

ভবা। জন্ জন্ করছে—অদৃষ্ট—দেখা যায় না ! শোনা কথা—শোনা কথা ! অদৃষ্ট বেচারিরই বা অপরাধ কি !

বিক্রম। সমস্ত নষ্টের মূল আমার কুলাঙ্গার সন্তান !

ভবা। ঠিক ব'লেছেন মহারাজ !—সমস্ত নষ্টের মূল—

কমল, প্রতাপ ও শঙ্করের প্রবেশ

আস্তে আজ্ঞা হয়—আস্তে আজ্ঞা হয়।

বিক্রম। কেও ? প্রতাপ-আদিত্য ! (প্রতাপের অভিবাদন)

শঙ্কর। জয়োহস্তু মহারাজ !

বিক্রম। এ কি প্রতাপ ! এ কি শুন'লুম প্রতাপ ! বহুদিনের অদর্শন—কোথায় আমরা দুই ভাই তোমাকে দেখবার জন্য উদ্গ্রীব হ'য়ে দাঁড়িয়ে থাক'ব, তা না হ'য়ে তোমাকে দেখে কি না লজ্জায় আমাকে মাথা হেঁট ক'রতে হ'ল !

শঙ্কর। মাথা হেঁট ক'রতে হ'বে কেন মহারাজ। প্রতাপের অস্তিত্বে আপনার বংশের গৌরব—আপনার পিতৃনাম সাধ'ক।

ভবা। দৃশ্যে বার, দৃশ্যে বার।

শব্দকর। আপনি নিঃশব্দকিছু পুত্রকে স্নেহালিঙ্গন প্রদান করুন।

ভবা। বস্—তাই করুন, সমস্ত লেঠা চুকে যাক্। চক্রবর্তী মহাশয় ! তা হ'লে আমার মালখানার চাবিটে দিয়ে ফেলুন। আমি সাল-তামামি নিকেশগুলো ক'রে আসি। কাগজপত্রগুলো সব হাঙলমাঙল হ'য়ে আছে। হারা'লে একেবারে সব মাটি। খেই ধ'রবার উপায় নেই। দিন—চাবিকাটিটে টপ ক'রে দিয়ে ফেলুন। আপনি সাদাসিদে লোক, চিরকাল কুণ্ডিগিরি ক'রে কাটিয়েছেন, হিসেব-নিকেশের হাণ্ডামা কি আপনার পোষায়।

বিক্রম। এরূপ আচরণের অর্থ এক বর্ণও যে বদ্বতে পা'রলুম না প্রতাপ !

ভবা। আর বোঝবার দরকার কি ?

বিক্রম। এ তুমি পাগলের মত কি বলছ ভবানন্দ ! তুমি কি বলতে চাও—এ পুত্রযোগ্য কার্য হ'য়েছে ?

ভবা। আজ্ঞে—আমি আজ্ঞে, উনি আজ্ঞে—যোগ্যও আজ্ঞে, অযোগ্যও আজ্ঞে—

বিক্রম। যাক, যা ক'রেছ—ক'রেছ। নাও, এখন মালখানার চাবি দাও।

প্রতাপ। সেনাপতি ! মালখানার চাবি ? (সদৃশ্যকান্তের প্রতাপকে চাবি প্রদান)

সদৃশ্যকান্তের প্রস্থান

ভবা। (স্বগতঃ) আরে ম'ল ! সদৃশ্য—সে সেনাপতি ! এ যে এক-পা এক-পা ক'রে ন'দে জেলাটাই যশোরে এল দেখছি ! সদৃশ্য গদুহ—সদৃশ্য—যাকে আমরা ক্যাব'লা বলতুম ! যা বাবা, সব মাটি !

প্রতাপ। এই নিম্ন—গ্রহণ করুন। কিন্তু তৎপদক্ষেপে প্রতিশ্রুত হ'ন

যে, এ ধনাগার থেকে এক কড়া কড়িও আপনি পাপিষ্ঠ সের খাঁর নিকট
প্রেরণ ক'রবেন না । (চারি প্রদানী)

বিক্রম । তবে কি তুমি বলতে চাও, আমি বৃদ্ধ বয়সে মোগলের খোঁচা
খেয়ে অপম্বাতে ম'রব !

প্রতাপ । যে পান্ডু শক্তির অপব্যবহার করে, অবলাকে নিঃসহায়
দেখে তাব ওপর অত্যাচার ক'রতে অগ্রসর হয়, তার কাছে মাথা হেঁট
করার চেয়ে মৃত্যু ভাল ।

বিক্রম । বল কি । আমার সোনার যশোব ইচ্ছামতীর জলে
ভাসিয়ে দেব ।

প্রতাপ । আব সোনা থাকবে না মহাবাজ ! যশোরের অর্থে,
যশোর-নারীব সতীত্বে যদি কৃমিকীটের তপ'ণ হয়—তখন এ যশোর নরক
হ'তেও অপবিত্র হ'বে । সেরূপ পিণাচভোগ্য স্থানের নদীগর্ভে গমনই
শ্রেয়ঃ ।

বিক্রম । তা—যদিই আমরা নবাবকে তুষ্ট ক'রবার চেষ্টা করি, সে ত
ভোমারই জন্য । তুমি অন্যায় না ক'রলে আমাদেরই বা সের খাঁর এত
খোসামোদ ক'রবার কি দরকার ?

ভবা । রাম রাম ! টাকাগুলো নয় ছয় । একটা আধটা ?
একেবারে একশো লাখ ! একে এই টানানানির সময়—রাম রাম ! ন
মেবায়, ন ধর্ম্মায়—(স্বগত) ন বিপ্রায়-চ ।

প্রতাপ । যদি অন্যায় ক'বে থাকি, আপনি আমাকে শত সহস্রবার
তিরস্কার করুন । তা ব'লে অন্যের সমক্ষে মর্যাদারক্ষা—পুত্র কি পিতার
কাছে প্রত্যাশা ক'র্ত্তে পারে না ?

বিক্রম । পথে যেতে যেতে—কোথাকার কে—তার স্ত্রী—

প্রতাপ । কে নয় মহারাজ ! (শব্দরকে দেখাইয়া) এই ব্রাহ্মণ সন্তান ।

বিক্রম । ম'র্যা ।

প্রতাপ। এই শংকরের গৃহিণী—তার ওপর অত্যাচার !

ভবা। ম্যাঁ !

বিক্রম। শংকরের গৃহিণী !

শংকর। মহারাজ, অন্য কারও নয়—আপনার আশ্রিত এই ব্রাহ্মণ-সন্তানেরই ওপর অত্যাচার !

বিক্রম। তোমার ওপর অত্যাচার ! ইনি কে ! ইনি কে !

দাসীর সহিত কল্যাণীর প্রবেশ

শংকর। উনিই আপনার নন্দিনী।

কল্যাণী। পিতা, গৃহস্থের বউ প্রাণের যাতনায় লজ্জা-সরম বিসর্জন দিয়ে রাজার সম্মুখে এসে উপস্থিত হ'য়েছে !

বিক্রম। এই আমার মা-জননী, শংকর-ঘরণী ! তোমার উপর অত্যাচার ! (করজোড়ে প্রণাম)

কল্যাণী। পিতা, নন্দিনী কি আশ্রয় দানের যোগ্য নয় ?

বিক্রম। যোগ্য নয়, এমন কথা কোন্ মুখে ব'লবে মা ! হিন্দু ব'লে ত আপনার পরিচয় দিই। তিকি থা'ক আর না থা'ক, অন্ততঃ 'দু' একবার মায়ের নাম মুখেও ত উচ্চারণ করি ! তুমি সেই মায়ের অংশ, তাতে ব্রাহ্মণ-কন্যা—তুমি আশ্রয়-দানের অযোগ্য—এ কথা ব'লে আমার জিত যে খ'সে যাবে মা ! তারা শিবসুন্দরী ! তবানন্দ ! তুমি ছোট-রাজাকে ডেকে নিয়ে এস।
তবানন্দের প্রস্থান

ইচ্ছাময়ী তারা !—তোমারই ইচ্ছা মা !—তোমারই ইচ্ছা ! তোমারই ইচ্ছায় যশোর হয়েছে ! আবার তোমার ইচ্ছায় যদি সে যশোর যায় ত যাক !—প্রতাপ ! তুমি ছোটরাজার সঙ্গে পরামর্শ ক'রে যা' ভাল বিবেচনা হয় কর ! অপরাধ নেই—অপরাধ নেই। তোমার ক্রোধ হবার বিশেষ কারণ আছে। আমি তোমাকে ক্ষমা করলুম ! মা-লক্ষ্মীকে অন্তঃপুরে পাঠিয়ে দাও। দুর্গা দুর্গম হয়ে !
বিক্রম, কল্যাণী ও দাসীর প্রস্থান

প্রতাপ । ওদিকের সংবাদ কিছু জ্ঞান সূর্য্যকান্ত ?

সূর্য্য । শূন্যলুপ্ত—মহারাজ অতি অল্প সময়ের মধ্যেই সৈরুখার পক্ষাশ হাজার সৈন্যকে পরাস্ত ক'রেছেন ।

প্রতাপ । যেমন সৈরুখা সৈন্য-সামন্ত নিয়ে শাল্কে পার হয়েছে, অমনি বন্দোবস্ত মত চারিদিক থেকে চার দল সৈন্য বাঘের মত ঝাঁপিয়ে পড়ে । যশোর বিজয় করতে এসে, তাবা উল্টে যে এবুপ ভাবে আক্রান্ত হবে, তা তারা স্বপ্নেও ভাবেনি । কাজেই সে আক্রমণের বেগ রোধ ক'রবার বিশেষ রকম বন্দোবস্তও ক'বতে পারেনি ! সম্মুখে পঁচাতে উভয় পার্শ্ব, চারিদিক থেকে তীব্রবেগে আক্রান্ত হ'য়ে তাবা তিন চাব ঘণ্টার ভেতরেই ছত্রভঙ্গ হ'য়ে পড়ে ।

সূর্য্য । তত্বকে শূন্য স্বজ্ঞাতিজ্ঞোহী ক'রতে যশোরে রেখে গেলেন ! এ মোগল-জঘের আনন্দ আমি অনুভব ক'রতে পারলুম না !

শঙ্কর । দুঃখ কেন সূর্য্যকান্ত ! দু'দিন পরেই সমস্ত বাঙ্গালাই যে হবে তোমার বীরজের লীলাভূমি ।

প্রতাপ । তোমারই শিক্ষিত সৈন্যের গুণে আমি এ বিপদলবাহিনী পরাজিত ক'রতে সমর্থ হ'য়েছি ।

সূর্য্য । সৈরুখার সৈন্যের অবস্থা কি ?

প্রতাপ । কতক দল ভাগীরথীর জলে ঝাঁপিয়ে পড়ে, তার অর্দ্ধেকের উপর হত হয়েছে । কতক দল বেড়া-জালে ধরা হ'য়ে প'ড়েছে । কিন্তু দুঃখের বিষয় সৈরুখা ধরা পড়েনি ; শরীর-রক্ষী সৈন্য নিয়ে সে বরাবর উত্তরমুখে পালিয়েছে ।

সূর্য্য । মহারাজ প্রতাপ-আদিত্যের জয় অসম্পূর্ণ থাকে না । সৈরুখা ধরা প'ড়েছে !

উভয়ে । ধরা প'ড়েছে !

সূর্য্য । আজ্ঞে, হাঁ মহারাজ ।

প্রতাপ। কে ধ'রেছে সূর্য্যকাস্ত ! সে যদি আমার যশোর নিয়ে সন্তুণ্ট হয়, ত তাকে আমি যশোর দিতে প্রস্তুত আছি।

সূর্য্য। কে যে ধ'রেছে, তার ঠিক ক'রতে পারিনি। মামুদ, মদন, সুখময়—তিনজনেই নবাবের অনুসরণ ক'রেছিল, কিন্তু 'আমি ধ'রেছি'—এ কথা কেউ স্বীকার করতে চায় না। সুখময় বলে—'মদন ধ'রেছে', মদন বলে—'মামুদ ধ'রেছে', মামুদ বলে—'সুখময়, মদন নবাবকে প্রেপ্তার ক'রেছে।'।

শংকর। মহারাজ ! তারা যশোরপতির প্রেমের ভিখারী—রাজ্যের ভিখারী নয়।

সূর্য্য। সুন্দর নবাবকে সঙ্গে ক'রে যশোরে আনছে। সুখময়, মদন রাজমহল লুণ্ঠিত চ'লে গেছে।

প্রতাপ। তুমি এগিয়ে যাও। মর্যাদার সহিত নবাবকে এখানে নিয়ে এস।

সূর্য্যকাস্তের প্রস্থান

বসন্ত রায়ের প্রবেশ

বসন্ত। (ফারমান শংকরের হস্তে প্রদান) তুমি যশোরেশ্বর হ'য়েছো এ হ'তে আল আনশেদর কথা আর কি আছে প্রতাপ ! আমরা বৃদ্ধ হ'য়েছি। এখন অবসর গ্রহণ ক'রতে পারলেই ত আমরা নিশ্চিন্ত।

প্রতাপ। মহারাজ বসন্ত রায়ের আমি একজন সামান্য ভৃত্যমাত্র। শূদ্ধ কার্য্যানুরোধেই আমি যশোরেশ্বর নাম গ্রহণ ক'রেছি। (অভিবাদন)

বসন্ত। না, তা কেন ? আমরা সানন্দ-চিন্তে তোমার হাতে রাজ্যভার প্রদান ক'রেছি। শূদ্ধ তাই নয়, রাজ্যের মঙ্গলার্থে আমাকে যখন যে কার্য্য ক'রতে আদেশ ক'রবে, আমি হৃষ্টান্তঃকরণে তখন সে কার্য্য সম্পন্ন ক'রতে চেষ্টা ক'রব। আমাকে আজ থেকে তুমি যশোরের রাজকর্মচারী ব'লেই জ্ঞান কর'। তারপর শোন—নবাবের সঙ্গে প্রতিদ্বন্দ্বিতায় আমি কোনও অংশে সমকক্ষ নই মনে ক'রে, অর্থ ও

ক্ৰীতদাসী উপঢৌকন দিয়ে তাকে সন্তুষ্ট ক'রবার চেষ্টা ক'রেছি। এখন তোমার খেয়াল অভিরূঢ়ি, আমি সেই মত কার্য ক'রতে প্রস্তুত।

সেরখাঁর দূতের প্রবেশ

দূত। আমি আর কতক্ষণ অপেক্ষা ক'রব মহারাজ? নবাব উৎকণ্ঠিত হ'য়ে আমার প্রতীক্ষা ক'রছেন। উত্তর শূনে যোগ্য কার্য ক'রবেন!

বসন্ত। উত্তর আমি দেবার অধিকারী নই। যার জন্যে নবাবের সঙ্গে আমাদের মনোমালিন্যের সূত্রপাত, তিনি এই আপনার সম্মুখে। ইনিই এখন যশোর-রাজেশ্বর মহারাজ প্রতাপ-আদিত্য। উত্তর এ'র কাছেই শুনতে পাবেন।

দূত। ওঃ! মহারাজ বসন্ত রায় বৃদ্ধবয়সে জুয়াচর্চার বিদ্যাটাও আয়ত্ব ক'রেছেন দেখছি!

শংকর। সাবধান দূত! দূতের যোগ্য কথা কও। অন্য হ'লে এখনি আমি তার শাস্তি বিধান ক'রতুম।

দূত। তুমি আবার কে?

বসন্ত। উনি যশোরপতির প্রধান মন্ত্রী।

দূত। তা হ'লে দেখছি—এক সঙ্গে অনেক কমবখতের ম'রবার পালক উঠেছে।

প্রতাপ। শংকর! এ দূতকে উত্তর দেবার ভার আমি তোমার উপরেই অপ'ণ ক'রলুম।

কমল। গোলাম কাছে থাকতে আপনারা জবাব দেবেন কেন? আওরতের ওপরে যার জুলুম জবরদস্তি—এমন নবাব—তার দূত। তাকে ঠিক জবাব আপনারা দিতে পা'রবেন কেন? জবাব আছে এই কমল-মিয়ার কাছে। কি মিয়া-সাহেব! জবাব নেবে? তা হ'লে এস, এই নাও। (পাদুকা উন্মোচন) আগ্রার নাগরা মিয়া! একেবারে

খাল বাদসার সহর—বড় মোলায়েম ! রাস্তা হেঁটে তলা ক্ষয়ান আমার বড় একটা অভ্যাস নেই। এই নাও, তোমার মনিবকে বক্শিশ করলুম। (নাগরা নিক্ষেপ)

বসন্ত। হাঁ—হাঁ !

দত্ত। বেশ ! আমিও গ্রহণ করলুম।

প্রহান

বসন্ত। এ তোমরা কি করলে ?

প্রতাপ। যে নরাধম অবলাকে নিঃসহায় দেখে তার ওপর বলপ্রয়োগে অগ্রসর হয়, এই হচ্ছে তার উপযুক্ত উত্তর !

বসন্ত। তুমি যাই বল—আর যাই কর—আর যাই হও—তোমার এ বালকছ আমি অনমোদন কর্তে পা'রলুম না ! নবাবকে সংগ্রামে পরাস্ত করে যদি এ বীরত্ব দেখাতে পা'রতে তখন তোমার এ অহংকার সা'জত। বাংগালায় বাক্যবীরের অভাব নেই। যাক—এখন রাজ-কাৰ্য্যের ভার বুঝে নিতে চাও ত আমার সঙ্গে এস !

প্রতাপ। ব'লেছি ত মহারাজ। যশোরপতি বসন্ত রায়ের আমি একজন তুচ্ছ প্রজা। আপনি বস্ত্রমানে আমি রাজ্যভার গ্রহণ কর্তে পারি, নিজেকে আমি এমন কার্য্যক্ষম কখনও মনে করি না। দাসের প্রতি রুষ্ট হবেন না। তার মনের অবস্থা বুঝে ক্ষমা করুন।

বসন্ত। তা হ'লে যে কার্য্য সামান্য অর্থব্যয়ে মীমাংসিত হ'ত তার জন্যে তুমি কিনা রক্ত-স্রোতে ধরণী ভাসাতে চ'ললে। নিজের স্ত্রী, পুত্র পবিত্রাবগর্গে বিপন্ন করলে ! কাজটা কি বুদ্ধিমানের যোগ্য হ'ল প্রতাপ !

(নেপথ্যে—জয় মহারাজ প্রতাপ-আদিত্যের জয়)

সঙ্গীত সহ সঙ্গের প্রবেশ

সুন্দর। দাদাঠাকুর !—দাদাঠাকুরকে দেখতে পাচ্ছি না যে !

শঙ্কর। এই যে ভাই সুন্দর !

সুন্দর। এই যে দাদাঠাকুর! দাদাঠাকুর কাম্ কতে! মায়ের ওপর জ্বলুয়ের শোধ—শয়তান গ্রেফতার।

শংকর। সম্মুখে মহারাজ—আগে তাঁকে সেলাম কর।

সুন্দর। মহারাজ!—মহারাজ! চোখে কিছু দেখতে পাচ্ছি না জনাব! মাফ করুন!

প্রতাপ। মাফ কি সুন্দর! তোমরা আমার হৃদয়ের সার সম্পত্তি—আদরের তাই!

সুন্দর। মহারাজের পায়ে পাগড়ী রাখতে, সে শয়তান এখন আপনার কাছে আসছে। দীন-দুঃখীর মা-বাপ। আপনাদের এ ঋণ পরিশোধ হবার নয়। তবু গোলামদের যৎকিঞ্চিৎ নজরানা—নবাবের তাঁবু লুঠ ক'রে পাওয়া গেছে! (সুন্দরের মৃদুধার রক্ষা)

প্রতাপ। ভাই সব! এ তোমাদের উপাভিজ্ঞতসম্পত্তি তোমরা গ্রহণ কর।

সুন্দর। এ কি হুকুম করেন জনাব! এ ত' যৎকিঞ্চিৎ! সুখো মদনাকে রাজমহল লুঠ ক'রতে পারিয়েছি। দেখি, তারা কি এনে উপস্থিত করে! ইচ্ছা হয়—রাজমহলটা তুলে এনে, আপনার পায়ের কাছে বসিয়ে দিই।

প্রতাপ। সম্মুখে মহারাজ—এ সব উপঢৌকন তাঁকে প্রদান কর।
তুমি আমি—সকলেই মহারাজের প্রজা!

শংকর। যত শীঘ্র পার, মা যশোরেশ্বরীর পূজার ব্যবস্থা কর। প্রস্থান বসন্ত। এ সব কি প্রতাপ?

প্রতাপ। আপনার আশীর্বাদ।

বসন্ত। ভিতরে ভিতরে এমন অস্ত্রুত আয়োজন ক'রেছ প্রতাপ যে, বাঙ্গালার নবাবের সঙ্গে যুদ্ধ ক'রলে! তাকে পরাস্ত ক'রে বন্দী ক'রলে। আমি যে একটু আগে তোমাকে উদ্ভাদ স্থির ক'রেছিলুম। কুলনাশন পিতৃদ্রোহী সন্তান জ্ঞানে মনে মনে আমি যে কত আক্ষেপ

ক'র'ছিলুম। প্রতাপ। বদ্বতে পা'র'ছি না—ভূমি কি! ব'ল'তে পা'র'ছি না—ভূমি কে! কোন্ সাগর লক্ষ্যে এ নবোদ্ভূত জীবনশ্রোত প্রবাহিত হ'বে—আমি কিছুই ত বদ্বতে পা'র'ছি না প্রতাপ।

প্রতাপ। দাস আমি—আশীর্বাদ করুন, যা'তে বসন্ত রান্ন-প্রতিষ্ঠিত যশোরের মৰ্যাদা রক্ষা ক'রতে পারি। রাজা বসন্ত রানের কাছে বাঙ্গালার নবাবকে আর যেন কর আদায় ক'রতে না আসতে হয়।

(নেপথ্যে—জয় মহারাজ প্রতাপ-আদিত্যের জয়)

বিক্রমাদিত্যের পুনঃ প্রবেশ

বিক্রম। ও বসন্ত! ও বসন্ত—এল যে!—ও বসন্ত!

বসন্ত। তন্ন নেই মহারাজ!

বিক্রম। তা ত নেই। কিন্তু—এল যে! আল্লা-জা ক'রে এল যে!

বসন্ত। আমাকে বিশ্বাস করুন—নিশ্চিত হ'ন। ও আমাদের পাঠান-সৈন্য জয়োল্লাস দেখাচ্ছে। সেরখাঁ আপনাকে সেলাম দিতে আসছে।

বিক্রম। সত্য?

বসন্ত। আপনি নিশ্চিত থাকুন, ঘরে যা'ন। নিশ্চিত হ'য়ে ঈশ্বর আরাধনা করুন। আর কায়মনোবাক্যে প্রতাপের মঙ্গল কামনা করুন।

বিক্রম। বটে, বটে!—দুর্গা (ইত্যাদি)।

প্রস্থান

ভবানন্দ, সূর্য্যকান্ত ও সৈন্তবেষ্টিত সেরখাঁর প্রবেশ

সেরখাঁ কর্তৃক বসন্ত রানের সম্মুখে উজ্জীষ রক্ষা

ভবা। (স্বগত) ওরে বাবা! এ ক'রলে কি!

বসন্ত। প্রতাপ?—

প্রতাপ। বন্দী সম্বন্ধে মহারাজের যা অভিরূঢ়ি।

বসন্ত। আসুন নবাব, আমার সঙ্গে আসুন।

বসন্ত রান্ন, সেরখাঁ ও ভবানন্দের প্রস্থান

প্রতাপ। তাই সব! তোমরা সবাই মিলে মা যশোরেশ্বরীর যশোরের

সীমা বৃদ্ধি কর। হিন্দু মুসলমান—এক মায়ের দুই সন্তান। এক অঙ্গে প্রতিপালিত, এক স্নেহ-রস-সিক্ত। বাল্যে ক্রীড়ায়, যৌবনে মাতৃসেবা-কার্য্য প্রতিযোগিতায়, বান্ধব্যে আত্মীয়তায়—এম ভাই সব—আমরা এক প্রাণে, এক মনে। মায়ের দুঃখ দূর করি। পরস্পরের সহায়তায় বঙ্গে স্বাধীনতার প্রতিষ্ঠা করি। মাতৃসেবা-কার্য্য আর আমরা ব্রাহ্মণ নই, শূদ্র নই, সেথ নই, পাঠান নই—বঙ্গ-সন্তান।

সকলে। বঙ্গ-সন্তান।

প্রতাপ। সেই মা—সেই বঙ্গের জয় ঘোষণা কর।

সকলে। জয় বাঙ্গালার জয়—জয় যশোরেশ্বরীর জয়।

চতুর্থ দৃশ্য

যশোহর—কাছারী বাটী

গোবিন্দ রায় ও ভবানন্দ

গোবিন্দ। কি হ'ল ভাই ভবানন্দ। দেখতে দেখতে এ সব কাণ্ড কারখানা হ'ল কি!

ভবা। হবে আর কি! চিরকাল যা হ'য়ে আসছে, তাই হ'য়েছে। দিন দুই ভূম-তাড়াকি, তারপর সব ফাঁক! থাকতে থাকবেন আপনারা—ও ত গেল! দ্রোণ গেল, কণ' গেল, শল্য হ'ল রথী। আকবরের সঙ্গে লড়াই! হিন্দুস্বানের বড় বড় রাজারা কোথায় তল হ'য়ে গেল—কাবুল গেল, কাশ্মীর গেল, দ্বিবিড় গেল, দ্রাবিড় গেল, অমন মহাবীর মহারাণা প্রতাপ—সেই বড় সব ক'রলে। দায়দু খাঁ—বাঙ্গালার নবাব—তিন লাখ সেপাই, দশ লাখ হাতী, বিশ লাখ ঘোড়া—সেই কোথা ভেসে গেল, তা প্রতাপ! চক্রবর্তী হ'ল মন্ত্রী, গুহর বেটা হ'ল সেনাপতি। আর সুখো-মদনা হ'ল কিনা সুবাদার, আর মামদো বেটা হ'ল রেসেলদার!

হালিও পায়, দঃখও ধরে ! কালী তারা—কালকের ছোঁড়া—ন্যাংটো হ'য়ে আমার সম্মুখে চাল-ডিগ্ ডিগ্ খেলেছে—আজ তা'রা হ'ল লড়ায় ! ও গিয়ে রয়েছে—আপনি ঠিক জেনে রাখুন । উরকুনির বিটি ফুরকুনি—তার বিটি হীরে—এত ছালন থাকতেই আলা অম্বলে দ্যালে জিরে ! মোগল গেল, পাঠান গেল, রাজপুত গেল, শিখ গেল—দুর্কালসিং তেতো-বাংগালী হ'ল কিনা লড়ায় !—গোবিন্দ—গোবিন্দ !

গোবিন্দ । কিন্তু এই বাংগালীই ত সেরখার পঞ্চাশ হাজার সৈন্যকে হারিয়ে দিয়েছে !

তবা । তারা কি লড়াই ক'রেছে ! সুখো মদনার সগে লড়াই—আমাদেরই যে লজ্জা করে ! তা তারা ত প্রকৃত যোদ্ধা । তারা খেল্লার অস্ত্র ধরেনি । বড় বড় মাল, এই এমন পালোয়ান, কুস্তীগীর, কোঁকড়া-চুলো যমদুত হাবসী—ত্রেদমখাঁ, হনুমান সিং—হাতীর ল্যাজ ধ'রে ঘুরেয় !—তারা না মেনীমুখো বাংগালীকে দেখেই অস্ত্রশস্ত্র না ফেলে, গোঁফে চাড়া দিতে দিতে, চোখ রাগিয়ে হুম্‌কি মেরে কাজ সেরেছে ।

গোবিন্দ । কাজ সারলে ত, হেরে ম'ল কেন ?

তবা । আমোদ—আমোদ । ছোট ছোট ছেলেদের সগে লড়াই ক'রতে আমরা আমোদ ক'রে হারি না ? আমোদ—আমোদ !

গোবিন্দ । তাতে ত আর মানদুষ ম'রে যায় না । এ যে অর্দ্ধেকের ওপর নবাবের ফৌজ কাবার হয়ে গেছে ।

তবা । লজ্জায়—লজ্জায় ! তেতো-বাংগালীর সগে লড়াই ক'রতে হ'ল ব'লে, লজ্জায় তারা গংগায় ঝাঁপ দিয়ে ডুব ম'রেছে ।

গোবিন্দ । আর নবাব যে ধরা প'ড়ল তার কি ?

তবা । কিন্তু তার গায়ে ত যাদু হাত দিতে পারলে না । যাদু সে দিকে খুব টনকো ! ছোটরাজার হাতে তার দিমে বলা হ'ল—‘খুড়ো মহাশয় ! আপনি যা করেন ।’ শেষ রক্ষা ক'রতে—ম্যাও ধ'রতে

ছোটরাজা। ছোটরাজা নবাবের গায়ে হাত বুলিয়ে—বুঝিয়ে পড়িয়ে
ঠাণ্ডা ক’রে, নবাবকে মানে মানে দেশে পাঠিয়ে দিলেন, তবে না দেশ
রক্ষা হ’ল! নইলে সেই দিনেই ত সব গিচ্ছল। নবাবের একাটি
হুকুমের অপেক্ষা ছিল। ছোটরাজা না থাকলে হুকুম দিয়ে ছিল আর
কি! আপনার দাদাকে কিছ্র বন্দুক আর নাই বন্দুক, ও বেটাদের ত
ক’ড়মড় ক’বে বেঁধে নিয়ে যেত।

গোবিন্দ। বাঁধত কে?

ভবা। নবাবের হুকুম—কে কোথা থেকে এসে তামিল ক’রত তার
ঠিক কি! মাটি থেকে সেপাই গজিয়ে উঠত, হা-রে-রে-রে ক’রে একেবারে
শব্দকর চক্রবর্তীর ঘাড়ে প’ড়ত। হবোচন্দ্র রাজার গবোচন্দ্র মন্ত্রী। কই
মন্ত্রীমহাশয় নিজে নবাবের ভার নিতে পা’রলেন না? নবাব ত আবার
ড্যাংডেশিগিয়ে সেই রাজমহলে চ’লে গেল।

গোবিন্দ। চ’লে ত গেল, কিন্তু ওদিক থেকে যে সুখময় মদন
রাজমহল লুটে দশ ক্রোর টাকা নিয়ে এল!

ভবা। মেকি মেকি। টাকা বাজিয়ে দেখুন—একেবারে ঢ্যাপ্
ঢ্যাপ্। আওয়াজ নেই।

গোবিন্দ। কিন্তু সেই টাকাতে ত ধুমঘাট ব’লে একটা প্রকাণ্ড সহর
তৈরী হ’য়ে গেল।

ভবা। ক’দিন বাঁচবে। ভোগ হবে না—রাজকুমার! ভোগ
হবে না। (বুকে হাত বুলাইয়া) উঃ! গোবিন্দ—গোবিন্দ। দপ’হারী
ভূমিই সত্য। আর সব কিছ্র নয়।

গোবিন্দ। কিছ্র নয় ব’ললে ত চ’লছে না ভবানন্দ! ঠেলায়
তোমাকে কুঁড়োজাল ধরিয়েছে, গোবিন্দ বলিয়ে ছেড়েছে।

ভবা। তারা—তারা!

গোবিন্দ। কিছ্র নয় ব’ললে ত চ’লছে না ভবানন্দ! বন-কাটা

নগর অমরাবতীকে হার মানিয়েছে। সেনাপতি সূর্য্যকান্ত, তিন মাসের মধ্যে বাঙ্গালা দখল করে এসেছে। সব ভাইয়ারা দাদাকে বড় যেন মাথা হেঁট করেছে। আর কিছু নয় বললে ত চলে না ভবানন্দ! উড়িষ্যার দৃন্দাস্ত পাঠান কতলু খাঁ—সেও এসে দাদাকে প্রধান বলে স্বীকার করে দিতে গেছে। * [এই তিন মাসের ভেতর বাঙ্গালা জয়। হিন্দুস্তান জয় করতে তার কদিন লাগবে!] * চারিদিক থেকে হুড়হুড় করে টাকা, সাগর-স্রোতের মত ধনরাশি, পিপীলিকাশ্রেণীর মতন মানুষ ধুমঘাটে প্রবেশ করেছে, একবার গিয়ে দেখে এস—ব্যাপার কি! কাল ধুমঘাটে মহালক্ষ্মীর প্রতিষ্ঠা,—দু'দিন পরেই দাদার রাজ্যাভিষেক। কিছু না—কেমন করে বলে তুমি ভবানন্দ।

ভবা। জ্বলে' গেল রাজকুমার—প্রাণ জ্বলে' গেল। বড় যাতনা—আপনার সে উল্লিখিত দেখতে পাচ্ছি না।

গোবিন্দ। দেখবার উপায় কই! আমার সেরূপ সহায় কই।

ভবা। আমি আছি! দেখুন আপনি—দু'দিন দেখুন—আমি কি করে উঠতে পারি। সে শঙ্কর চক্রবর্তী, আর আমিও ভবানন্দ শর্ম্মা।

গোবিন্দ। পিতা পর্য্যন্ত দাদার পক্ষপাতী।

ভবা। ঘুরিয়ে দেব—দু'দিন অপেক্ষা করুন—সব ঘুরিয়ে দেব। ওই ধুমঘাট আপনার ক'রে দেব, তবে আমার নাম ভবানন্দ শর্ম্মা।

গোবিন্দ। কেমন করে দেবে?

ভবা। কেমন করে দেব?—যখন দেব, তখন জানবেন। যদি আপনি ঈশ্বরেচ্ছায় বেঁচে থাকেন, তা হলে দেখতে পাবেন—দাদা আপনার মারামারি কাটাকাটি করে যা করে যাচ্ছেন, সে সমস্ত রাজ্য গোবিন্দ রায়ের জন্যে। বিনা রক্তপাতে আপনাকে ধুমঘাটের সিংহাসনে বসাব।

গোবিন্দ। ভবানন্দ! এমন দিন কি আসবে?

ভবা । এসেছে—আসবে কি ! প্রতাপ-আদিত্য রায় আপনার জন্যে রাজলক্ষ্মী বাড়ে ক'রে ধুমঘাটে নিয়ে আগছে ।

গোবিন্দ । ভগবান্ যদি সে দিন দেন—তা হ'লে ভবানন্দ ! তুমিই আমার মন্ত্রী, তুমিই আমার সেনাপতি, আমি শূর্য্য নামে রাজা, তুমিই আমার সব ।

ভবা । আমি—আমি—কিছু নয়, কিছু নয়, শূর্য্য দর্পহারী গোবিন্দ শূর্য্যসুদন ।

রাঘব রাঘব প্রবেশ

রাঘব । দাদা—দাদা ! বাজী মাত্ !

ভবা । মাত্ ?

রাঘব । মাত্ .।

গোবিন্দ । কিসের বাজী মাত্ ?

ভবা । ঠিক ব'লছ ত ?

রাঘব । ঠিক ব'লছি ।

ভবা । জয় গোবিন্দ—কালী দূর্গা—দর্পহারী ত্রিপুরারি—কাম্ ফতে । বাজী মাত্ ।

গোবিন্দ । এ সব কি ! বাজী মাত্ কি ? কিছুই ত বদ্বাতে পারছি না ভবানন্দ ।

ভবা । সে কি । আপনি জানেন না ?

গোবিন্দ । না ।

রাঘব । রাজ্যভাগ ?

গোবিন্দ । রাজ্যভাগ ! কবে ?—কখন ?

রাঘব । আজকে —এইমাত্র ।

গোবিন্দ । হাঁ দাওয়ান্-জী-মশায় ! আমাকে ত এ কথা কিছু বলনি !

ভবা । কাজ না শেষ হ'লে কেমন ক'রে ব'লব তাই !

রাঘব । জ্যেষ্ঠাম'শায় নিজে ভাগ ক'রে দিলেন ।

গোবিন্দ । কি রকম ভাগ হ'ল ?

রাঘব । বড় দাদা দশ আনা, আর আমরা ছয় আনা ।

গোবিন্দ । এতেই আছলান্দে আটখানা হয়ে বাজী মাত্ ব'লে ছুটে এলে !

ভবা । আগে ভায়াকে ব'ল'তে দিন—

গোবিন্দ । আর ব'লবে কি ? দশ আনা, ছয় আনা—কেন ? আমরা কি সাগরে তেসে এসেছি ?

ভবা । অনুগ্রহ ক'রে একটু চুপ করুন, আগে শেষ পর্য্যন্ত শুনুন ।
ছয় আনা নয়—আমার কারসাজিতে ছয় আনাই বোল আনা । হাঁ রাঘব !
চাকসিরি কোন্ তরফ ?

রাঘব । ছোট তরফ ।

গোবিন্দ । চাকসিরি !

রাঘব । (সোজা'স) চাকসিরি । দেওয়ানজী মহাশয় ক'রে দিয়েছেন ।

ভবা । কেমন রাজকুমার ! একা চাকসিরি দশ আনা নয় ?

গোবিন্দ । এ কি তুমি ক'র'লে ?

ভবা । আমি কে ? কালী ক'রেছেন, গোবিন্দ ক'রেছেন ।
দেখি—সব বিষয়েই আপনি ফাঁকি পড়েন—কাজেই একটা ব'ড়ের কিস্তী
দেওয়া গেছে ।

গোবিন্দ । তা হ'লে ত ভারি মজা হ'য়েছে !

রাঘব । ভারি মজা দাদা—ভারি মজা !

ভবা । আপনারা দু'দিন অপেক্ষা করুন, আমি আরও কত মজা
দেখিয়ে দিচ্ছি । দেখে আসুন—দেখে আসুন ।

গোবিন্দ । এরা এখনও আছে—না চ'লে গেছে ?

রাখব। চ'লে গেছে।

গোবিন্দ। তবে চল দেখে আসি।

উভয়ের প্রস্থান

ভবা। (স্বগতঃ) এই এক চাকসিরিতেই আগুন ধ'রাব, এ সংসার ছারখারে না দিতে পা'রলে আমার নিস্তার নেই। বোম্বেটে সাহেব রডা—তার সঙ্গে গোপনে গোপনে ভাব ক'রেছি, ঘর-সন্ধানী আগার সাহায্যে সে একেবারে এ দেশের লোক ত্যক্ত বিরক্ত ক'রে তুলবে। আগে ত যাদু ঘর সাম্‌লান, তার পর দেশ জয়। আর ধনমণিকে ঘরও সামলাতে হচ্ছে না, আর দেশ জয়ও ক'রতে হচ্ছে না। আগুন ধ'রছে—আগুন ধ'রেছে। ঐ চক্রবর্তী'র পোর সঙ্গে বড়রাজকুমার ফিরে আসছে! কি ব'লতে ব'লতে আসছে, আড়াল থেকে শুনতে হচ্ছে।

অন্তরালে প্রাণ

শঙ্কর ও প্রতাপের প্রবেশ

শঙ্কর। এ আপনি কি—ক'রলেন? আমি ফিরে আসা পর্যন্ত আপনি অপেক্ষা ক'রতে পারলেন না? আমাকে না জিজ্ঞাসা ক'রে বিষয় ভাগ ক'রলেন! চাকসিরি ছেড়ে দিলেন!

প্রতাপ। এখন উপায় কি? নিজে হাতে ক'রে যে ভাগ ক'রে দিয়েছি। চাকসিরি পরগণার আয়—সকল পরগণার চেয়ে বেশী। নিজে নিলে পাছে খুল্লতাত রুণ্টে হ'ন, এই জন্যে চাকসিরি তাঁকে দিয়ে দিয়েছি। ভবানন্দ আমাকে আগে থাকতে ব'লেছিল যে চাকসিরি পরগণা ছোটরাজার নৈবার একান্ত ইচ্ছা, বলে—‘আপনি উড়িষ্যাবিজয়ে যে গোবিন্দদেব বিগ্রহ এনেছেন, ছোটরাজার ইচ্ছা—এই চাকসিরি সেই দেবতার নামে উৎসর্গ করেন।’

শঙ্কর। সে যাই হোক, চাকসিরি আপনাকে হস্তগত ক'রতেই হবে। চাকসিরি সমুদ্রতীরবর্তী স্থান—বন্দর ক'রবার সম্পূর্ণ উপযুক্ত। পটুগীজ রডার আক্রমণ থেকে গৃহরক্ষা ক'রতে হ'লে, যেমন ক'রে হোক, চাকসিরি আপনাকে নিতেই হবে। নিজের ঘর সুরক্ষিত না রেখে,

আপনি কেমন ক'রে পররাজ্য জয় ক'রতে বহির্গত হবেন ? পদে পদে যখন শত্রু, পুত্র, পরিবারের অপছন্দ হ'বার আশঙ্কা, তখন কেমন ক'রে আমরা বাইরে গিয়ে নিশ্চিন্ত থাকব। এই সে দিন শূন'লদম—ধূমঘাট থেকে প্রায় পাঁচ ক্রোশ দূরবর্তী স্থান থেকে তারা লুঠ ক'রে নিয়ে গেছে। পাঁচ ক্রোশের ভেতর যখন আসতে পেরেছে, তখন ধূমঘাটে আসতেই বা তাদের কতক্ষণ ? বাইরে বেরিয়ে আমরা পাটনা, বেহার দখল ক'রলুম, বাড়ীতে এসে শূন'লদম—রাণী, কল্যাণী, ছেলে, মেয়ে সব চুরি হ'য়ে গেছে।

প্রতাপ। যেমন ক'রে হোক চাকসিরি চাই।

শংকর। যেমন ক'রে হোক চাইই চাই। রডা দক্ষিণ শত্রু। রডার গতিরোধ না ক'রতে পারলে বাঙালা উদ্ধারের যত আয়োজন—সব ব্যথা। আপনি বগেশ্বর,—ক্ষুদ্র যশোর আপনার লক্ষ্যস্থল নয়। পৈতৃক যা কিছু পেয়েছেন—সমস্ত দিয়েও যদি চাকসিরি পান, তাতেও আপনি গ্রহণ করুন।

ভবানন্দের পুনঃ প্রবেশ

প্রতাপ। ভবানন্দ ! ছোটরাজ্য কোথায় ?

ভবা। তিনি ত মহারাজ, এই একটু আগে ধূমঘাট যাত্রা ক'রেছেন।

প্রতাপ। চ'লে গেছেন ঠিক জান ?

ভবা। আজ্ঞে হাঁ মহারাজ, এই মাত্র যাচ্ছেন। কালকে পূর্ণিমায ধূমঘাটে মহালক্ষ্মীর প্রতিষ্ঠা—তিনি আগে থাকতেই তার আয়োজন করতে গেছেন।

প্রতাপ। তা হ'লে চল, সেই স্থানেই যাই।

ভবা। কেন, বিশেষ কি প্রয়োজন ছিল ?

প্রতাপ। হাঁ ভবানন্দ ! চাকসিরি যে সমুদ্রতীরে—সেটা ত আমায় আগে বল নি।

ভবা। আজ্ঞে—তা হ'লে ত বড়ই ভুল হয়ে গেছে। সমস্ত ব'লেছি, আর ওইটে বলিনি ! তবে ত বড়ই অন্যায় ক'রে ফেলেছি।

প্রতাপ না—অন্যায় কেন ? তুমি ত আর ইচ্ছাপূর্ব্বক গোপন করনি ।

ভবা । অন্যায় বই কি ! রাজ-সংসারে যখন চাকরী ক'রতে হ'বে, তখন এমন মারাত্মক তুল হ'লেই বা চ'লবে কেন ? কি বলেন চক্রবর্তী মহাশয় ?

শঙ্কর । তা ত বটেই ।

ভবা । হিসেব নিকেশের কাজ, তাতে একেবারে সমুদ্রের তুল ! ভাল, চাকসিরি যদি আপনি নিয়ে থাকেন, আমি এখনি ছোটরাজাকে নিতে অনুরোধ করছি !

প্রতাপ । ছোটরাজাকেই চাকসিরি দেওয়া হ'য়েছে ।

ভবা । বস—তবে ত সকল আপদ চুকে গেছে । হাংগামা পোহাতে হয়, ছোটরাজাই পোহাবেন ।

প্রতাপ । সেটিকে আবার আমি ফিরিয়ে নিতে চাই, কি ক'রে পাই ভবানন্দ ?

ভবা । তার আর কি । আবার চেয়ে নিলেই হ'ল । আপনাকে অদেয় তাঁদের কি আছে ?

প্রতাপ । তা হ'লে এস শঙ্কর—ধূমঘাটেই যাই । উভয়ের প্রস্থান

ভবা । এই চাকসিরি দিয়েই আগুন লাগ'ব । ওটি আর সহজে পেতে দিচ্ছি না । অন্ততঃ কালকের মধ্যে ত নয়ই, এ দিকে যেমন ধূমঘাটে মহালক্ষ্মী-পূজার ধূম লাগবে, ওদিক থেকে অমনি রডা সাহেব ঝপাং ক'রে প'ড়ে ঘরের লক্ষ্মী ছোঁ মেরে নিয়ে যাবে । বন্দোবস্ত সব ঠিক করা আছে । চাকসিরি হাতে না রাখলে কি তোমাদের সঙ্গে যোঝা যায় । এ বাবা ঢাল তলোয়ার নিয়ে লড়াই নয় । জাহাজ—জাহাজ ! তার ভেতর পোরা—মানোয়ারি গোরা । ভাসা রাজহু বাবা—ভাসা রাজহু । যেখানে গিয়ে নোঙ্গর ক'রলুম, সেইখানেই রাজা ।

শকন দৃষ্ট

ধুমধাট—সদী-তীর

বজ্রার মাখিদের সারিগান

‘এমন সোনার কমল ভানী’লে জলে কে রে,

মা বুঝি কৈলাসে চ’লেছে।

কার ঘরে গিরেছিলি মা, কে ক’রেছে পূজা ?

কারে তুমি করলে রাজা হ’রে দশভূজা (গো) ?

কে দিরেছে গজাঙ্গল, কে দিলে বেলের পাঁচা,

কার মাথাতে তুমি ওমা ধ’রলে স্বর্ণছাতা (গো) !

প্রহান

চণ্ডীঘর, কমল, কল্যাণী, কাত্যারণী ও পুরস্ত্রীগণের প্রবেশ

চণ্ডী। অল্পক্ষণই পদুর্গিমা আছে। এর ভেতরেই মা-লক্ষ্মীর প্রার্থিতা করিতে হ’বে। আস্তে এত বিলম্ব করলে কেন ?

কল্যাণী। ঘর ছেড়ে চ’লে আসা স্ত্রীলোকের পক্ষে কত কঠিন কথা, সংসারত্যাগী সন্ন্যাসী—আপনি কেমন ক’রে বদুবেন ! ডাকাতের ভয়ে ঘর ছেড়ে পালিয়ে এসেছি, আস্তে আস্তে সাত বার সেই কুঁড়ে ঘরখানির পানে চেয়ে দেখেছি, আর চোখের জল ফেলেছি। এমন সোনার অট্টালিকা স্বশরীরের ঘর—স্বামীপুত্র নিয়ে কতকাল বাস—ছেড়ে আসব বললেই কি টপু ক’রে আসা যায় ?

কাত্য। যদিও আর একটু সকাল সকাল আস্তুম, তা আবার কমলের জন্যে হ’ল না। কমল সোজা পথ ছেড়ে, কোন্ খাল বিল দে ঘুরিয়ে ঘুরিয়ে আনলে যে, এক ঘণ্টার পথ আস্তে আমাদের তিন ঘণ্টা লাগল।

কমল। কি করব মা ! শুনছি, ভোমাদের লক্ষ্মী ঠাকুরগ না কি বড়ই চঞ্চল। তাই তাকে ঘোরাপথে ঘুরিয়ে আনলাম ! পথ চিনে আর না বেটী ধুমধাট ছেড়ে পালাতে পারে।

চণ্ডী। আ পাগল! বেটী কি খলপ খলপ দে খাতারাত করে দে, বদীরে এনে তাকে পথ ভুলিয়ে দিবি। বেটীর কম্ব'পথে বাড়ারাত।

কমল। বেশ, তা হ'লে কম্ব'পথের কটক বন্ধ কর। তা হ'লে ত ঠাকুরের আর পালা'তে পারবে না!

চণ্ডী। সেই পথই যদি জানতুম কমল, তা হ'লে কি আর ঢকলাকে অপরের হারহ হ'তে দিতুম। হতভাগ্য আমরা—সে পথের সন্ধান বহুদিন হারিয়ে ব'লেছি। নাও, চল মা, বরে এসে আর সময় উত্তীর্ণ ক'রো না।

কমল ব্যতীত সকলের প্রস্থান

কমল। ধ'রে রাখতেই যদি আস না ঠাকুর, তা হ'লে আর মা লক্ষ্মীকে অত কষ্ট ক'রে মাথায় ক'রে আনা কেন? আমার হাতে দিমে যাও, আমি ওকে ইচ্ছামতীর জলে বুড়িয়ে ওর বাওন্না আসার দফা রক্ষা ক'রে দিই!

বিজয়ার প্রবেশ

বিজয়া। কমল!

কমল। মা! কেন মা!—আহা-হা! এই যে মা। (নতজানু) একবার মাত্র সন্তানকে দেখা দিলে, কোথায় পালিয়েছিলি মা?—মা! জাত হারিয়েছি ব'লে কি, মাকেও হারিয়েছি!

বিজয়া। এই যে বাপ! আবার আমি এসেছি।—বাহা, ডাকাত ধ'রবে?

কমল। সুন্দর যে অনেকক্ষণ তাকে ধ'রতে গেছে মা! পঞ্চাশ খানা ছিপ নিয়ে সে চোরবন্ডের খাড়ীর তেতর চুকেছে।

বিজয়া। বেশ, ভূমিও চল না।

কমল। আমি কি ক'রব মা! খোদা আমাকে যেহে আগ'লাতেই দুর্দিনায় পারি'য়েছে।

বিজয়া। বেশ, মেয়েই আগ'লাবে—আমাকে রক্ষা ক'রবে।

কমল । তাতে কি হবে ?

বিজয়া । রতা ধরা প'ড়বে ।

কমল । নইলে কি প'ড়বে না ? সন্দেহ কি ধ'রতে পারবে না ?

বিজয়া । পা'রছে না ।

কমল । কেন ?

বিজয়া । ধ'র' রতা ইচ্ছামতীতে কিছুতেই প্রবেশ ক'রছে না ।

কমল । কেন ? সে কি সন্দেহের সন্ধান পেয়েছে ?

বিজয়া । সন্ধান পায় নি, কিন্তু কি লোভে আসবে ? প্রলোভন কই
কমল ? তুমি ত রাণী কাত্যায়নীকে ঘোরাপথে ধ'মধাটে এনে উপস্থিত
ক'রলে ।

কমল । ও ! লড়কানি !

বিজয়া । এই—বুঝেছ !

কমল । ও ! শালার মাছ ধ'রতে হ'লে যে পদ্মটী মাছের লড়কানি
চাই ।

বিজয়া । এই ! নইলে সে আ'সবে কেন ? তা হ'লে আর বিলম্ব
ক'রো না—চল ।

কমল । ওঠ মা ! হিঁপে ওঠ ।

ষষ্ঠ দৃশ্য

নদী-তীর—সুন্দরবনের একাংশ

রতা, পোড়ুগীজ বোম্বটেগণ ও চর

রতা । ও কে আছে ?

চর । রাজা আছে হুজুর ।

রতা । আরে উল্লুক ও হামি জানে, বসন্ত'রায়ের ও কে আছে ?

চর। জাইশো হুজুর !

রজা। ওর কি কেষ্টা আছে ?

চর। সব কসমতাই এখন তার হুজুর ! তাকে না জব্দ করতে পারলে
তোমার টাকা আমার কিছতেই হবে না ।

রজা। সে কি বলছে ?

চর। সব কথা তোমাকে বললে, তোমার রাগ হবে হুজুর ।

রজা। আরে এখনি ত রাগ হচ্ছে, তোমাকে চর মারিটে হামাড হাত
ছট্, ফট্ করছে, টাকা ভিবে কি—না ?

চর। বলছে—দশ লাখ কি, দশ কড়া কড়িও দেবোনা, যদি সে নিজে
এখানে এসে হাত জোড় ক'রে ভিক্ষে না চায় ।

রজা। কিস্ মাফিক্ জোড় ? (হাতে বুক বাঁধিয়া) ইস্ মাফিক্ ?
(করজোড় করিয়া) না ইস্ মাফিক্ ?

চর। তার বড় আম্পর্কা সাহেব ! সে তার বাপ খুড়োকে এক রকম
বন্দী ক'রে নিজে রাজা হয়েছে । এত বড় আম্পর্কা যে মোগল বাদশাকে
পর্যন্ত খাজনা দিচ্ছে না । এমন কি বাদশার কিস্তির টাকা লুটে তাই দিয়ে
ধুমঘাট ব'লে একটা সহর তৈরী ক'রে ফেলেছে ।

রজা। আচ্ছা যাও, ও ধুমঘাট আমি আগুন-ঘাট ক'রে যাবে । সারা
দেশ জ্বালিয়ে দেবে । ডন রডারিগো আর ডয়া করবে না ।

চরের প্রস্থান

বালক, বালিকা প্রভৃতি বলিগণ লইয়া পৌৰ্ণমীজ সৈন্তগণের

প্রবেশ ও বন্দীদের করণ রোমন

এই ঠিক হইয়াছে ।

ভবানন্দের প্রবেশ

ভোবানন্দ । এই ত আমার পাঁচ লাখ উঠিয়া গেল ।

ভবানন্দ । উঠবে বইকি হুজুর, তোমার টাকা আটকাবে সে

ভাষ্যপটে কালকের ছোঁড়া কেবলা, এই রকম দু'চার মাস দূর ক'রলেই তোমারও টাকা উঠে যাবে, বেশও মরুজমি হবে। সেই মরুজমির তেঁতুল বলে' শূরু একটা ধুমঘাট নিয়ে ক'দিন বেটা রাজত্ব করে, একবার দেখে নেব। অন্ন—অন্ন ঘেরে লাও হুজুর। পেট না চললে দু'দিনেই ধুমঘাটে ইচ্ছামতী ঢেউ খেলে চ'লে যাবে। এই ত সব দেশের অন্ন। এই সব অন্ন ঘা লাও। আবাল-বৃদ্ধ-বনিতা, সেখানে থাকে পাবে, ধ'রে নিয়ে যাও। চাষ বাক, বাগ বাক, রাজা প্রতাপাদিত্য রায় জুল জুল ক'রে দেশের দিকে চেয়ে থাক।

রডা। সব লে যাও, এ সব হামি বিক্রী ক'রবে—যে মূল্যকে বাব্দ আছে, সে মূল্যকে কুলি হোবে।

ভবা। ঠিক হবে, ভাল কুলি হবে, মজা ক'রে খাটবে, আর কষ্ট ক'রে খাবে।

রডা। লে যাও। (বন্দীগণের ক্রন্দন)

ভবা। হাঁ হুজুররা লে যাও। (বন্দীগণের প্রতি) এখানে চীৎকার ক'রলে কি হবে? নতুন রাজা হয়েছে—সে তোদের রক্ষা ক'রতে পারে না? হুজুরের ভারি দূর, তাই তোদের ইচ্ছামতীতে না ডুবিয়ে ঘেরে—ধ'রে নিয়ে এসেছে। যা যা, কত নতুন রকমের মূল্যক দেখাবি, কত কি খাবি—মুখে, বাড়ে, পিঠে—ঠিক হয়েছে, আবার কান্না—হুজুরের জয়-জয়কার ক'রতে ক'রতে চ'লে যা।

ক্রন্দনরত বন্দীগণকে লইয়া সৈন্তগণের প্রস্থান

রডা। কেমন এই ঠিক ত বোবামন্দ?

ভবা। এমন ঠিক আর দেখিনি হুজুর।

রডা। কেবল করিবে হামি অত্যাচার, গ্রাম জনালিয়ে দেবে—খাল চাল পড়িয়ে দেবে—ছেলে মেয়ে লুটিয়ে লেবে।

হুজুর জলদি ক'রে ক'রে

ভবা । কিরে, কিরে, কি খবর ?

চর । হুজুর জলদি—জলদি—ইচ্ছামতীতে—

রডা । জলদি বোলো—ইচ্ছামতীতে কি হইয়াছে ?

চর । একখানা নৌকো, তার উপর ভারী সন্দরী এক আওরাৎ ।

রডা । আওরাৎ ?

ভবা । আওরাৎ ! ইচ্ছামতীতে ?

চর । এমন সন্দরী কখন দেখিনি—ইচ্ছামতী আলো হয়ে গেছে ।

ভবা । তা হ'লে ঠিক হয়েছে, রডা হুজুর এ সেই প্রতাপাদিত্যের

স্ত্রী । বোধ হয় সে ধুমঘাট দেখতে আসছে ।

রডা । বস, বস, ও মেরি ! আউর পাঁচ লাখ উঠিয়া গেল ।

ভবা । পাঁচ লাখ ব'লছ কি হুজুর—বিশ লাখ, বিশ লাখ ।

রডা । চল বোবানন্দ—চল ।

ভবা । তোমার কোন ভয় নাই হুজুর । ক্ষুদ্রি করে চ'লে যাও—

ভয়ের গোড়া চাকিরি—আমি আগলে রেখেছি ।

রডা । বয় ? বয় কি বোবানন্দ ? বয় তোমাদের দেশে আছে ।

আমাদের দেশ পটুংগাল । সেখানে সব আছে—কেবল বয় নেই ।

প্রহার

ভবা । কাঁটা দিয়ে কাঁটা তুলতে হবে—প্রতাপ ! তোমাকে আমি
সদৃশস্থলে রাজত্ব করিতে দিচ্ছি ।

শ্রীমদ ভগবদ্গীতা

ধূমধাট—পঞ্চ

প্রত্যাপ ও ইশাখা

ইশাখা। হাঁ প্রত্যাপ! এমন সোনার নগর তৈরী করলে তা আমাকে খবর দিলে না? আমাকে এ আলমের কিছু তাগ দিলে তোমার কি বড়ই লোকসান হ'ত? কি সাজান বাগানই সাজিয়েছে। মরি মরি। ধূমধাটের কি অপদূর্ক বাহার! কেতাবে বোগদাদের নাম শুনিয়েছিলুম, নদীবে কখন দেখা হয় নি, তোমার কল্যাণে সেটাও আজ আমার দেখা হ'ল! আশ্রয় দেখা হ'য়েছে, দিল্লী দেখেছি, হিন্দুস্থানের বড় বড় সহর দেখেছি, কিন্তু বাবাজি! তোমার ধূমধাটের মত সহর বুঝি আর দেখব না। চারিদিকে নদী, মাঝখানে স্বীপের মতন পরীস্থান, দূরে নিবিড় জঙ্গল—সীমাহীন সন্দরবন। তার ওপর আশ্বিনী পূর্ণিমা। প্রত্যাপ! সত্য সত্য এ আমি কি দেখলুম। দূরে মন্দিরের পাশে যে সন্দর মসজিদ আর গীর্জা দেখছি, ও কি তোমারই ক'ত?

প্রত্যাপ। এক মাসের পেটের তিন তাই। যদি আমি ক'রে দিই, তাতে দোষ কি জনাব।

ইশাখা। এ তোমারই যোগ্য কথা! তা এমন পবিত্র ধূমধাট সহর কর'ছ, আমার খবর দিতে তোমার কি হ'য়েছিল?

প্রত্যাপ। সপ্তাহমান নগর-নির্ম্মাণ সম্পূর্ণ হ'য়েছে। আজ সবে মাত্র নগরের প্রতিষ্ঠা। তাই আপনাকে অগ্রে সংবাদ দেবার অবকাশ পাই নি। বিশেষতঃ, ছোটরাখাই এ কার্যে নিযুক্ত ছিলেন। আমি এ তিন মাস বাইরে বাইরে ঘুরেছি।

ইশাখা। শুনলুম, তিন মাসের মধ্যেই তুমি সমস্ত বাঙ্গালা জয় কর'ছ।

প্রভাপ। জন্ম-কীর্তি নবাব। বাঙ্গালার সমস্ত কুইবাদের দ্বারে গিরে
আমি নানা রত্ন তিষ্ঠা ক'রে এসেছি।

ইসার্থী। কি রত্ন প্রভাপ ?

প্রভাপ। তাঁদের স্বব্ব।

ইসার্থী। ভাল, তা আমাকে জয় করতে গেলে না কেন ?

প্রভাপ। আপনাকে ত বহুকাল জয় ক'রে রেখেছি। খুল্লতাত
রাজা বসন্ত রায়ের বিনিময়ে এ রত্ন ত আমরা বহুদিন লাভ
ক'রেছি।

ইসার্থী। তা ঠিক ব'লেছ। তোমাদের কাছে আমি বহুদিন থেকে
বিক্রীত। যে দিন থেকে রাজা বসন্ত রায়ের সঙ্গে পাগড়ী বদল ক'রেছি,
সেই দিন থেকে বায় পরিবারকে আমার নিজের সংসার মনে করি। আমার
সন্তান নেই, মনে মনে সঙ্কল্প—মৃত্যুকালে আমার হিজলী তোমাদের ক'টি
ভাইকে দান ক'বে যাই ! তোমাদের পর ভাবতে গেলেই আমার প্রাণে যেন
কেমন ব্যথা লাগে।

প্রভাপ। বঙ্গদেশে আপনাদের মতন দু'চার জন হিন্দু-মুসলমান থাকলে
কি আর এদেশের দুর্দশা হয়। কবে বাঙ্গালার হিন্দু-মুসলমান আপনার
মতন পাগড়ী বদলাবদলি ক'রবে জনাব ?

ইসার্থী। আশ্বস্ত হও, শীঘ্র ক'রবে। দু'দিন বাদে সবাই বুঝবে—
বাংলা মূলুক হিন্দুরও নয় মুসলমানেরও নয়—বাঙ্গালীর।

প্রভাপ। কবে বুঝবে ! বাঙ্গালার রাজা হিন্দুও নয়, মুসলমানও নয়
—বাঙ্গালী।

ইসার্থী। সঙ্করেই বুঝবে। বুঝবে কি—বুঝছে। খোদার মর্জিতে
বুঝি সে দিন এসেছে ! যে মোহন মন্ড্র ক'রে মহাত্মা বসন্ত রায়
আমাকে তার আপনার ক'রে নিয়েছে, আমার বিশ্বাস—প্রভাপ-আদিত্যও
সেই অপদূর্ব্ব আকর্ষণী শক্তির অধিকারী ! প্রভাপ ? ঈশ্বরের কাছে প্রার্থনা

করি—সমস্ত বাঙ্গালীর ক্ষেপ্তর স্বহস্তে স্বরূপ হয়ে তুমি চিরস্বাধীনতা শব্দ
সম্প্রদায় কর ।

প্রতাপ । আবার সেলাম গ্রহণ করুন ।

ইসার্খা । বেশ, আমি এখন চল্লাম ।

প্রহান

প্রতাপ । ইসার্খা মন্সর আলিকে দেখলুম, কিন্তু ছোটরাজাকে ত
দেখতে পাচ্ছি না ! তাঁর মনোগত ভাব ত আমি বিন্দুবিসর্গও বুঝতে
পারছি না । কাল থেকে সন্ধান ক'রেছি, কোনও সন্ধান মিলছে না !
যশোরে যাই, শূনি ছোটরাজা ধুমঘাটে ! আবার ধুমঘাটে এসে শূনি
তিনি যশোরে । বোধ হয়, রাজা অনুমানে জানতে পেরেছেন, আমি
চাকসিরির ভিখারী । কি নিকের্ণের মতনই কার্য ক'রেছি । কেন
শঙ্করের সঙ্গে পরামর্শ না ক'রে আমি বিষয়ভাগে সম্মতি দিলুম ! সম্মতি
দিলুম ত ভাগের তার নিজহাতে নিলুম কেন ? নিজের বর অরক্ষিত
রেখে কোন সাহসে আমি পররাজ্য জয়ে অগ্রসর হই ! এখন যদি
ছোটরাজা চাকসিরির প্রত্যর্পণ ক'রতে না চান ? কি করি—কি করি !
এক সামান্য ভ্রমের জন্যে আমার এত যত্ন, এত চেষ্টা, প্রাণপণ সাধনা—
সমস্ত পণ্ড হবে ? করতলগত বঙ্গরাজ্য আবার কি হস্তচ্যুত ক'রতে
হবে ? * [ধুমকেতুর মত অসার সৌন্দর্য্য দুদিনের জন্যে ক্রীণ আলোক
বিকীর্ণ ক'রে শূন্য অশান্তির পদবী-সূচনাস্বরূপ আমার যশোর কি অনন্ত
কালের জন্যে অনন্ত আঁধারে মিলিয়ে যাবে !] * না, তা হ'তেই পারে না ।
আমি ধন চাই না, যশ চাই না, পুণ্য চাই না, প্রতিষ্ঠা চাই না—যশোর
চাই । * [আমি নিজের স্বার্থের জন্যে, আত্মীয়তা, মায়ী, মমতার জন্যে—
সাতকোটি বাঙ্গালীকে আর বিপন্ন ক'রতে পারি না ।] * আমি যশোর
চাই—সরকের প্রচণ্ড অনলপথ ভেদ ক'রেও যদি আমাকে যশোর ফিরিয়ে
আনতে হয়, তবে আমি যশোর চাই ।

শঙ্করের প্রবেশ

শঙ্কর । এই যে মহারাজ ! আপনি এখানে ? সমস্ত সহর খুঁজে খুঁজে আমি অবসর । আপনার গৃহে মহালক্ষীর প্রতিষ্ঠা, আর আপনি পথে পথে ।

প্রতাপ । ছোটরাজাকে দেখতে গেলেন ?

শঙ্কর । অত ব্যস্ত হচ্ছেন কেন ? আজকের দিনটে ভালই ভালই কেটে থাক !

প্রতাপ । বিভ্রম হ'লে তুমি এ কি বলছ শঙ্কর ! এক তুল ক'রেছি বলি আবার কি তুমি আমাকে তুল ক'রতে বল ? আর হুহুস্তমাত্র বিলম্ব হ'লে চাকসিরি দূরে—অতিদূরে চ'লে যাবে । সহস্র চেষ্টায়ও আর তাকে স্পর্শ ক'রতে পাব না ।

শঙ্কর । তবে কি আপনি অভিষেক কার্যটা পণ্ড ক'রতে চান ?

প্রতাপ । অভিষেক ! কার অভিষেক ! আমি ত তিথারী । আমার আবার অভিষেক কি ? আমি ত যশোরেশ্বরীর দ্বারে একমুষ্টি অন্ন পাবার প্রত্যাশী । আমার আবার অভিষেক-বিড়ম্বনা কেন ?

শঙ্কর । যদি ছোটরাজা চাকসিরি না দেন, তা হ'লে কি আপনি এই উপলক্ষে একটা গৃহবিচ্ছেদের সূত্রপাত ক'রবেন ?

প্রতাপ । ব্রাহ্মণ ! দেবসেবাই তোমাদের কার্য । রাজসেবা কার্য নয় !—কেও ?

কৃষকগণের প্রবেশ

১ম, কৃ । কে হুজুর—আপনারা কে হুজুর ?

শঙ্কর । তোমরা কাকে খোঁজ ?

২য়, কৃ । আমাদের রাজা কোথায় বলতে পারেন ? শুনলুম তিনি সহর দেখতে বেরিয়েছেন ।

প্রতাপ । এত রাতে রাজাকে কি প্রয়োজন ?

১ম, কৃ । আর হুজুর ! বোম্বটেদের অত্যাচারে ভাব গেল ।

সকলে। হুজুর! সব গেল!

১ম, কৃ। গ্রাম উদ্ধার দিলে! শয়লা-কড়ি, গরু-বাহুর, শ্রী-পদ্ম—
কিছু রাখলে না!

সকলে। কিছু রাখলে না হুজুর!—কিছু রাখলে না।

১ম, কৃ। কোন রাজা আজও পর্যন্ত তাদের কিছুই ক'রতে পারেন
নি। শূন্যশূন্য, নতুন রাজা হ'য়েছেন, তিনি নাকি যোগল হারিয়েছেন।
গ্রামে গ্রামে লোকে তাঁর গুণ গান ক'রছে। ব'লছে—

সকলে। (সদরে) স্বর্গে ইন্দ্র দেবরাজ, বাসুকি পাতালে।

প্রতাপ-আদিত্য রায় অবনমিতুলে ॥

১ম, কৃ। সেই কথা শুন্যে আমরা তাঁর কাছে ছুটে চলছি হুজুর।

প্রতাপ। বেশ, আজ রাত্রের মতন অপেক্ষা কব। কাল প্রাতঃকালে
এস।

১ম, কৃ। এলে উপায় হবে হুজুর?

প্রতাপ। তোমাদের উপায় না ক'রে প্রতাপ-আদিত্য রায় গ্রহণ
ক'রবেন না।

১ম, কৃ। বস্ তবে আর কি—চরি হরি বল!

সকলে। স্বর্গে ইন্দ্র ইত্যাদি—

কৃষ্ণকর্ণের ওস্থান

প্রতাপ। শঙ্কর! চাকসিরি দাও—যেমন ক'রে পার, চাকসিরি দাও।

বসন্ত রায়ের প্রবেশ

বসন্ত কে ও—প্রতাপ?

প্রতাপ। এই যে খুড়ো মহাশয়!

শঙ্কর। দোহাই মহারাজ! সর্বনাশ ক'রবেন না। দোহাই মহারাজ!
অন্তঃসারশূন্য নদীতটে সোনার অট্টালিকার প্রতিষ্ঠা ক'রবেন না।
জাতিবিরোধেই এ ভারতের সর্বনাশ হ'য়েছে।

প্রতাপ । কিছু ভয় নেই শঙ্কর । গদুর্জনের মর্ষ্যাদাহানি—আমি সহজে ক'রব না ।

বসন্ত । শুনলুম, তুমি আমাকে অনেকবার অনুসন্ধান ক'রেছ—কেন প্রতাপ ?

প্রতাপ । খুড়ো মহাশয় ! কাল আমি একটা বড় ভুল ক'রে ফেলছি ।

বসন্ত । কি ভুল প্রতাপ ?

প্রতাপ । সে ভুলের সংশোধন—আমি আপনার কাছে ভিক্ষা করি ।

বসন্ত । কি ভুল ক'রেছ, বল ।

প্রতাপ । চাকসিরি পরগণা—

বসন্ত । আমাকে দেওয়া কি তোমার ভুল হ'য়েছে ?

প্রতাপ । আস্তে, চাকসিরি ধুমঘাট নগরের প্রবেশদ্বার—এটা আমার আগে জানা ছিল না ।

বসন্ত । কি ক'রতে চাও বল । তুমি ব'লতে এমন কুণ্ঠিত হ'চ্ছ কেন ? আমি ত রাজ্য বিভাগে কোন কথা কইনি । তুমি আর তোমার পিতা তোমরা দু'জনেই ত সব ক'রেছ । আমি ত একটিও কথা কইনি ।

প্রতাপ । যা নিয়েছি সব দিচ্ছি ! আমার দশ আনা নিয়ে আপনি চাকসিরি আমাকে প্রত্যর্পণ করুন ।

বসন্ত । কি প্রতাপ । তুমি আমাকে প্রলোভন দেখাতে চাও ! মোগল-জয়ে এত উদ্বুদ্ধ, এত জ্ঞানশূন্য যে, আমাকেও তুমি এত তুচ্ছ জ্ঞান কর ! তুমি আমাকে উৎকোচদানে বশীভূত ক'রতে চাও ।

প্রতাপ । ক্রোধ ক'রবেন না । আমার মানসিক অবস্থা বন্ধে আমাকে দয়া করুন ।

বসন্ত । আমি চাকসিরি দিতে পারব না । আমি সে স্থান গোবিন্দ দেবের নামে উৎসর্গ ক'রবার ইচ্ছা ক'রেছি ।

প্রতাপ । আপনি তার সমস্ত উপস্বত্ব গ্রহণ করুন ।

বসন্ত । প্রভাপ ! বৃদ্ধ বসন্ত রায়কে প্রলোভন দেখিও না ।

প্রভাপ । দেখুন, পটুগীজ জলদস্যুর অভ্যুত্থার থেকে গৃহ-রক্ষা ক'রবার জন্যে আমি এই প্রস্তাব ক'রছি ।

বসন্ত । বসন্ত রায়ই কি এত হীনবীৰ্য্য ! সে কি নিজে জলদস্যুর অভ্যুত্থার থেকে দেশ রক্ষা ক'রতে পারে না ?

প্রভাপ । ভাল, দান করুন !

বসন্ত । যখন দানের যোগ্য বিবেচনা ক'রব, তখন দান ক'রব । গুরুজনের অবমাননাকারী পিতৃস্রোহী সন্তানকে আমি কিছতেই দেবভোগ্য স্থান দানের যোগ্য বিবেচনা করি না !

প্রভাপ । কিছতেই চাকসিরি দেবেন না ?

বসন্ত । কিছতেই না—জীবন থাকতে না ।

শঙ্কর । মহারাজ ! কাস্ত হ'ন । বাতুলের ন্যায় এ আপনি কি ক'রছেন ! গুরুজনের অমর্যাদা—ক'রছেন কি !

প্রভাপ । দেবেন না ।

বসন্ত । জীবন থাকতে না । চাকসিরি চাও—তা হ'লে এই 'গঙ্গাজল' নাও ! আগে বসন্ত রায়ের হৃদয় বিদ্ধ কর ! (তরবারি নিষ্কাষণ)

শঙ্কর । সর্বনাশ হ'ল—সব গেল !—ছোটরাজা মহাশয় দয়া ক'রে এ স্থান ত্যাগ করুন ।

প্রভাপ । বন্ধ-বিদারণই হ'চ্ছে—এ স্বার্থপরতার উপযুক্ত ঔষধ !

প্রস্থান

বসন্ত । স্বার্থপরতা ! স্বার্থপরতার যদি এক বিন্দুও বসন্ত রায় হৃদয়ে পোষণ ক'রত, তা হ'লে প্রভাপকে আজ এইরূপ উদ্ধতভাবে তার খুন্স-তাতে সম্মুখে কথা কহিতে হ'ত না । এতদিনে তার দেহের পরমাণু ইচ্ছা-মতীর জলন্তরঙ্গে কল্লোলিত হ'ত । তোমাদের অনুরোধিতকারী হ'য়ে আজ আমাকে সামান্য ছয় আনার অংশীদার হ'তে হ'ত না !

শংকর । ছোটরাজা মহাশয় ! আমার প্রতি কৃপা ক'রে আপনি এ স্থান ত্যাগ করুন ।

বসন্ত । বসন্ত রায়কে যদি আজও চিন্তে না পার প্রতাপ, তা হ'লে বংশে স্বাধীনতা-স্থাপন সম্বন্ধে তোমার যত চেষ্টা—সব পণ্ডপ্রম ।

শংকর । নিচয় । এ কথা আমি মৃতকণ্ঠে স্বীকার ক'রছি । আমি দেখতে পাচ্ছি—বংশের উপর বিধাতা বিরূপ । নইলে দুই জনই—মহাপ্রদ্রব কেউ কাউকে চিন্তে পারলে না কেন ? পরস্পরে মিলতে এসে, মহালক্ষ্মীর আভিষেকের দিবসে এখন দু'ঘটিলা ঘটল কেন ? মহারাজ ! ব্রাহ্মণের অনুরোধ—ব্রাহ্ম সন্তানকে ক্ষমা করুন । দোহাই মহারাজ । প্রতাপের ওপর আপনি ক্রোধ রা'খবেন না ।

বসন্ত । কার ওপর ক্রোধ ক'র'ব শংকর ! এখনও যে পিতৃভূল্য জ্যেষ্ঠ সহোদর—রাজা বিজয়াদিত্য বস্তুমান । এখন নিজেরই আমার লক্ষ্য ক'রছে । ক্ষুদ্র বালকের সঙ্গে বাগ্‌বিতণ্ডা ক'রে এ আমি কি ছেলেমানুষি ক'রলুম ! দাদা শুনলে মনে ক'রবেন কি !

শংকর । নিশ্চিন্ত থাকুন—আর কেউ এ কথা শুনবে না মহারাজ ! —অনুগ্রহ করে ঘরে চলুন ।

বসন্ত । কি ক'রলুম—বদ্ধ বয়সে এ আমি কি করলুম !

শংকর । কোন ভয় নেই মহারাজ !—নিশ্চিন্ত থাকুন—এ কথা শুনু শংকর শুনছে !

উভয়ের প্রস্থান

ভবানন্দের প্রবেশ

ভবা । আর শুনছে ভবানন্দ । তখন আর শুনছে—দূর হাউ ! কার নাম করি—তা হ'লে যশোরের টিকটিকিটি পৰ্য্যন্ত এ কথা শুনতে পেরেছে । বড়রাজা ত শুনেন ব'লে আঁছে । বস, আর কি ! আর

আমাকে পায় কে ? ভবানন্দ ! গোবিন্দ বল—গোবিন্দ বল । একবার
প্রাণ ত'রে সেই নপ'হারীর নাম কর । আগুন জ্বলছে—আগুন লেগেছে ।
কুলকুণ্ডলিনী কোঁস ক'রেছে । গোবিন্দ বল ভবানন্দ !—গোবিন্দ বল ।

অষ্টম দৃশ্য

নদী-তীর

নদীবক্ষে নৌকার বিজ্ঞা ও সঙ্গীগণ

গীত

নদীর ধারে দাঁড়িয়ে কেরে, কার মেয়েটি কালো ।
মুখ-ভরা তার অটহাসি, বুক-ভরা তার আলো ।
চল্ চল্ চল্ আগে, চল্ চল্ চল্ আগে,
তিন ভুবনের তরী এসে ওই বে খাটে লাগে ।
পাহাড়-ভাঙ্গা শ্রোত ছুটেছে, কুল-ভাঙ্গা ওই বান
ওই মেয়েটির চরণ ছুঁয়ে গাইছে মতুন গান ।
অটহাসি দেশ জাগালে ঘুর পালালো বনে ।
আমরা শুধু চোখ বুজে কি রইব ঘরের কোণে !
কালো মেয়ে হলো ছোল, উঠল মোদের নার—
গৌরী পেয়ে এবার তরী উজান বেয়ে যায় ।
চল্ চল্ চল্ আগেরে, চল্ চল্ চল্ আগে ।
মরা নদী ভরে গেল, নবীন অমুরাগে ॥

অস্থান

(নদীবক্ষে অপর নৌকার দূরবীক্ষণ হস্তে রডার অনুসরণ)

তীরভূমি

রডা ও বিজয়া প্রবেশ

রডা । হোঃ—হোঃ—হোঃ !

বিজয়া । হোঃ—হোঃ—হোঃ—হোঃ ! এই দেখ বীর আমি নদী ছেড়ে উপরে উঠেছি ।

রডা । তুমি কি মনে করিয়াছ, আমি তীরে উঠিতে জানে না, জন্মিয়া অবধি আমি জলে ঘুরিটেছি !

বিজয়া । আমাকে তা হ'লে না ধরিয়া ছাড়িতেছ না ?

রডা । সে কি বদ্বিতে পারছ না ? আমরা পোটু'গীজ আছে—হামি লোক যে কাম করিবার প্রতিজ্ঞা করিবে, হয় করিবে নয় মরিবে । তুমি হামাকে বড়ই ঘুরাইয়াছ । এত ঘোর আমাকে আর কেউ কখন ঘুরায় নাই । তোমার মত লেডি আর কতি না দেখিয়াছে ।

বিজয়া । তুমি পোটু'গীজ না কি বললে ?

রডা । হাঁ পোটু'গীজ আছে—ক্রিস্তান আছে ।

বিজয়া । ক্রিস্তানদের না মেরী আছে ?

রডা । আলবৎ আছে ।

বিজয়া । হামি-বি ওই মেরী আছে ।

রডা । ওঃ—হো—

বিজয়া । ভাল ক'রে দেখ ।

রডা । ও—হো—হো—হো—

বিজয়া । বেশ ভাল ক'রে দেখ । (মেরী-মদতি'ধারণ)

রডা । ও মেরী—মেরী—মেরী । (নতজান্দ)

বিজয়া । তুমি আমার ধ'রতে আসনি বীর—আমি তোমার অত্যাচারকে ধ'রতে এসেছি !

রডা । ও মেরী—ও মেরী—

বিজয়া । এস ক্রিষ্টান সম্ভান—আমাকে ধর ! ধ'রবার আগে তোমার
অভ্যাচার-মুষ্টি ইচ্ছামতীর জলে বিসর্জন দাও ।—সুন্দর !

হৃদয় ও সহচরগণের প্রবেশ

আমার ক্রিষ্টান সম্ভানকে প্রতাপের কাছে নিয়ে যাও, তিনি রাজা—এর
অপরাধের বিচারকর্তা ।

সুন্দর । আর হাঁ-ক'রে দেখছ কি রডা মিঞা—আজন্ম দেখে দেখে
দেখার মীমাংসা হয়নি—চল ।

রডা । ও মেরী—ও মেরী—মেরী ।

চতুর্থ অঙ্ক

প্রথম দৃশ্য

ধুমঘাট—নদীতীর

প্রতাপ ও শঙ্কর

শঙ্কর। ক'র'ছেন কি মহারাজ ? আবার এখানে ফিরে এলেন ?
আপনি সমস্ত কার্য্য পণ্ড ক'র'তে চান ?—কেও—কেও—সদ্য্যকান্ত ?
কখন এলে ?

সদ্য্যকান্তের প্রবেশ

সদ্য্য। এই আসছি।

শঙ্কর। কিছূ নতুন খবর আছে না কি ?

সদ্য্য। আছে, বাংগালা বে-দখল—এ খবর আশ্রায় পেঁচেছে।

শঙ্কর। পেঁচেছে—সে ত জানা কথা। তা আর নতুন খবর কি !

সদ্য্য। বাদশা আজিম খাঁ নামে একজন সৈনিককে যশোর-জয়ে
প্রেরণ ক'রেছেন। মত্ৰাটের জেদ্—যেমন ক'রে হোক যশোর ধ্বংস ক'রে
মহারাজকে পিঞ্জরাবদ্ধ ক'রে আশ্রায় প্রেরণ।

প্রতাপ। শঙ্কর ! হয় আমাকে চাকসিরি দাও, নয় আমাকে
পিঞ্জরাবদ্ধ ক'রে আশ্রায় পাঠাও—সকল আপদ চুকে যাক্। তোমার
সেই দরিদ্র প্রজা সকলকে আবার প্রসাদপূরে পার্শ্বিষে দাও ! মা
কল্যাণীকে আবার সেই পণ'কুটীরের আশ্রয়ে যেতে বল। সেখানে নবাব,
এখানে রডা !

শঙ্কর। সৈন্য কত—খবর নিতে পেরেছ ?

সূর্য্য। প্রায় লক্ষ। তা ছাড়া বাংগালা থেকেও কিছু সংগ্রহ হ'তে পারে। এবারে বিপুল আয়োজন। বাইশ জন আমার আজিমের সঙ্গে আসছে।

শঙ্কর। এসেছে কত দূর ?

সূর্য্য। বারাণসী ছাড়িয়েছে।

শঙ্কর। আমাদের সৈন্য কি বারাণসীতে ছিল না ?

সূর্য্য। ছিল। কিন্তু তারা বেহারী সৈন্য। ভয়ে সকলে আজিমের পক্ষে যোগ দিয়েছে।

শঙ্কর। বেশ, তুমি চ'লে এলে কেন ? তুমি কি লক্ষ সৈন্যের নাম শুনলে ভয়ে পালিয়ে এলে !

সূর্য্য। আমার গুরু—দরিদ্র ব্রাহ্মণ হ'য়ে বাদশাহর প্রতিষেধী ! আমি তাঁর কাছে মন্ত্রদীক্ষিত। ভয় কথা—আমার অভিধানে নেই।

শঙ্কর। বেশ, তবে মা যশোরেশ্বরীর নাম ক'রে তাঁর রাজ্যরক্ষাস্বরূপ শত্ৰুতকার্য্যে অগ্রসর হও। মহারাজ নিজের নগর রক্ষা করুন।

প্রতাপ। আজিম কে—তা জান ?—কত বড় বীর, তা কি তোমাদের জানা আছে ?

সূর্য্য। জানি মহারাজ ! আজিম দাক্ষিণাত্য-বিজয়ী দুদ্ধর্ষ বীর। এক মানসিংহ ব্যতীত তার সমকক্ষ সেনাপতি—আকবরের আছে কি না সন্দেহ ! আজিম বহু যোদ্ধার সম্মুখীন হ'য়েছে, বহু যোদ্ধাকে সংগ্রামে পরাস্ত ক'রেছে ! পরাজয় কাকে বলে—জানে না,—কিন্তু এটাও জানি—বাংগালায় তার প্রতিষেধী বাংগালী। আজিম দাক্ষিণাত্যের এক এক যুদ্ধে এক এক সেনাপতিকে পরাস্ত ক'রেছে। কিন্তু একটি জাতি যে যুদ্ধের সেনাপতি, যে স্থানের নগণ্য সৈন্য একমাত্র প্রাণের আদেশে পরিচালিত, আজিম কখনও সেরূপ সৈন্যের সম্মুখীন হয় নি।

—প্রকাণ্ড বাহিনীর ধ্বংস হয়, কিন্তু এক প্রাণে পরিচালিত একটি জাতি অতি ক্ষুদ্র হ'লেও তার বিনাশ নেই। মহারাজ ! কাঠবিড়ালী দিয়েই সাগরবন্ধন। অস্পে অস্পে সঞ্চিত মৃত্তিকাকণায় সাগর-হৃদয় ভেদ ক'রে যে বাঙ্গালার সৃষ্টি, সে বাঙ্গালার সঞ্চিত ক্ষুদ্র বাঙ্গালীশক্তিকণায় কি অসম্ভব সম্ভব হ'তে পারে না ?

প্রতাপ। সূর্য্যকান্ত ! তুমি জাতীয় জীবনের সমষ্টি। তোমার কথায় আমি বড় আনন্দ লাভ ক'র'লুম। কিন্তু এরূপ অবস্থায় আমিও ত ঘরে থাকতে পার'ব না ! তা হ'লে আমার গৃহরক্ষা করে কে ? দস্যুর আক্রমণ থেকে যশোরের কুলকামিনীদের বাঁচায় কে ?

কমলের প্রবেশ

কমল। মহারাজ ! রডা বোম্বেটে ধরা প'ড়েছে।

প্রতাপ। সত্য কমল—সত্য ?

কমল। গোলাম কি তামাসা ক'রবার আর লোক পেলে না জনাব !

শংকর। মহারাজ ! মা যার সহায়, তার আবার নিজের স্বন্ধে আশ্রয়ক্ষার তার গ্রহণের অভিমান কেন ? জয় মা যশোরেশ্বরী !

প্রতাপ। সূর্য্যকান্ত ! শীঘ্র যাও। সমস্ত সৈন্য মা যশোরেশ্বরীর পদপ্রান্তে সমবেত কর। সাবধান ! বঙ্গসন্তানদের এক বিপ্লব রক্তও যেন পথে নিপতিত না হয়। যদি পড়ে, তবে মায়ের চরণ রঞ্জিত করুক। হয় যশোর, নয় হিন্দুস্থান।

সূর্য্য। যথা আজ্ঞা।

প্রস্থান

প্রতাপ। শংকর !—ভাই, আমি কি কোন স্বপ্ন-রাজ্যে বাস ক'রছি ! রডা ধরা প'ড়ল !

শংকর। কে ধ'র'লে কমল ?

কমল। আজ্ঞে হুজুর—লড়কানি বিবি ধ'রেছে।

শঙ্কর । লড়কানি বিবি ধ'রেছে কি ?

কমল । আজ্ঞে—লড়কানি বিবি, কমলের হিপ, আর সুন্দরের জাল—
এই তিন রকমে ধরা প'ড়েছে ।

প্রতাপ । আর বোঝ্‌বার বা দরকার কি ! মা যশোরেশ্বরী ধ'রেছেন ।

কমল । এই—তবে আর বদ্বতে বাকী রইল কি জনাব !

হৃন্দর ও সৈন্তবেষ্টিত রডার প্রবেশ

রডা । কাকে বয় দেখাস্‌ তাই ! হামার কি মরণের বয় আছে ?
তা থাক্‌লে কি আর হামি চার হাজার ক্রোশ সাগর ডিঙিয়ে পটুংগাল থেকে
তোমাদের মূলদুকে আসি ।

সুন্দর । সুমুন্দি ! তুমি সাগর ডিঙিয়েছ ?

রডা । আলবৎ ডিঙিয়েছি !

সকলে । (সুন্দরে) হনুমান রামের কুশল কও শুনি ।

(ওরে) সীতে বড় জনম-দুখিনী ॥

প্রতাপ । সুন্দর !

সুন্দর । ওরে চুপ্‌ চুপ্‌—মহারাজ ! মহারাজ ! এই আপনার রডা
পটুংগীজ ।

প্রতাপ । তুমিই রডা ?

রডা । ডন্‌ রোডেরিগো ।

প্রতাপ । তা বেশ, সাহেব ! তোমাদের বীর জাতি সত্য । কিন্তু এ
অসভ্যদের দেশে এসে নিষ্ঠুরতায়, নৃশংসতায় হিংস্র জন্তুকে পর্য্যন্ত
হার মানিয়েছ । বীর জাতি তোমরা—কোথায় দুর্ব্বলকে রক্ষা ক'রবার
জন্মে এ জীবন উৎসর্গ ক'রবে, তা না ক'রে দুর্ব্বলের উপর অত্যাচার !
এই কি তোমাদের বীরত্ব, সভ্যতা, ধর্ম্ম ?

রডা । আমি যা ভাল বদ্বিয়াছি—করিয়াছি । তুমি রাজা, তোমার
মতলবে যা হয় কর ।

প্রতাপ । আমার বিবেচনার—ভীষণ শাস্তি ।

রডা । ভীষণ শাস্তি !

প্রতাপ । ভীষণ শাস্তি—প্রতি অংগ তোমার মরণের যন্ত্রণা অনুভব করবে ।

রডা । (স্বগত) ও মেরী !—মেরী !

প্রতাপ । প্রস্তুত হও ।

রডা । রাজা, আমাকে একদম কোতল কর ।

প্রতাপ । হত্যা করব না—তার অধিক যন্ত্রণা তোমাকে প্রদান করব । শোন সাহেব ! তুমি যতই অপরাধী হও, তথাপি তুমি বীর । তোমাকে আমি বীরযোগ্য কর্তিন শাস্তি প্রদান করি । আজ হ'তে তোমাকে আমি বঙ্গদেশ-কারাগারে চিরজীবনের মতন নিঃক্ষেপ কর'লুম ।

রডা । এই আমার শাস্তি ?

প্রতাপ । এই তোমার শাস্তি ।—আর তোমাকে আবদ্ধ কর'তে তোমার প্রতিশ্রুতিই তোমার প্রহরী ।

রডা । এই আমার শাস্তি ?

প্রতাপ । এই তোমার শাস্তি ।

রডা । (প্রতাপের পদতলে টুপি রাখিয়া) রাজা ! আজ থেকে তুমি আমার বাপ, (সুন্দরকে ধরিয়া) বাঙ্গালী আমার ভাই, বাঙ্গালা আমার জান্ । রাজা ! আজ থেকে আমি তোমার গোলাম ।

প্রতাপ । শঙ্কর ! ধূমঘাটে গির্জার প্রতিষ্ঠা হ'য়েছে, সেই স্থানে সাহেবের আত্মীয়-স্বজনের স্থান নির্দেশ কর ।

দ্বিতীয় দৃশ্য

যশোহর—রাজবাটি-প্রাঙ্গণ

ভবানন্দ ও গোবিন্দ রায়

ভবা । বড়রাজা যে চ'ললেন ।

গোবিন্দ । চ'ললেন ! সে কি !—কোপায় ?

ভবা । আপাততঃ কাশী, তার পর মা কালীর ইচ্ছায় 'ক' একটু হাঁ ক'র'লেই ফাঁসী ।

গোবিন্দ । আমি তোমার কথা বুঝতে পার'ছি না । কাশী ফাঁসী কি ?

ভবা । বড়রাজা বিবাগী হ'লেন ।

গোবিন্দ । কেন ? কি দুঃখে ?

ভবা । দুঃখে নয়—চক্রে ।—কুলকুণ্ডলিনী'ব চক্রে । এখন কোন রকমে ধুমঘাটটাকে কাশী পাঠাতে পার'লেই নিশ্চিন্ত । রাজকুমার স'রে যান—স'রে যান, ছোটরাজা আস'ছেন । এর পব শুন'বেন ।

গোবিন্দের প্রস্থান

বসন্ত রায়ের প্রবেশ

বসন্ত । হাঁ ভবানন্দ । চ'লে গেলেন ?

ভবা । চ'লে গেলেন না মহারাজ ! পালা'লেন । প্রাণের ভয়—
বড় ভয় ।

বসন্ত । যাবার সময়ে আমার সঙ্গে দেখাটা পর্য্যন্ত ক'বলেন না !

ভবা । দুঃখ কেন মহারাজ ! তিনি প্রাণ নিয়ে যেতে পেরে'ছেন,
এইতেই ভগবান'কে ধন্যবাদ দিন । বেঁচে থাক'লে একদিন না একদিন দেখা
হবেই হবে ।

বসন্ত । প্রাণটা বিক্রমাদিত্য রায়ের এতই বড় হ'ল যে, তার জন্যে তিনি আমার সঙ্গে দেখাটা ক'রবারও অবকাশ পেলেন না !

ভবা । তাই ত, তা হ'লে এটা কি রকম হ'ল !

বসন্ত । আমি যে তাঁর প্রাণ হ'তেও অধিক, ভবানন্দ !

ভবা । সে কথা আর ব'লতে হবে কেন মহারাজ ? রামলক্ষ্মণ ।

বসন্ত । দাদা আমার পালিয়ে গেছেন, কিন্তু কার ভয়ে পালিয়েছেন জান ভবানন্দ ?

ভবা । তা হ'লে বোধ হয় মানের ভয়ে ।

বসন্ত । মানের ভয়ে ! রাজা বিক্রমাদিত্যের মানে আঘাত করে এমন শক্তিম্যান্ বংশে কে আছে ?

ভবা । কে আছে ! কার ক্ষমতা ! বংশে ? পৃথিবীতে আছে ! তা হ'লে বোধ হয় বৈরাগ্য । আপনারা দু'টি ভাই ত নয়, যেন জোড়া প্রহ্লাদ ! বোধ হয় এই লড়ালড়ি ব'য়াপার তাঁর ভাল লাগল না । তাই চুপি চুপি গৃহত্যাগ ক'রেছেন । আপনার সঙ্গে সাক্ষাৎ হ'লে পাছে যেতে না পান—পাছে আপনি তাঁর পথরোধ করেন, তাই আপনাকেও না ব'লে তিনি চ'লে গেছেন—আপনার টান ত আর সহজ টান নয় !

বসন্ত । কা'লকে রাত্রে একটি দু'ঘ'টিনা ঘটেছে ।

ভবা । দু'ঘ'টিনা ?

বসন্ত । বিষম দু'ঘ'টিনা । বসন্ত রায় বৃদ্ধবয়সে উন্মত্তের মতন আচরণ ক'রেছে । পরিস্ফিট্যেষ্ট্রী কোন নরাদম, অন্তরাল থেকে আমার কথা শুনে, নিশ্চয় বড়রাজার কাছে প্রকাশ ক'রেছে ।

ভবা । এ সব কি কথা, কিছু ত বুঝতে পারছি না মহারাজ ।

বসন্ত । সে সব কথা শুনে, আমাকে মুখ দেখাতে হবে ব'লে দারুণ লজ্জায় তাই আমার বৃদ্ধবয়সে দেশত্যাগী হ'য়েছে । ভবানন্দ ! যৌবনে বিষয়-সম্পর্ক ত্যাগ ক'রে ম'রবার সময়ে আমি সিরিকানি ক'রেছি । দাদা

ছেলেকে দশ আনা বিষয় দিগেছেন, আর আমার দিয়েছেন ছয় আনা ।
কুসঙ্গে আমি অসন্তোষের ভাব প্রকাশ ক'রেছি । তার ফলে যিনি আজীবন
পুত্রের অধিক স্নেহচক্ষে আমায় দেখে আসছেন—যিনি আমার ধর্ম্ম ক'র্ম্ম,
দেবতা—যাঁর সঙ্গ-প্রলোভনে আমি গোবিন্দদাসের পবিত্র সঙ্গ ত্যাগ ক'রে
ব'সে আছি—সেই আমার ভাই—সহোদরাধিক—পিতা—হতভাগ্য আমি
আজ তাঁকে হারিয়েছি ।

ভবা । ওহো !

বসন্ত । ভবানন্দ । আমার কি গেছে, তা জান ?

ভবা । তা কি আর জান'ছি না মহারাজ ?

বসন্ত । কিছুই জান না ।

ভবা । তা কেমন ক'বে জান'ব ?

বসন্ত । আমার গোবিন্দদেবের মূর্ত্তি ভেঙ্গে গেছে ।

ভবা । হা গোবিন্দ ! (শিরে করাঘাত)

বসন্ত । এমন নিষ্ঠুর কায'্য কে ক'রলে ভবানন্দ ?

ভবা । সেখানে কেউ ছিল ?

বসন্ত । প্রতাপ আর শঙ্কর ।

ভবা । তাই ত—তাই ত । তবু কি—চক্র—চক্র—বস্তী—

বসন্ত । উহু সে ব্রাহ্মণ ত নীচ নয় ।

ভবা । উঁচু—উঁচু ! মেজাজ কি—মেজাজ কি । তাই ত তা'ব'ছি
—তা কেমন ক'রে হয় । তা হ'লে এমন কাজ কে ক'রলে !

বসন্ত । কে ক'রলে ভবানন্দ । এমন নীচ কাজ কে ক'রলে ?

ভবা । তাই ত—এমন কাজ কে করলে মহাবাজ ?

বসন্ত । যেই হ'ক, জা'ন্তে পা'র্ব'ই । কিন্তু যদি জান'তে পারি—
কে ক'রেছে, তা সে যদি ব্রাহ্মণও হয়, তথাপি আমার কাছে তার মর্যাদা
ধা'কবে না ।

ভবা । নিশ্চয় ।—(স্বগত) আর থাকা মংগল নয় । (প্রকাশ্যে)
মহারাজ ! ছোটরাণী-মা আসছেন ! (স্বগত) দোহাই কালী, শিবদুর্গা !
সংকট—সংকট !

এখানে

ছোটরাণীর প্রবেশ

ছোট । একি মহারাজ ! আপনি এখানে ! কাউকে না বলে আপনি
ধুমঘাট থেকে চ'লে এসেছেন ! বৌমা মহালক্ষ্মীর প্রসাদ নিয়ে সারা রাত
আপনার অপেক্ষায় । কেউ কিছু মুখে দিতে পারে নি । ব্যাপারখানা
কি—আপনার এ কি ভাব মহারাজ ?

বসন্ত । আমার শরীফ বড় অসুস্থ ।

ছোট । না—তা ত নয়—শরীর ত অসুস্থ নয় । দোহাই প্রভু !
দাসীকে গোপন ক'রবেন না । শারীরিক অসুস্থতায় ত মহারাজ বসন্ত রায়
এমন কাতর ন'ন । এমন মূর্খতা ত আপনাকে কখন দেখিনি ।

কাত্যায়ণী, উদয়াদিত্য ও বিন্দুমতীর প্রবেশ

কাত্যায়ণী ক'ক বসন্তের পদধারণ

বসন্ত । ছাড় মা—ছাড় ।

কাত্যায়ণী । কন্যার মুখ দেখে দয়া করুন ।

উদয় । হাঁ দাদা ! আমাকে পরিত্যাগ ক'রলে ?

বিন্দু । হাঁ দাদা ! আমাকেও পরিত্যাগ ক'রলে ?

বসন্ত । জীবন পরিত্যাগ ক'রতে পারি, তবু কি তাই তোমাদের
পরিত্যাগ ক'রতে পারি !

বিন্দু । আমাকে তুমি পাতের প্রসাদ দেবে বলে আশ্বাস দিয়ে এলে !

উদয় । আমরা সব হারিপতোশ হ'য়ে ব'সে আছি—

বসন্ত । পা ছাড় মা—পা ছাড় !

কাত্যা । বলুন—কমা ক'রলুম ।

বসন্ত । কার ওপর রাগ, তা কমা ক'রুন মা ! প্রতাপ যে আমার সব ।

ছোট । এ সব কি কথা মহারাজ !

উদয় । কথা আর কি ? আমরা দাদার প্রাণ ছিলুম । এখন বরাত মন্দ—চক্ষুঃশূল হ'য়েছি । হাঁ দাদা ! ঠাকুর মানুষেও মিথ্যা কথা কয় ?

বিন্দু । তখন দাদার দু'এক গাছা কাঁচা চুল ছিল—আমাদের সংগে ভাবও ছিল । এখন সে ক'গাছি চুলও পেকে গেছে, আমাদেরও বরাত উঠে গেছে ।

বসন্ত । নে, শালী—জ্যেষ্ঠামো করে না. থাগ্. রামচন্দ্র আসুক. তোর বিদ্যে প্রকাশ ক'রে দিচ্ছি ।

কল্যাণীর প্রবেশ

কল্যাণী । মহারাজ ! দরিদ্র ব্রাহ্মণী, আপনার প্রতাপের কল্যাণে পাষণ্ডের হাত থেকে উদ্ধার পেয়ে আপনার গৃহে আশ্রয় পেয়েছে । এই ব্রাহ্মণ-কন্যার মুখ চেয়ে আপনি প্রতাপের শত অপরাধ ক্ষমা করুন ।

বসন্ত । আর কেন লজ্জা দাও মা । এই যে আমি উঠছি ' নে শালী ! হাত ধর - তোল - দু'গাঁ !—দেখিস্ হাত ছাড়িসনি ।

ছোট । তাই ত বলি, প্রভুর আমার এমন মূর্ত্তি কেন ? বৃদ্ধবয়সে কি আপনার বৃদ্ধি লোপ পেলো মহারাজ ? প্রতাপের ওপর রাগ ক'রে আপনি মহালক্ষ্মীর প্রসাদ ফেলে চ'লে এলেন ! ছেলেমেয়েগুলোকে সব উপবাসী ক'রে রাখলেন ।

শঙ্করের প্রবেশ

শঙ্কর । ইসখাঁ মমসরআলী আসছেন !

বিন্দুমতী ব্যতীত নারীগণের প্রস্থান

ইসাখাঁ। (নেপথ্যে) ছোটরাজা ঘরে আছ ?

শব্দকর। আস্তে আস্তে হয়।

ইসাখাঁর প্রবেশ

ইসাখাঁ। বেশ ভায়া, বেশ!—নাতি-নাতনীর সঙ্গে নিষ্পন্ন
রহস্যলাপ হচ্ছে নাকি ?

বিশ্বদু। সেলাম তাইগাহেব। (সকলের অভিবাদন)

ইসাখাঁ। কি বুদ্ধি ! দাদার সঙ্গে এত ভালবাসা—সে দাদা তোকে
ফেল পালিয়ে এল !

বসন্ত। এস নবাব। কখন আমাদের ভাগ্য সুপ্রসন্ন হ'ল ?

ইসাখাঁ। ভাগ্য সুপ্রসন্ন তুমি আর হ'তে দিচ্ছ কই ? আমি এসে
সাবা ধূমঘাট তোমাকে খুঁজে ছালাক হ'লুম, আর তুমি কিনা ছেলের
ওপর রাগ ক'রে ঘরের কোণে লুকিয়ে আছ ! আরে ছি ! তুমি না
ঠাকুর বসন্ত রায় ! ঠাকুর মানদুখটা হ'য়েও যদি তোমার এত অতিমান,
তখন ঝাঁসাজেবের আত্মবিস্ময়ের কথা নিয়ে তোমরা এত তামাসা কর
কেন ? নাও, উঠে এস। প্রতাপ কে ? তুমিই ত সব। বাঘ-ভালুকের
আশাসভূমিকে তুমি মানবারণ্যে পরিণত ক'রেছ। সোনার ধূমঘাট
শুন'লুম, তোমাবট কল্পনাস্রষ্ট পরীক্ষান। সব ক'রে শেষকালটা জোর করে
আপনাকে ফলভোগে বঞ্চিত ক'রেছ।—নাও, উঠে এস। আমরা আর
বিলম্ব ক'রতে পার'ব না। শীঘ্র এস লক্ষ সৈন্য নিয়ে মোগল আমাদের
দেশ আক্রমণ ক'রতে আসছে। এখন আমাদের সবাইকে লড়ায়ে
যেতে হ'বে।

বসন্ত। তা হ'লে তাই, আমার জন্যে আর অপেক্ষা ক'রো না।
ঈশ্বরের নাম নিয়ে তোমরা অগ্রসর হও। আমি যাচ্ছি।

ইসাখাঁ। বহুত আচ্ছা। এস বাবাজী, চ'লে এস।

তৃতীয় দৃশ্য

কালীঘাট—উপকণ্ঠ

হুখময়, মদন, হুন্দর ও হুর্ষ্যকান্ধ

সুখ । আমি ছদ্মবেশে বরাবর মোগলের সঙ্গে আছি । বরাবর খবর রেখেছি । আজ রাত্রের মধ্যে সমস্ত সৈন্য নদী পার হ'বে । কতক পলটন আর জনকয়েক আমীর নিয়ে আজিম আগে থাকতেই নদী পার হ'য়েছে ।

মদন । রাজা আমাদের ক'রছেন কি ! এখনও এগুতে দিচ্ছেন ।

সুর্ষ্য । রাজার কার্যের সমালোচনায় তোমাদের কোনও অধিকার নেই । শুদ্ধ মাত্র প্রাণপণে তাঁর আদেশ পালন কর ।

সুন্দর । তাই ত, তকে দরকার কি ! হুজুর যা হুকুম করেন তাই শোন ।

সুখ । এখনও কি আমাদের পেছাতে হ'বে ?

মদন । আর পেছালে যে যশোরে গিয়ে পিঠ ঠেকাবে !

সুন্দর । যশোরেই পিঠ ঠেকুক, কি ইচ্ছামতীর কুমীরের পেটেই মাথা ঢুকুক, আমরা সব না ম'লে ত মোগল যশোরে ঢুকতে পারবে না ।

মদন । জান্ থাকতে মোগল যশোরে পা ঠেকাবে !

সুন্দর । বস্ তবে আর কি ! তবে আমাদের আর পেছাপিছির কথায় দরকার কি !

মদন । আমাদের এখন কি ক'রতে হ'বে হুকুম করুন ।

সুর্ষ্য । প্রস্তুত হ'য়ে থাক । আমি হুকুম আনছি । এ যুদ্ধের সেনাপতি রাজা—আমি নই !

প্রহান

সুন্দর । ব্যাপার বুঝতে পারছিন্ না ! রাজা এসেছেন, উজীর এসেছেন, ইসাখাঁ মসন্দরী এসেছেন—তাঁর ওপর খোড়-শওয়ারের ভার ।

ভাওয়ালের নবাব ফজলগাজি—তিনি এসে হাতী-সওয়ারের তার নিয়েছেন। গোবিন্দ রায় গাজী সাহেবের সঙ্গে থাকবেন। জামাই রাজা—বাকলার রামচন্দ্র পর্য্যন্ত এসেছেন। রডা সাহেবের সঙ্গে থাকতে তাঁর ওপর হুকুম হ'য়েছে। সবাই একস্থানে জমা হ'য়েছে। বুঝতে পারছিন্ না, এ এক রকম জেহাদ—ধর্ম্‌যুদ্ধ। হয় এস্তার—নয় ওস্তার।

শূর্য্যকান্তের প্রবেশ

সূর্য্য। মদন!

মদন। জনাব!

সূর্য্য। মোগল নদী পার হ'চ্ছে। তোমরা শীগ্‌গীর পেছিয়ে যাও।

মদন। কোথায় যাবে?

সূর্য্য। তুমি চেত্‌লার পথ আটকে থাক। সাবধান! একজন মোগলও যেন সে পথে প্রবেশ না করে। সন্দর! তুমি দোসরা হুকুম পর্য্যন্ত বজ্রবেজ থাক। আজ রাত্রেই আমাদের অদৃষ্ট পরীক্ষা।

উভয়ে। গো হুকুম।

প্রস্থান

সুখ। আমার ওপর কি হুকুম?

সূর্য্য। তুমি যেমন মোগল সৈন্যের ভেতর গুপ্তভাবে আছ, তেমনই থাক। কেবল তুমি কোণলে মোগলকে এই স্থানে জড় কর।

সুখ। যো হুকুম।

প্রস্থান

প্রতাপের প্রবেশ

প্রতাপ। সেনাপতি!

সূর্য্য। মহারাজ!

প্রতাপ। মদন, সন্দরকে পেছিয়ে যেতে হুকুম ক'রেছ?

সূর্য্য। ক'রেছি। কিন্তু মহারাজ! ক্ষমা করুন, আমি মোগলকে আর এগুতে দিতে ইচ্ছা করি না।

প্রতাপ। না ইচ্ছা ক'রে কি ক'রবে সূর্য্যকান্ত! অসংখ্য স্নানশিক্ষিত মোগল-সৈন্য। আমাদের অধ্বাশিক্ষিত বাঙ্গালী সৈন্য উন্মুক্ত প্রান্তরে কতক্ষণ তাদের তীব্র আক্রমণের বেগ সহ্য ক'রতে পারবে? এরূপ কার্য্য পরাজয় অবশ্যম্ভাবী! তখন তুমি কি ক'রবে? নিম্নলি কতকগুলি বীরশোণিতপাত আমি বুদ্ধিমানের কার্য্য বিবেচনা করি না। সম্মুখ-সমরে দেহত্যাগে যে স্বর্গ, আমি সে স্বর্গ চাই না। যে কার্য্য স্বর্গাদপি গরীয়সী মাতৃভূমির বিস্মৃতিও উপকার হয়, সে কার্য্য যদি নরকও অদৃষ্টে থাকে—সূর্য্যকান্ত! যদি বন্ধুতে পারি—মা আমার বেঁচেছে, তা হ'লে আমি হাসিমুখে নরকেও প্রবেশ হতে পারি। মোগলকে কোশলে পরাভব ক'রতে না পারলে শত্রু বীরত্ব-প্রদর্শনে পরাস্ত ক'রবার চেষ্টা বিভ্রম্বনা! একবার লক্ষ্য সৈন্যের সঙ্গে যুদ্ধে পরাস্ত হ'লে, আর কি তুমি যশোর রক্ষা ক'রতে পারবে?

সূর্য্য। তা হ'লে আমি কি ক'রব—আদেশ করুন!

প্রতাপ। গাজী সাহেবকে কোথায় পাঠালে?

সূর্য্য। গাজী সাহেবকে রায়গড়ের পথে থাকতে ব'লেছি! মন্সুর আলি সাহেবকে ফল্গতার কেজা আগলাতে পাঠিয়েছি।

প্রতাপ। তা হ'লে তুমি ঘর রক্ষা কর। যদিই বিপদ ঘটে, তা হ'লে শু পুরবাসিনীদের মর্যাদা রক্ষা কর!

সূর্য্য। আর আপন?

প্রতাপ। আমি আর শত্রুর এখানে থাকি।

সূর্য্য। তা কি হয়! আপনি ধুমধাটের পথ রক্ষা করুন।

প্রতাপ। দুর্য্যাক্ত হ'য়ো না সূর্য্যকান্ত!

সূর্য্য। মহারাজ প্রতাপ-আদিত্যের মহিষী নিজের মর্যাদা নিজে

রক্ষা ক'রতে জানেন। তাঁর জন্যে সদ্য্যকাস্তের অস্তিত্বের প্রয়োজন নাই।

প্রতাপ। সদ্য্যকাস্ত ! তুমি আমার প্রাণ হ'তে প্রিয়তর।

সদ্য্য। সুতরাং মহারাজ প্রতাপ-আদিত্যের অস্তিত্ব আগে প্রয়োজন। নতুবা এ প্রাণের অস্তিত্বের মূল্য নেই। ক্ষমা করুন মহারাজ ! গোলাম আজ আপনার বাক্যের প্রতিবাদ ক'রছে। (নতজান্দু)

প্রতাপ। (স্বগত) দেখছি আজ যশোরেশ্বরীর ইচ্ছা, আত্মরক্ষা নয়—আক্রমণ ! ভাল, মায়ের ইচ্ছাই পূর্ণ হোক। (প্রকাশ্যে) যাও—শীঘ্র যাও। সমস্ত সেনাপতিদের ফিরিয়ে আন। তোমার মনোমত স্থানে সমবেত কর। হয় ধনংস, নয় হিন্দুস্থান।

সদ্য্য। যো হুকুম।

প্রস্থান

শঙ্করের প্রবেশ

শঙ্কর। মহারাজ ! রাজা গোবিন্দ রায় ও জামাতা রাজা রামচন্দ্র—উভয়েই যুদ্ধক্ষেত্র ছেড়ে প্রস্থান ক'রেছেন।

প্রতাপ। কেন ?

শঙ্কর। গোবিন্দ রায় গাজী সাহেবের অধীনে কাজ ক'রতে চান না—রামচন্দ্র রডার অধীনে যুদ্ধ ক'রতে অনিচ্ছুক।

প্রতাপ। তাদের সম্বন্ধে স্থির ক'রলে কি ?

শঙ্কর। স্থির কিছন্দ ক'রতে পারিনি। তবে আপনার আদেশের অপেক্ষা না ক'রে তাদের গ্রেপ্তার ক'রতে লোক পাঠিয়েছি।

শঙ্করের প্রস্থান

প্রতাপ। বেশ ক'রেছে—আপাততঃ এই পর্য্যন্ত। কি ক'রলুম ! ভাল কি মন্দ—চিন্তা ক'রবারও অবকাশ নেই।—জয় যশোরেশ্বরী ! তোমার যশোর আজ দুর্জয় শত্রু কতর্ক আক্রান্ত। এ দারুণ বিপদে তোমার চরণ স্মরণ ভিন্ন আমার আর কি চিন্তা আছে !

বিষম সময়—শত্রু স্বারদেশে—কর্তব্য স্থির করবার পর্য্যন্ত অবসর নেই। রক্ষা কর দয়াময়ি ! বঙ্গের সমস্ত বীর সন্তান আমার আদেশের অপেক্ষা করছে। আমি কি করছি—বদ্বতে পারছি না। রক্ষা কর মা—রক্ষা কর। সে সমস্ত নিঃস্বার্থ স্বদেশ-হিতৈষী মহাপুরুষগণের মর্যাদা রক্ষা কর।

বিজয়ীর প্রবেশ

বিজয়া। প্রতাপ !

প্রতাপ। কেও—মা !

বিজয়া। কি ভাবছ ?

প্রতাপ। কপালিনি ! কি ভাবছি—তুমি কি বদ্বতে পারছ না ?

অগণ্য মোগল যশোরেশ্বরীর স্বারদেশে—

বিজয়া। অতিথি ?—সুখের কথা। তাদের সংকারের কিরূপ আয়োজন করেছে ?

প্রতাপ। আমি এখনও তাদের আমার অন্তিম পর্য্যন্ত জানতে দিইনি।

বিজয়া। কেন ?

প্রতাপ। মনে মনে সঙ্কল্প—বিনা বাধায় তাদের ভাগীরথী পার হ'তে দেব। ভাগীরথীর এপারে প্রতাপ-আদিত্যের অদৃষ্ট পরীক্ষা। মায়ের যদি ইচ্ছা হয়, তা হ'লে এইখানেই প্রতাপ-আদিত্যের ধ্বংস হোক। নতুবা একজন মোগলও যেন সম্রাটের সৈন্যধ্বংসের সংবাদ দিতে আগ্রহ উপস্থিত না হ'তে পারে। স্থির করেছি—মোগল যেমন এ পারে এসে উপস্থিত হ'বে, অম্নি চারিদিক থেকে প্রাণপণ-শক্তিতে তাদের আক্রমণ করব। তার পর মা যশোরেশ্বরীর ইচ্ছা !

বিজয়া। উত্তম যুক্তি। কিন্তু প্রতাপ ! ভাগীরথী পার হ'য়ে মোগল যদি এখানে উপস্থিত না হয় ?

প্রতাপ। সে কি!—এ পারে লক্ষ লোকের অধিষ্ঠান-যোগ্য স্থান আর কোথায়!

বিজয়া। আছে। তুমি দেখনি। যুদ্ধবিশারদ আজিম, প্রতাপের সৈন্য কতৃক বেষ্টিত হ'তে এখানে এসে রাত্রি যাপন ক'রবে না। সে রাত্রিবাসযোগ্য সুন্দর সুদৃঢ় স্থান আবিষ্কার ক'রেছে। তুমি বদ্বর্ত্তে পারিনি!

প্রতাপ। তা হ'লে ত দেখছি, সমস্ত আয়োজন নিষ্পল হ'ল—আজিমের গতিরোধ হ'ল না!

বিজয়া। যেমন ক'রে হোক, গতিরোধ কর্ত্তেই হবে। কিন্তু প্রতাপ! লক্ষ সৈন্য দিয়ে লক্ষের গতিরোধে গৌরব কি? অল্প সৈন্য দিয়ে যদি সে কার্য সাধিত হয়, তা হ'লে কি সে কাজটা ভাল হয় না?

প্রতাপ। এ তুই কি বলছিস্ মা! আমার মস্তিস্ক বিচলিত!

বিজয়া। আমার সম্মানের রক্তে ভাগীরথীর শূদ্র অঙ্গ রঞ্জিত হ'বে। —তা আমি কেমন ক'রে দেখব? প্রতাপ! মুষ্টিমেয় সৈন্যে সাগর-প্রমাণ মোগল সৈন্যের গতিরোধ কর। আমার প্রিয়পুত্র প্রতাপ-আদিত্যের যশ দিগ্দিগন্তে ব্যাপ্ত হোক্।

প্রতাপ। কি ক'রে হবে মা?

বিজয়া। উপায় স্থির কর। যেমন ক'রে হোক্, হওয়া চাই। আজকের তিথি কি জান?

প্রতাপ। চতুর্দশী।

বিজয়া। রাত্রে অমাবস্যা। ওই যে অদূরে জঙ্গলবেষ্টিত স্থান দেখ্ছ, ওই স্থানের নাম কি জান?

প্রতাপ। জানি—কালীঘাট।

বিজয়া। ওই স্থানে এসে মোগল রাত্রে মৃত বিশ্রাম ক'রবে।—

বেগে হৃথময়ের প্রবেশ

সুখ । মহারাজ । সর্বনাশ । মোগল পার হ'ল—কিন্তু—এখানে
এল না ।

প্রতাপ । ভয় নেই—তুমি নিশ্চিন্ত থাক—কেবল তাদের গতিবিধি
লক্ষ্য রাখ ।

হৃথময়ের প্রস্থান

বিজয়া । ওই কালীঘাটে তোমার খুল্লভাত রাজা বসন্ত রায়ের
গুরু ভুবনেশ্বর হালদার ব্রহ্মচারী ওই স্থানে বাস করেন । ওই দেখ, দূরে
তৎপ্রতিষ্ঠিত মায়ের মন্দির । রাজা বসন্ত রায় নিজে ওই মন্দির নিম্মার্ণ
ক'রে দিয়েছেন । ওই স্থানটিকে চারিদিক দিয়ে বেষ্টিত ক'রে চারিটি নদী
প্রবাহিত । নিশ্চিন্ত হ'য়ে মোগল ওই স্থানে রাজ্যের জন্য বিশ্রাম গ্রহণ
করবে । সহস্র চেষ্টায়ও তোমার স্তলচারী সৈন্য ওর সমীপস্থ হ'তে পারবে
না । আর মুহূর্ত পরেই দেখতে পাবে—ভূমি ভৈরব গজ্ঞানে বিষম
ফেনোদগীরণ ক'রতে ক'রতে আকাশস্পর্শী জলোচ্ছ্বাস ওই স্থানের
তটভূমিকে আঘাত ক'রছে । মুহূর্ত মধ্যেই ওই স্থান একটি সুন্দর দ্বীপে
পরিণত হ'বে । গঙ্গায় আজ ষাঁড়বাড়ির বান । সাবধান প্রতাপ !
মোগল সৈন্য আক্রমণ ক'রতে গিয়ে নিজের সৈন্য ভাসিয়ে দিওনা ।

প্রতাপ । মা—মা ! এত করুণা !—বিপদবারিণি ! কোথা থেকে এ
অপদর্ক আলোক এনে সন্তানের চক্ষু প্রজ্বলিত ক'রলি ! অমাবস্যায়
পূর্ণিমার বিকাশ দেখা'লি !—জাহাজ ! জাহাজ !

বিজয়া । করালীর লোলজিহ্বা ঘবন-রক্তপানের জন্য লক্‌লক্‌ ক'রছে ।
প্রতাপ ! তুই এই ঘোর অমাবস্যায় অসংখ্য শত্রুশিরে মায়ের বলির
ব্যবস্থা কর ।

প্রস্থান

প্রতাপ । জাহাজ !—জাহাজ !—একখানা জাহাজ ।

রডা ও হৃদয়ের প্রবেশ

রডা । একখানা কি—দশখানা ।

সুন্দর । আর একশো ছিপ ।

প্রতাপ । কাণ্ডেন । আজ আমি সমস্ত সৈন্য নিয়ে এখানে এসেছি কেন জান ?

রডা । কেনো রাজা ?

প্রতাপ । শত্রু ব'সে ব'সে রডারিগের বীরত্ব দেখব । আমরা এ যুদ্ধে অস্ত্র ধ'রব না !

রডা । দরকার কি ! কেনো যে এত সৈন্য এনেছ রাজা ! আমি তা কিছদুই বদ্বতে পা'রছে না ।

প্রতাপ । আর বিলম্ব ক'রো না—প্রস্তুত হও । আমি এদিকে বেড়াঙ্গালের ব্যবস্থা করি । দেখো মা যশোরেশ্বর ! একটিও প্রাণী যেন আগ্রায় না ফিরে যায় ।

প্রস্থান

চতুর্থ দৃশ্য

কালীঘাট—পথ

আজিম খাঁ

আজিম । ব্যাপারখানা ত কিছদুই বদ্বতে পা'রলুম না ! ক্রমে ক্রমে ত প্রতাপ-আদিত্যের বাড়ীর দ্বারে এসে উপস্থিত হ'লুম, কিন্তু শত্রু কই !

জনৈক সৈনিকের প্রবেশ

সৈনিক । জনাব এখানে আছেন ?

আজিম । খবর কি ?

সৈনিক । জনাব !—তাজ্জব ব্যাপার !—এক আওরাৎ !

আজিম । আওরাৎ !

সৈনিক । আজ্ঞে হাঁ জনাব ! এমন খুবসুন্দর আওরাৎ কেউ কখনও দেখেনি ।

আজিম । কোথায় ?

সৈনিক । দরিয়ায় ।

আজিম । খবরটা কি ঠাণ্ডা হ'য়ে বল দেখি ।

সৈনিক । আজ্ঞে জনাব ! আমরা সব নদী পার হচ্ছি, এমন সময় দেখি, একখানা লম্বা সরু লাঘের ওপর চেপে এক বিবি আপনার মনে গান ধ'রেছে ! সেই গান না শুনে—আর সেই বিবিকে না দেখে—সব আমীর একেবারে দওয়ানা । চারিদিকে কেবল 'ধর্' 'ধর্' শব্দ । তখন বিবির লাও ছুটল—আমীরের লাও ছুটল । এখন কেবল আমীর আর বিবিতে ছুটোছুটি হ'চ্ছে !

আজিম । কি আপদ্ ! এ আবার কি ব্যাপার ! আর সব নৌকো ?

সৈনিক । আজ্ঞে জনাব ! তারা এগুতেও পা'রছে না, পেছতেও পা'রছে না । কেবল লায়ে লায়ে ঠোকাঠুকি হচ্ছে ।

প্রস্থান

আজিম । চল দেখি,—দেখে আসি ।

প্রস্থানোত্ত

দ্বিতীয় সৈনিকের প্রবেশ

২য় সৈ । জনাব—জনাব ! সব গেল ! দরিয়া নয়—জনাব—সয়তান ! সব গেল !

আজিম । ব্যাপার কি ?

২য় সৈ । নৌকো সব দরিয়ার মাঝখানে আসতে না আসতে দরিয়া ক্ষেপে উঠল ! যাচ্ছিল এদিকে, দেখতে দেখতে এদিকে ছুটল ! তরঙ্গের

শব্দ !—ঐ তালগাছের মতন উঁচু—শাদা ফেণা ! দেখতে দেখতে নৌকোর
ঘাড়ে চেপে প'ড়ল। দেখতে দেখতে মড়্ মড়্, ওলট-পালট—ভেসে
গেল—ডুবে গেল—মরণ-চীৎকার—এক ধাক্কায় অর্দ্ধেক ফোঁজ কাবার !

প্রস্থান

আজিম। হে ঈশ্বর ! কি ক'রলে। আমার ফোঁজ গেল ! বিনাযুদ্ধে
আমার ফোঁজ গেল ! (নেপথ্যে কামানের শব্দ)—ওরে একি রে ! যুদ্ধ
দেয় কে ?—যুদ্ধ দেয় কে ?

তৃতীয় সৈনিকের প্রবেশ

ওয় সৈ। ভাসা কেল্লা জনাব !—ভাসা কেল্লা ! তার ভেতরে
সয়তান—মানুষ নয় ! জনাব, সব গেল ! আমাদের কেল্লায় ঘেরেছে—
কেল্লায় ঘেরেছে। সব খেলে—সব খেলে !

প্রস্থান

আজিম। কি হ'ল !—য়্যা কি সর্বনাশ হ'ল !

সঙ্গে প্রস্থান

পঞ্চম দৃশ্য

গজাবক্ষ

নৌকা বাহিরী বিজয়ার গাহিতে গাহিতে প্রবেশ

গীত

এখনও তরীতে আছে স্থান।

ছুটে এস, উঠে এস, এই বেলা পাশে বস',
ক'রো না জীবন অবসান ॥

দেখ ভরী বেয়ে চলে,

ভরা গাঙ্গে চেউ তুলে

কূলে কূলে তুলে কত গান।

সেই তারা আকাশে

সেই হাসি বিকাশে

সেই চির আকুল পিয়াসে— চেউ সনে মাখামাখি গ্রাণ।

প্রস্থান

হৃন্দর ও রডার প্রবেশ

সুন্দর। দোহাই সাহেব! আর মেরো না! শাদা নিশেন তুলেছে।

রডা। চোপরাও শালা!

সুন্দর। দোহাই সাহেব! কামান বন্ধ কর।

রডা। লাগাও—মৎ বন্ধ কর।

(ঘুদু-জাহাজ হইতে গোলন্দাজগণের মোগল সৈন্যের উপর গোলাবর্ষণ)

সুন্দর। সেনাপতির হুকুম—শাদা নিশেন তুললে লড়াই বন্ধ। বন্ধ কর—সাহেব বন্ধ কর। (জাহাজ হইতে তোপধ্বনি)

রডা। *[শাদা নিশেন তুললে শাদা মানুষ মা'রতে বাইবেল নিষেধ আছে। কিন্তু কাল আদমি—অসত্য কাল—ড্যাম নিগার—গারিয়া ফেল—মারিয়া ফেল—উদ্ধাব কর। পুণিয়া আছে।]* (তোপধ্বনি ও নৈপথে আন্তর্নাদ) দেখো শালা! কিস্‌মাফিক্ চলতা ছায়—দেখো।

সুন্দর। তবে রে শালা!—(রডাকে বাহুদ্বারা বেগন)

রডা। বস্—সুন্দর! তোম'বি মেলেটরি, হাম'বি মেলেটরি। বস্ করো। মৎ টানো!

সুন্দর। হুকুম দাও। (রডার বংশীধ্বনি) বস্—চল সাহেব! তোমাকে মায়ের প্রসাদ খাইয়ে দিই।

পঞ্চম অঙ্ক

[প্রথম দৃশ্য]

আগ্রা—বাদসার কক্ষ

আকবর ও সেলিম .

সেলিম । জাহাপনা । এ গোলামকে তলব ক'বেছেন কেন ?

আক । বিশেষ প্রয়োজনে তোমায আজ আনিষেছি । সঙ্গে কেউ আছে ?

সেলিম । আজ্ঞে, গোলাম একা জাহাপনা ।

আক । দরজা বন্ধ কব । তার পব শোন—যা বলি, তা মন দিয়ে শোন ।—আমাব শারীরিক অবস্থা দেখতে পাচ্ছ ?

সেলিম । জাহাপনার শারীরিক ও মানসিক—দুটো অবস্থাই খারাপ ।

আক । শারীরিক যত, মানসিক তার চেয়ে শতগুণে বেশী । বাংগালায় কি ব্যাপার হচ্ছে, তা জান ?

সেলিম । শুনছি—বাংগালায় একটা ক্ষুদ্র ভূম্যধিকারী বিদ্রোহী হ'য়েছে ।

আক । হাঁ, ব্যাপারটা এইরূপই ব'লে আগ্রায় প্রচার । আর এই ভূম্যধিকারী বিদ্রোহী তিন্ন অন্য কোন নামে এ কথা হিন্দুস্থানে প্রচার ক'রতে দেব না । আর মোগল রাজত্বে ইতিহাসে এ সংবাদের একটিমাত্র অক্ষরও উদ্ধৃত হ'বে না । তা পরাজিত হই, কি জয়ী হই ।

সেলিম । একটা তুচ্ছ বাংগালী ভূম্যধিকারী বিদ্রোহে যে হিন্দুস্থানের বাদসা এতদূর চিন্তিত, এটা আমি বিশ্বাস ক'রতে পারি না ।

আক। হিন্দুস্থানের বাদ্‌সা কি সামান্য কারণেই এতদূর চিন্তিত !
সেলিম ! এ ভুঁইয়ার বিদ্রোহ নয় ।

সেলিম। তবে কি জাঁহাপনা ?

আক। বাঙ্গালীকে দেখেছ ?

সেলিম। দেখেছি, বড় বুদ্ধিমান্। কিন্তু শরীর সম্বন্ধে কি, আর
মন সম্বন্ধেই বা কি—বড় দুর্বল। শাস্ত, শিষ্ট, ধীর, মিষ্টভাষী, প্রেমপূর্ণ
প্রাণ—কিন্তু বড় দুর্বল—দুর্বলতার জন্য বাঙ্গালীতে একতা নেই—
বাঙ্গালীতে সত্যনিষ্ঠার অভাব—বাঙ্গালী পরচ্ছিন্নাশ্রয়ী, পরশ্রীকাতর,
স্বার্থপর। একা বাঙ্গালী মহাশক্তি—জ্ঞানে, বিদ্যায়, বুদ্ধিমত্তায়, বাক্-
পটুতায়, কার্যতৎপরতায় বাঙ্গালী জগতে অদ্বিতীয়—মহাশক্তিমান্
সম্রাটেরও পূজনীয়। কিন্তু একত্র দশ বাঙ্গালী অতি তুচ্ছ—হীন হ’তেও
হীন। অন্য জাতির দশে কার্য্য, বাঙ্গালীর দশে কার্য্যহানি !

আক। কিন্তু বাঙ্গালী নিজের দুর্বলতা বোঝে—এটা জ্ঞান ? আর
বুঝে যদি কার্য্য করে, তা হ’লে বাঙ্গালী কি হ’তে পারে, জ্ঞান ?

সেলিম। গোল্ডাকি মাফ হয় জাঁহাপনা—ওইটেতেই আমার কিছু
সন্দেহ আছে।

আক। আগে আমারও ছিল, কিন্তু এখন নেই ! বাঙ্গালীতে একতা
এসেছে। বাঙ্গালী একটা জাতি হ’য়েছে ! বাঙ্গালীর বিদ্রোহ—তুচ্ছ
ভুঁইয়ার বিদ্রোহ নয়। সাত কোটি বাঙ্গালীর বিশাল জাতীয় অভ্যুত্থান।
বল দেখি সেলিম ! হিন্দুস্থানের বাদ্‌সার তাতে চিন্তার কারণ আছে কিনা ?

সেলিম। অবশ্য আছে। কিন্তু এরূপ অসম্ভব ব্যাপার কেমন ক’রে
সংঘটিত হ’ল জাঁহাপনা ?

আক। অত্যাচার ! একমাত্র কারণ অত্যাচার ! নিরীহ, শান্তিপ্রিয়,
রাজতত্ত্ব প্রজ্ঞা, আজ অত্যাচারে উত্তেজিত হ’য়েছে। আমার নরায়ণ
কম্মচারিগণ, বাঙ্গালী-চরিত্রের বিকৃত চিত্র আমার সম্মুখে উপস্থিত

ক'রুত। অত্যাচারে উৎপীড়িত হ'য়ে প্রজা যখন আমার কাছে প্রতিকারের জন্য উপস্থিত হ'ত, তখন কুলাঙ্গার আর কতকগুলো বাঙালীর সহায়তায়, আমার কর্মচারী আমাকে বিপরীত ভাবে বদ্বিধিয়ে যেত। আমি কিছু বদ্বিধিতে না পেরে কর্মচারীর কথায় বিশ্বাস ক'রে প্রতিকারে অক্ষম হ'য়েছি। কখন কখন অত্যাচারের কথা, আমার কানের কাছে আসতে আসতে পথেই মিলিয়ে গেছে। নিরদ্বৈশ প্রজা বহুদিন নীববে অত্যাচার সহ্য ক'রেছে। কিন্তু সহিষ্ণুতারও একটা সীমা আছে আজ বাঙালী সেই সীমা অতিক্রম ক'বেছে। প্রতিকারের জন্য একত্র হ'তে গিয়ে একজন মহাশক্তিশালী যুবকেব কৌশলে তাবা আজ একটা মহান্ জাতীয় জীবনে উল্লসিত।

সেলিম। সে ব্যক্তি কে জাহাপনা ?

আক। তুমি তা'কে দেখেছ—তুমি তা'র সঙ্গে বন্ধুতা ক'রেছ, তা'র প্রকৃতিতে মুগ্ধ হ'য়ে তা'র উন্নতি-কামনায় তুমি আমাকে অনুরোধ ক'রেছ।

সেলিম। কে - প্রতাপ-আদিত্য ?

আক। প্রতাপ-আদিত্য। আমিও তা'র আচরণে মুগ্ধ হ'য়ে তাকে যশোরের আশ্রিত্য প্রদান ক'রেছি। সে এক কথায় আমাকে বশীভূত ক'বে রাজ্য পুরস্কার পেয়েছে। আমায় দেখে—আমার মুখের পানে এক দৃষ্টিতে চেয়ে, সে আমাকে বলিছিল, “জাহাপনা। আজও আপনি দূর্নিয়া জয় ক'রতে পারেন নি।” বিস্ময়ে আমি তার মুখের দিকে চাইলুম। দেখলুম—সেই উজ্জ্বল পলকহীন বিশাল চক্ষু আমার দৃষ্টিপথ ভেদ ক'রে হৃদয়মধ্যস্থ শক্তির ভাণ্ডার অন্বেষণ ক'ব্ধে। আমি রহস্য ক'রে জিজ্ঞাসা ক'রলুম—“প্রতাপ ! কিছু খুঁজে পেলেন ?” যুবক বললে—“জাহাপনা ! পেয়েছি। রাশি রাশি স্তূপীকৃত অতুলনীয় শক্তি। কিন্তু সম্রাট আকবরের শক্তির তুলনায় তাঁর জীবনের পরিমাণ অতি ক্ষুদ্র ! নহিলে পাঁচজন মোগল

নিম্নে যে ব্যক্তি ভারত আয়ত্ত্ব ক'রেছে, সে মহাপুরুষ পঞ্চাশজন ভারতবাসী নিম্নে কি পৃথিবী জয় ক'রতে পারে না ! পারে, কিন্তু ঈশ্বর আকস্মিকে শতবর্ষব্যাপী ঘোবন দান করেন নি। প্রিয়দর্শন দিল্লীশ্বরের মূখে আজ বার্কাক্যের ম্লান রেখা ! তাই, সময়ের অভাবে তিনি আজ কেবল ভারত নিয়েই সন্তুষ্ট !” আমি বল্লাম—“তুমি পার ?” প্রতাপ বল্লে—“বোধ হয়।” আমি কোতুহল-পরবশ হ'য়ে পরীক্ষার জন্যে তা'কে যশোর প্রদান করি। অল্প দিনের মধ্যে সেই যশোর বেহার পর্য্যন্ত ব্যাপ্ত হ'য়েছে। আর যদি এক পদ অগ্রসর হয়—কোনও ক্রমে বাংগালা যদি বারাণসীর এপারে এসে পড়ে তা হ'লে মোগলের হাত থেকে ভারত গিয়েছে জেনে রাখ। আমার শরীরের অবস্থায় বুদ্ধিতে পারছি, আমি আর অধিক দিন বাঁচব না। এ কার্য তোমাকেই ক'রতে হ'বে ! কাবুল যাক্, গোলকুণ্ডা যাক্, আমেদনগর যাক্—দিল্লী বাদে ভারতের অধিকৃত সাম্রাজ্য সব যাক্, একদিন না একদিন ফিরে পাবে। কিন্তু বাংগালা বারাণসীর পারে যদি অগ্ন্যুৎপ্রমাণ স্থানও অগ্রসর হয়, তা হ'লে মোগল-সাম্রাজ্য আর ফিরে পা'বে না। পাঁচজন মোগল নিম্নে ভারত-শাসন। মানসিংহ, বীরবল, ভগবান্দাস, টোডরমল্ল প্রভৃতির মলিন দর্পণে প্রতিফলিত হ'য়ে এই পাঁচজন মোগল পাঁচকোটির আবছায়া ধারণ ক'রে আছে। এ দর্প না ভাঙতে ভাঙতে শীঘ্র যাও। যত শীঘ্র পার, প্রতাপের গতিরোধ কর।

সেলিম। জাঁহাপনা কি গতিরোধের চেষ্টা করেন নি ?

আক। ক'রেছি। কিন্তু আজও পর্য্যন্ত কিছু ক'রতে পারিনি। সেরখাঁ গেছে, ইব্রাহিম পরাস্ত হ'য়ে পালিয়ে এসেছে। শেষে আজিম খাঁকে বাইশ আর্মির সঙ্গে দিঘে লক্ষ সৈন্যের অধিনায়ক ক'রে পাঠিয়েছি। কিন্তু আজও ত জয়ের সংবাদ কেউ আনলে না ! (নৈপথে দ্বারে করাঘাত) কে ও ?

সেলিম কর্তৃক স্বারোক্ষোচন ও দূতের প্রবেশ

আক । খবর ?

দুত । জাঁহাপনা ! ব'ল'তে গোলামের মুখে কথা আসছে না ।

আক । বদ'ল'তে পেরেছি — আজিমও হেরেছে ।

দুত । শত্রু হার নয় জাঁহাপনা ! — সব গেছে !

সেলিম । সব গেছে !

দুত । আজিম খাঁ মারা গেছেন, বাইশ আমীরের একজনও নেই ।
পঞ্চাশ হাজার ফৌজ ধ্বংস । বিশ হাজার বন্দী । বাকি আছে কি গেছে,
খবর নেই ।

আক । সেলিম ! এরূপ যুদ্ধেব খবর আর কখনও কি শুনেছ ? এক
লক্ষ সৈন্য সব শেষ । সেলিম ! শীঘ্র যাও—এই পাঞ্জাবুত্ হুকুম নাও ।
মানসিংহ কাবুল যাচ্ছে, পথ থেকে তাকে ফিরিয়ে আন । সমস্ত সাম্রাজ্যের
ভারে যশোরের ওপর চেপে পড় । মহম্মদ মাত্র বিলম্ব ক'রো না । সেলিম !
এ পরাজয় নয়, আমার মৃত্যু । কিন্তু আমার পানে চেয়ো না, আমার
মৃত্যুর অপেক্ষা ক'রো না । জলদি যাও—জলদি যাও । এ পরাজয়-সংবাদ
হিন্দুস্থানে রাষ্ট্র হবার পূর্বেই মানসিংহের সঙ্গে বাঙালায় সৈন্য প্রেরণ কর ।
ধ্বংস কর—ধ্বংস কর ।

দ্বিতীয় দৃশ্য

যশোহর—রাজাস্তম্ভপূর

বসন্ত রায়

বসন্ত । কি যে অদ্ভুত আছে কিছুই বদ'ল'তে পা'র'ছি না । দাদা
পুণ্যবান—অম্লানবদনে একদিনে সংসার ত্যাগ ক'রে চ'লে গেলেন, গিয়ে
কাশীপ্রাপ্ত হ'লেন । কিন্তু আমার পরিণাম কি ! আমি গোবিন্দদাসকে

ছা'ড়লুম—দাদাকে ছা'ড়লুম, কি সুখে যে ঘরে রইলুম, তা'ত ব'লতে পারি না। প্রতাপের কোষ্ঠির ফল বুঝি আমার উপর দিয়েই ফ'লে যায় ! গতক ভাল বুঝছি না। প্রতাপ বারংবার যোগল-জয়ে অচঞ্চল আরে আত্মহাবা হ'য়েছে যে, সে বাঙালী এ কথা একেবারে ভুলে গেছে। পুত্র-কলত্রপূর্ণ ছোট ছোট ঘরই যে বাঙালীর রাজ্য, তা আর প্রতাপের মনে নেই। 'বাংগালা বাংগালা' ক'রে প্রতাপ এমন সোনার রাজ্য স্বপ্নে প্রবৃত্ত। কি করি। কেমন ক'রে প্রতাপের ক্রোধ থেকে ছেলেপুলেগুলোকে রক্ষা করি।

ছোটরাণীর প্রবেশ

ছোটবাণী। হাঁ মহাবাজ, এ সব কি শুনি ?

বসন্ত। কি শুনছে ছোটবাণী ?

ছোটরাণী। প্রতাপ নাকি গোবিন্দকে কয়েদ ক'রতে হুকুম দিয়েছে ?

বসন্ত। কই না, একথা কে ব'ললে ?

ছোটরাণী। যশোরময় এ কথা রাষ্ট্র। আপনি না ব'ললে শুন'ব কেন ?

বসন্ত। কয়েদ ক'রতে হুকুম দেয় নি। তবে তোমার ছেলেদের সম্বন্ধে সুবিচার করতে প্রতাপ আমাকে অনুরোধ ক'রে পাঠিয়েছে।

ছোটরাণী। কেন ? আমার ছেলের অপরাধ ?

বসন্ত। অপরাধ খুবই ! যদি রাজার যোগ্য কার্য্য করতে হয়, তা হ'লে প্রাণদণ্ডই হ'চ্ছে তার অপরাধের শাস্তি। তোমার ছেলে সেনাপতির বিনা অনুমতিতে যুদ্ধস্থল ত্যাগ ক'রে পালিয়ে এসেছে। যুদ্ধের আইনে সেটা গুরু অপরাধ।

ছোটরাণী। কেন, আমার ছেলে ত তার অধীন নয় ?

বসন্ত । প্রতাপ বাঙ্গালার সাক্ষ্যভৌম । আমি যশোরের অধীশ্বর—
তার একজন সামন্ত রাজা । ন্যায়তঃ ধর্ম্মতঃ আমিই তার অধীন তা তোমার
ছেলে । তবে প্রতাপ আমাকে মান্য ক'রে শ্রদ্ধায় উচ্চ আসন দেয়—এই
আমার ভাগ্য ।

ছোটরাণী । তা হ'লে গোবিন্দকে আপনি শাস্তি দেবেন নাকি ?

বসন্ত । এই ত ব'ললুম—রাজার যোগ্য কার্য্য কর্ত্তে হ'লে, নিরপেক্ষ
বিচার ক'রলে শাস্তি দিতে হয় ।

ছোটরাণী । বেশ, তবে শাস্তিই দিন । কিন্তু জামাই রামচন্দ্রও
ত চ'লে এসেছে, কই তার বেলায় ত নিরপেক্ষ বিচার হ'ল না । সে ত
প্রতাপের নিজ বাড়ীতে মহা আদরে বাস করছে ! যত বিচার বুদ্ধি
দেউজীর বেলা '

উদয়াদিত্য ও বিন্দুমতীর প্রবেশ

উদয় । দাদা ! রক্ষা করুন ।

বিন্দু । দাদা । আমাকে রক্ষা করুন । (বসন্তের পদধারণ)—
(বাষ্পরুদ্ধ কণ্ঠে) ঠাকুরমা, রক্ষা কর ।

ছোটরাণী । ব্যাপার কি ?

বসন্ত । ব্যাপার কি ?

উদয় । পিতা রামচন্দ্রকে বন্দী ক'র্ত্তে আদেশ দিয়েছেন ।

বিন্দু । বন্দী নয় দাদামশাই ! হত্যা ! আমি বেশ বুঝেছি—হত্যা ।
বন্দী ক'রে নিয়ে গিয়ে, আমার অসাক্ষাতে তাঁকে হত্যা ক'র্বে ! দোহাই
দাদামশাই । অভাগিনীকে বৈধব্য যন্ত্রণা থেকে মুক্তি দিন ।

বসন্ত । দেখলে ছোটরাণী ।

ছোটরাণী । না—প্রতাপ যথার্থ রাজা বটে !—মেয়েকে—তাই কি
যে সে মেয়ে—উদয়াদিত্য হতেও প্রিয় যে বিন্দুমতী—তাকে বিধবা

ক'রতে সে অগ্রসর হ'য়েছে ! মহারাজ ! যে কোন উপায়ে মেয়েটাকে যে রক্ষা ক'রতে হচ্ছে !

বসন্ত । রামচন্দ্র কোথায় ?

উদয় । তাকে আমি লুকিয়ে রেখেছি ।

বসন্ত । কেমন ক'রে তাকে বাড়ী থেকে বা'র ক'রবে ?

উদয় । আমি এক উপায় ঠাওরেছি । আজ সন্ধ্যায় আপনার গৃহে নিমন্ত্রণ । সেই সুযোগে তাকে বেয়ারাদের সঙ্গে মশালচীর বেশে আমার পাল্কীর সঙ্গে সঙ্গে আপনার এখানে নিয়ে আসব ।

বসন্ত । উত্তম পরামর্শ । ভয় নেই দিদি ! আমি তাকে রক্ষা ক'রব ।

ছোটরাণী । যেমন ক'রে হ'ক, রক্ষা ক'রতেই হ'বে । রাজ্য-শাসনের অঙ্কিত এরূপ নিষ্ঠুরতা—বিধ্বংসী রাজারই শোভা পায় । হিন্দু—বিশেষতঃ বাঙ্গালীর—রক্ষা কর মহারাজ—রক্ষা কর । বিন্দুকে রক্ষা কর ! মোহাক্ষ প্রতাপকে রক্ষা কর ।

বসন্ত । যাও ভাই ! তুমি নাত'জামাইকে যে কোন উপায়ে পার, সরিয়ে দেবার ব্যবস্থা কর । ভয় নেই দিদি—কিছু ভয় নেই ।—যাও আর বিলম্ব ক'রো না ।

উদয়াদিত্য ও বিন্দুমতীর প্রস্থান

ছোটরাণী । ধন্য—প্রতাপ ! ধন্য তোমার হৃদয়বল !

বসন্ত । ছোটরাণী ! এখন তুমি প্রতাপকে কি বল'তে চাও ?

ছোটরাণী । মহারাজ ! আমি দুর্ব'লহৃদয়া রমণী—রাজচরিত্র বোঝা আমার সাধ্য নেই ।

বসন্ত । তোমার ছেলের সম্বন্ধে এখন কি বল ?

ছোটরাণী । দোহাই মহারাজ ! আমি না । আমাকে পুত্র-সম্বন্ধে কোন প্রশ্ন ক'রবেন না । ধার্মিক-চুড়ামণি মহারাজ বসন্ত রায়ের বা অভিযুক্ত ।

রাঘবের প্রবেশ

বসন্ত । রাঘব ! তোমার দাদা কোথায় ?

রাঘব । (সভয়ে) চাকসিরিতে বাঘ মা'রতে গেছে ।

বসন্ত । চ'দু ! বাঘ মা'রতে গেছে—না পালিয়েছে ? এখানে থা'কলে যদিও হতভাগ্য বাঁচ'ত, তা এখন আর কিছ'তেই তার নিস্তার নেই ।—কে আহ ? দেউড়ীতে কে আহ ?

প্রস্থান

অপর দিক দিয়া গোবিন্দ রাঘবের প্রবেশ

রাঘব । (অনুচ্চস্বরে) দাদা—দাদা ! (পলাইতে ইঙ্গিত)

গোবিন্দ । (অনুচ্চস্বরে) কেন—ব্যাপার কি ?

রাঘব । চুপ—চুপ । বাবা তোমাকে — (হত্যার ইঙ্গিত)—একেবারে ।
পালাও—পালাও । লম্বা চোঁটা—চাকসিরি—চাকসিরি !

তৃতীয় দৃশ্য

যশোহর-সান্নিধ্য—শিবির

শঙ্কর ও কল্যাণী

শঙ্কর । এ স্থানে কি মনে ক'রে কল্যাণী ?

কল্যাণী । স্বামীর কাছে স্ত্রী ত অন্যমনস্কেই আসে । মনে ক'রে আসে—এমন ত কখনও শুনিনি ।

শঙ্কর । গৃহস্থের বউ, অন্তঃপুর ছেড়ে অন্যমনস্কে চ'লে আসা, আমি ভাল বিবেচনা করি না ।

কল্যাণী । যখন গৃহস্থের বউ ছিলুম, তখন ত কই আসিনি । এখন স্বামী আমার সন্ন্যাসী ! শাস্ত্রমতে আমি সন্ন্যাসিনী । সংসার আমার ঘর । ঘরের এক প্রান্ত থেকে আর এক প্রান্তে এসেছি । দোষ কি ?

শঙ্কর । আমাকে যেন কোনও অনুরোধ ক'রো না ।

কল্যাণী । কেন—রাখতে পা'রবে না ?

শঙ্কর । অযোগ্য হ'লে পা'রব না ।

কল্যাণী । তুমি এ কথা যে ব'ল'তে পেরেছ—এই আশ্চর্য্য ! আমি জানি—তুমি আমার অনুরোধ এড়া'তে পা'রবে না ।

শঙ্কর । রহস্য নয় কল্যাণী । আমাকে কোনও অনুরোধ ক'রো না ! আমি রাখতে পা'রব না !

কল্যাণী । ভিখারী বামুনের ছেলে মন্ত্রী হ'য়ে, দেখছি একেবারে চাণক্যের ভায়রাভাই হ'য়ে প'ড়েছ ।

শঙ্কর । রাজার আদেশ কি, তা জান ? তাঁর জামাতার সম্বন্ধে যে কেউ আমার কাছে অন্যান্য উপরোধ নিয়ে আসবে, সে তৎক্ষণাৎ দেশ থেকে নিৰ্ব্বাসিত হ'বে । তা সে পদ্রুপই হোক—কি মন্ত্রীলোকই হোক । তা তিনি রাজমহিনীই হ'ন—কি মন্ত্রীপত্নীই হ'ন ।

কল্যাণী । সে ভয় আমাকে দেখিয়ে নিরস্ত ক'র'তে পার'ছ না, আমি ত নিৰ্ব্বাসিত হ'য়েই আছি ! প্রসাদপুত্রের সেই ক্ষুদ্র কুটীর—আমার শ্বশুরের ঘর—আর সেই ঘরের ঐশ্বর্য্য—পাঁচিশ বৎসরের স্বামিসঙ্গ যে দিন ছেড়ে এসেছি, সেই দিন থেকে ত আমি ফকির'ণী । আমাকে তুমি নিৰ্ব্বাসনের ভয় দেখাও কি !

শঙ্কর । তুমি বড়ই অত্যাচার আরম্ভ ক'র'লে কল্যাণী !

কল্যাণী । এখন অত্যাচার ব'লে বোধ হবেই ত ! আজকাল তুমি একজন বড়লোক—বংশেশ্বরের প্রধান সচিব । কত রাজারই ওপর আধিপত্য কর । একজন শক্তিমান রাজাকে আয়ত্তে পেয়ে তাকে হত্যা ক'র'তে চ'লেছ ! আমার সঙ্গ এখন অত্যাচার ব'লে বোধ হবেই ত !

শঙ্কর । আ ! এ ত ভাল জ্বালাতনেই প'ড়লুম্ ।

কল্যাণী । কিন্তু এই কল্যাণী বামনীর অত্যাচার সইতে শিখেছিলে, তাই তুমি এতটা বড় হ'য়েছ !

শঙ্কর । কল্যাণি ! এখনও ব'ল'ছি—স্বান ত্যাগ কর । নইলে মর্যাদা থাকবে না ।

কল্যাণী । কখন কিছূ চাইনি—আজ তোমার কাছে রামচন্দ্রের জীবন ভিক্ষা চাই ।

শঙ্কর । তা হ'তেই পারে না ।

কল্যাণী । তা হ'লে কি এই ঘোর অধর্ম ক'রতেই হ'বে ?

শঙ্কর । অধর্ম নয়—তবে—নিষ্ঠুর ধর্ম ।

কল্যাণী । জামাত-হত্যা—ধর্ম ?

শঙ্কর । রাজস্রোহী জামাত-হত্যা—ধর্ম । ধর্মপুত্র যুধিষ্ঠির প্রাণাপেক্ষা প্রিয়তর অজ্ঞানকে বার বৎসর বনে পাঠিয়েছিলেন ।

কল্যাণী । তার ফলে—কুরূক্ষেত্র ! আর যার পরামর্শে এই ধর্মের সৃষ্টি হ'য়েছিল, তাঁর গুণে প্রতাস—একদিনে যদুবংশ ধবংস । আমি দিব্য-চক্ষে দেখতে পাচ্ছি, এ পোড়া বাঙ্গালীর রাজত্বের আর বেশী দিন অস্তিত্ব নেই ।

প্রতাপের প্রবেশ

প্রতাপ । আশীর্বাদ কর মা—আশীর্বাদ কর ; শীঘ্র এ রাজ্যের ধবংস হোক ।

কল্যাণী । (সসঙ্কোচে) মহারাজ !—মহারাজ ! বদ্বতে পারিনি, —আমি জ্ঞানহীনা নারী ।

প্রতাপ । মিথ্যা কথা—তুমি জ্ঞানময়ী । তুমিই তোমার স্বামীকে উপদেশ দিয়ে এ রাজ্যের প্রতিষ্ঠা করিয়েছ । তুমি তোমার স্বামীকে জোর ক'রে প্রসাদপুর থেকে নির্বাসিত না ক'রলে, কেউ যশোরের নামও

শুনতে পেত না ! আমি কিন্তু রাজদণ্ড-ধারণে অনুপযুক্ত । কঠোর কৰ্ত্তব্যপালনে এখনও ইতস্ততঃ করছি—অপরাধীর শাস্তি দিতে পারছি না ।

কল্যাণী । হতভাগ্য রামচন্দ্র !

প্রতাপ । হতভাগ্য আমি । আমার নিজের শক্তি না বুঝতে পেরে রাজ্য প্রতিষ্ঠা করতে গেছি । আজ বণ্ণের একপ্রান্ত থেকে কাঞ্চনভরণী একাকিনী রমণী নির্ভয়ে, নিশ্চিন্ত মনে বণ্ণের অপর প্রান্তে চলে যাচ্ছে । নরষাভী দস্যু, ঠগ, এখন তার পানে লোলুপদৃষ্টিতে চাইতেও সাহস করে না । কিন্তু আর থাকে না—এ দিন আর থাকে না । * [আমি দিব্যচক্ষে দেখতে পাচ্ছি—বাংগালীর চিরন্তন দুর্দশা আবার তাকে গ্রাস করবার জন্যে খীরে ধীরে তার দিকে অগ্রসর হচ্ছে ।] * আমি কৰ্ত্তব্য কস্মিন্ ত্রুটি করছি । (নেপথ্যে কামানের শব্দ)—কি এ !

কমলের প্রবেশ

কমল । মহারাজ ! জামাই রাজ্য পালা'লেন !

প্রতাপ । এ কি সেই নরাধমই কামান ছুঁড়লে ?

কমল । আজ্ঞে হাঁ ! কামান ছুঁড়ে জানিয়ে গেলেন ।

প্রতাপ । কমল ! যার সাহায্যে এ নরাধম পালিয়ে গেছে, তার মাথা যদি এখন আমার নিকট এনে উপস্থিত করতে পার, তা হ'লে তোমাকে মহামদলা পুরস্কার দিই । সে হতভাগ্য যদি আমার পুত্রও হয়, তথাপি তাকে হত্যা করতে কুণ্ঠিত হ'য়ো না ।

কমল । যো হুকুম ! তা হ'লে সেলাম ! মহারাজ ! গোলামের শত অপরাধ ক্ষমা করুন ।

প্রতাপ । তোমার অপরাধ কি ?

কমল । আজ্ঞে জনাব, এই বেইমানই অপরাধী ! আমাকে অন্দর-

রক্ষার ভার দিয়েছিলেন। সুতরাং আমিই অপরাধী। জামাই রাজা গোলাম সেজে মশালচীর বেশ ধরে পালিয়ে যাচ্ছিলেন। আমি চিন্তে পেরেছিলুম—তাকে ধরেও ছিলুম ! ধরে রাখতে পারলুম না।

প্রতাপ। কেন ?

কমল। শূদ্ধ একজনের জন্যে পারলুম না। তাঁর কাতরোক্তিতে কমলের কঠোর প্রাণ গলে গেল, হাতের বাঁধন খসে গেল।

প্রতাপ। কে সে ?

কমল। বলুন, তাঁকে হত্যা করবেন না ?

প্রতাপ। তুমি না বললেও জানতে পারব।

কমল। কিছুতেই না—বিশ বৎসর চেষ্টা করলেও না। আপনি কমলকে শাস্তি দিন।

প্রতাপ। তোমাকে ক্ষমা করলুম।

কমল। কমল মাফ চায় না—অপরাধের শাস্তি চায়। সেলাম জাঁহাপনা, সেলাম উজীর-সাহেব, সেলাম মা-জননী ! (কমলের আত্মহত্যা)

কল্যাণী। হায় হায়, কি হ'ল ! কমল আত্মহত্যা করলে !

শংকর। যাও কল্যাণী ! ঘরে যাও।

কল্যাণীর প্রস্থান

প্রতাপ। বদ্বতে পেরেছ শংকর—কার সাহায্যে রামচন্দ্র পলায়নে সক্ষম হ'য়েছে ?

শংকর। বদ্বয়েছি, কিন্তু মহারাজ ! তিনি অবধ্য।

সূর্য্যকান্তের প্রবেশ

এমন অসময়ে কেন সূর্য্যকান্ত !

সূর্য্য। মহারাজ ! বিধম সংবাদ।—রাজা মানসিংহ একেবারে দু'লক্ষ সৈন্য নিয়ে যশোরের দ্বারে উপস্থিত !

প্রতাপ। বেশ হ'য়েছে। যশোরের খবরসিঁস্তাও মদুহুস্ত'মধ্যে আমার

মনে উদিত হ'য়েছে। যশোরের অস্তিত্বের কিছুমাত্রও মূল্য নেই।

* [দাসত্ব ক'রবার জন্য বাঙ্গালীর জন্ম—রাজ্যের প্রতিষ্ঠা তার বিভূষনা।] * শঙ্কর ! মরণের জন্য প্রস্তুত হও।

শঙ্কর। সর্বদাই ত প্রস্তুত আছি মহারাজ ! কিন্তু আমি ত বিশ্বাস ক'রতে পা'রছি না। এই জলবেষ্টিত দেশ—চারিদিকে সজাগ প্রহরী—এ সকলেব চক্ষু ধূলি দিয়ে কেমন ক'রে শত্রু যশোরে প্রবেশ ক'রলে ?

সূর্য্য। প্রহেলিকা ! আমি কিছু বলতে পা'রছি না মহারাজ ! ধূমঘাট থেকে একদিনের মাত্র তফাৎ। দুই লক্ষ সৈন্যের সমাবেশ। যমুনা পার হ'তে তার একটিমাত্র সৈন্যও অবশিষ্ট নেই। ঈশ্বরীপুরে এসে রাজা দূত পাঠিয়েছেন।

প্রতাপ। দূত কই।

সূর্য্যাকান্তের প্রস্থান

ব্যাপার কিছু বুঝতে পা'রলে কি শঙ্কর ?

শঙ্কর। কে এমন বিশ্বাসঘাতক মহারাজ ?

প্রতাপ। এখন বুঝতে পারবে—মৃত্যুর পক্ষেই সমস্ত জানতে পা'রবে। যে জাতি সামান্য দু'এক পয়সার লোভে, * [চাকরীর খাতিরে, ঈর্ষা-অভিমানের বশে] * সহোদরের ওপর অত্যাচার করে, সে জাতির কাকে তুমি বিশ্বাস কর !

দূতসহ সূর্য্যাকান্তের পুনঃ প্রবেশ

দূত। মহারাজ ! মহারাজা মানসিংহ এই দুই উপচৌকন পাঠিয়েছেন। এ দু'য়ের মধ্যে যেটা মহারাজের অতিরুচি হয়, গ্রহণ করুন।

শৃঙ্খল ও অস্ত্র ভূমিতে রক্ষা

প্রতাপ। (অস্ত্র লইয়া) তোমার প্রত্যেক বল—প্রতাপ-আদিত্য

যতই কেন বিপন্ন হোক না, তথাপি সে যখন-শ্যালকের কাছে মন্তক অবনত করে না !

দত্ত । যথা আজ্ঞা !

শৃঙ্খল লইয়া প্রস্থান

প্রতাপ । এখন কৰ্ত্তব্য ! (পরিক্রমণ)

সূর্য্য । এই রাত্রির মধ্যে তার সম্মুখে উপস্থিত না হ'লে কা'ল প্রভাতেই ধুমঘাট দুই লক্ষ সৈন্য কৰ্ত্তৃক অবরুদ্ধ হ'বে ।

শঙ্কর । সমস্ত সৈন্য ত দেশের চারিধারে ছড়িয়ে আছে ।

সূর্য্য । রাত্রের মধ্যে বিশ হাজার সৈন্যের সমাবেশ ক'রতে পারি । তার পর—এক দিন বাধা দিয়ে রাখতে পা'রলে আরও বিশ হাজারের যোগাড হয় ।

শঙ্কর । বড়ই বিপদ সূর্য্যকান্ত ।

রডার প্রবেশ

প্রতাপ । কি সাহেব ! খবর কি ?

রডা । হামি কি ক'র্বে রাজা ! তোমার বা'গালী আপনার পায়ে কুড়ুল মারবে, তা হামি কি ক'রবে !—আমরা চাক্ষুশ ঘন্টাই জলে জলে ঘুরছে—তোমার বোবানন্দ চাকসির দিয়ে শট্টা আনবে, তা হামি কি ক'রবে !

প্রতাপ । শঙ্কর ! শুনলে ?

রডা । গোজা পথ দিয়ে আনলে কি আনতে পা'রত !—বন কেটে নয়া রাস্তা টেরী ক'রে মানসিংহকে যশোরে এনেছে ।

প্রতাপ । এখন কি ক'র্বে ?

রডা । হুকুম কর ।

প্রতাপ । তুমি সহর রক্ষা কর ।

রডা । বেশ ।

প্রতাপ । আর পুরবাসিনীদের সব আহাজে তুলে রাখ ।—ফিরি, আবার তা'দের কদলে নিয়ে এস । আর যদি মোগল-সৈন্যকে সহরের চুকতে দেখে ত'—তখনি তা'দের ইচ্ছামতীর জলে বিসজ্জন দিও !

রডা । (চক্ষে রুমাল প্রদান)

প্রতাপ । দেখো, যেন তারা মোগলের বাঁদী হ'য়ে আশ্রয় না যায় !

বডা । আচ্ছা ।

প্রতাপ । যাও, আর বিলম্ব ক'রো না ।

রডার প্রস্থান

হাঁ শংকর ! ধৃত্ত মানসিংহ এতদিনের সুপ্রতিষ্ঠিত যশোরটা ঠকিয়ে নেবে ! —ঠকিয়ে নেবে !—শত অপরাধে অপরাধী হ'লেও বাঙালী আমার প্রাণ । সেই বাঙালীর কণ্ঠস্বরের মধ্যমণি আমার সোনার যশোর, মানসিংহ এসে ঠকিয়ে নেবে । সূর্য্যকান্ত । কত সৈন্য তোমার কাছে আছে ?

সূর্য্য । বিশ হাজার । আর বিশ হাজার কাল সন্ধ্যার মধ্যে আপনাকে দিতে পারি । কিন্তু কাল সমস্ত দিন যদি কোনও রকমে মানসিংহের গতিরোধ ক'রতে পাবি, স্থির ব'ল'ছি মহারাজ, পরশু প্রভাতে আমি তার সৈন্য-স্রোত ফিরিয়ে দেব ।

প্রতাপ । বিশ হাজার ! যথেষ্ট—যথেষ্ট—সূর্য্যকান্ত । তুমি আর তোমার গুরু—দুজনে দশ হাজার নাও । আমায় দশ হাজার দাও । যাও শংকর, তুমি এই বাবে দশ ক্রোশেব মধ্যে সমস্ত গ্রামে আগুন দাও । গ্রামবাসীদের ধুমঘটে পাঠাও । আমি পেছন থেকে মোগলের রসদ মা'রতে চ'ললুম । দেখো, সাবধান ! সমস্ত দেশের মধ্যে মানসিংহ যেন তুণ্ডলকণা না পায় । ক্ষুধার যাতনায় মোগলসৈন্য কেমন লড়াই করে, একবার দেখবে এস ।

বেগে প্রস্থান

শঙ্কর। ঈশ্বর! প্রতাপ-আদিত্যকে চিরগীবী করুন। * [সমস্ত ভারত যেন তাঁর পদাংক হয়।]*

সূর্য্য। দুল্লভ বীরের ক্ষুধানলে আজ দাবানল প্রজ্বলিত ক'রবে—
উভয়ে। জয়—যশোরস্বরীর জয়!

চতুর্থ দৃশ্য

যশোহর—প্রাসাদ—বসন্ত রাগের মহল

বসন্ত রায়, ছোটরাণী ও সূর্য্যকান্ত

ছোটরাণী। য়াঁ! এমন বিশ্বাসঘাতকতা কে করলে! আমারই চাকসিরি দিয়ে আমার ঘরে শত্রু প্রবেশ কবা'লে। এমন কুলাঙ্গার কে?

বসন্ত। কে আর জেনে কারু নেই ছোটরাণী! মা যশোরেশ্বরীকে ধন্যবাদ দাও যে, এবারেও তাঁর কৃপায় বিপদ থেকে মুক্তিলাভ ক'রেছি।

সূর্য্য। পায়ের ধূলো দিন রাণী-মা! আপনার আশীর্ব্বাদে বড় বিপদ থেকে মুক্তিলাভ ক'রেছি! আমাদের কলঙ্ক রাখবার আর স্থান ছিল না। চোখে ধূলো দিয়ে জুয়াচোর মানসিংহ আর একটু হ'লে আমাদের প্রাণের যশোর কেড়ে নিয়েছিল! মানসিংহ এখন টের পেয়েছে। যখন সমস্ত সৈন্য পেটের জ্বালায় খাই-খাই ক'রে তাকে ঘেরে ধ'রেছে, তখন বুঝেছে—যশোর ভয় চোরের কস্ম' নয়। অধস্ম' না ঢুকলে স্বয়ং বিধাতাও অনিষ্ট ক'রতে যশোরে প্রবেশ ক'রতে পারবে না।—সমস্ত সৈন্যই তাঁর ধ্বংস হ'ত, কি ব'ল্বে আমাদের সৈন্য ছিল না!—এ দাস আর অধিকক্ষণ দাঁড়াতে পারবে না। অনুমতি করুন—বিদায় হই। যে সমস্ত গ্রামবাসীদের গৃহ দগ্ধ ক'রেছি, তা'দের বাসস্থান প্রস্তুত ক'রে দেবার ভার আমার ওপর।

ছোটরাণী। তা হ'লে এখনি যাও। স্থানান্তরে গরীবদের বড়ই

কষ্ট হচ্ছে। (সদ্যাকাঙ্ক্ষের প্রস্থান) তা এ পোড়া চাক্সির নিয়েই যখন এত গোল, তখন মহারাজ! এ চাক্সির প্রতাপকে সমর্পণ করুন না।

বসন্ত। ঠিক ব'লেছ ছোটরাণী! চাক্সির আর রাখব না—

শঙ্করের প্রবেশ

শঙ্কর। মহারাজ! ব্রহ্মণসন্তান আজ ঠাকুর বসন্ত রায়ের কাছে চাক্সির ভিক্ষা করে।

বসন্ত। বেশ। প্রতাপকে এখনি পাঠিয়ে দাও।

শঙ্কর। যথা আজ্ঞা।

প্রস্থান

বসন্ত। চাক্সিরও রাখব না, বিয়ও রাখব না। ছোটরাণী! তুমি গংগাজল নিয়ে এস। স্থাবর অস্থাবর সম্পত্তি আজ প্রতাপকে দান করব। গংগাজল নিয়ে এস—ফুল চন্দন নিয়ে এস।

ছোটরাণী। সেই ভাল, কিছু রাখবার প্রয়োজন নেই। যখন প্রতাপ আছে, তখন সব আছে।

উভয়ের প্রস্থান

গোবিন্দ রায়ের প্রবেশ

গোবিন্দ। হায়—হায় এত চেষ্টা—সব পণ্ড হ'ল! সাগরপ্রমাণ মোগলসৈন্য যশোরের দ্বারে এসে ফিরে পাণ্ডিয়ে গেল। চাক্সির দিয়ে শত্রু এনে শূন্য কলংক কিনলুম! কি করলুম! হয় ত, প্রতাপ মনে করেছে—পিতাও যড়যন্ত্রের মধ্যে আছেন। আমার দেবতা পিতার স্বপ্নে কলংক অর্পণ করলুম। ওই প্রতাপ আসছে! বিজয়ী হয়ে পিতাকে আমার লজ্জা দিতে আসছে। অসহ্য—অসহ্য! মম্মভৈদী টিট্কারি—অসহ্য—অসহ্য!

প্রতাপের প্রবেশ

বসন্ত। (নেপথ্যে) গংগাজল—শীঘ্র গংগাজল। প্রতাপ এসেছে—শীঘ্র গংগাজল।

প্রতাপ। ম্যাঁ, ‘গঙ্গাজল’!—হত্যার ষড়যন্ত্র ব্যাথের বিবরে প্রবেশ করিয়ে শঙ্কর চ’লে গেল। বৃদ্ধ ‘গঙ্গাজল’ অস্ত্র হাতে ক’রলে ত, আর কিছতেই আত্মরক্ষা ক’রতে পার’ব না !

গোবিন্দ। ম্যাঁ—গঙ্গাজল ! পিতা ‘গঙ্গাজল’ অস্ত্র খুঁজছেন ! তা হ’লে হত্যা—পিতৃহত্যা ! (প্রতাপকে লক্ষ্য করিয়া বন্দুকের আওয়াজ)।

প্রতাপ। তবে রে নরপিশাচ !—(গোবিন্দকে অস্ত্রাঘাত)

বসন্ত রায়ের প্রবেশ

বসন্ত। গঙ্গাজল দে ! কে কোথায় আছি, আমার গঙ্গাজল দে । গঙ্গাজল ।—গঙ্গাজল !

প্রতাপ। আর ‘গঙ্গাজল’ কেন ? মা-গঙ্গার স্মরণ কর। ভক্ত-বিটেল !—স্বদেশদ্রোহী কুলাঙ্গার !—(বসন্ত রায়কে হত্যা)

বেগে শঙ্করের প্রবেশ

শঙ্কর। হাঁ—হাঁ—হাঁ—মহারাজ ! নিবৃত্ত হও—ক্ষান্ত হও—যা ! সর্বনাশ হ’ল ।

পুষ্প ও গঙ্গাজল-পাত্রহস্তে ছোটরাণীর প্রবেশ

ছোটরাণী। এ কি ! এ কি ! কি ক’রলে প্রতাপ ।

শঙ্কর। কি ক’রলে মহারাজ !

ছোটরাণী। তোমায় সর্বস্ব দান করবেন ব’লে রাজা যে আমাকে গঙ্গাজল আনতে ব’লেছেন । আমি তোমার জন্য গঙ্গাজল এনেছি ।

প্রতাপ। ম্যাঁ—তবে কি ক’রলুম ।

ছোটরাণী। মহারাজ ! গঙ্গাজল চেয়ে চুপ ক’রলে কেন ? প্রতাপ এসেছে—গঙ্গাজল নাও—আচমন কর। সর্বস্ব তাকে দান কর । ঐশ্বরাজ—ঐশ্বরাজ ! (মূচ্ছা)

কল্যাণীর প্রবেশ

কল্যাণী । ওগো কি হ'ল ।—মা যশোরেশ্বরী হঠাৎ মূখ ফেরালেন কেন ?—য্যা—এ কি !—তাই !—তাই বদ্বি মা চ'লে গেলেন !

শঙ্কর । কি ক'রলে মহারাজ ! কাকে হত্যা ক'রলে ? বসন্ত রায় যে, প্রতাপ ভিন্ন আর কাউকে জানত না ।

প্রতাপ । তা হ'লে কি ক'রলুম ।

কল্যাণী । আত্মহত্যা করলে । যাঁর কপায় আজও তুমি প্রাণ ধারণ ক'রে রয়েছ—প্রতাপ । তোমার সেই সর্বশ্রেষ্ঠ শূভাকাঙ্ক্ষী রাজর্ষিকে হত্যা ক'রলে ! তুমি গেলে, তোমার যশোর গেল, ইহকাল—পরকাল সব গেল !

প্রতাপ । যাক্—তবে সব যাক্ । ধর্ম্ গেল, কর্ম্ গেল, 'বিজয়া' তুই আব থাকিস্ কেন ? তুইও যা ! (অস্ত্রনিষ্ক্ষেপ) শঙ্কর ! মানসিংহকে ফিরিয়ে আন । সে যশোব গ্রহণ করুক । এ গুরুশোণিত-সিক্ত হস্তে বঙ্গের শাসনদণ্ড ধারণ আর আমার শোভা পায় না !

প্রস্থান

পঞ্চম দৃশ্য

যশোহর-উপকণ্ঠ—মানসিংহের শিবির

মানসিংহ

মান । না, আর নয় । এ প্রাণ রাখা আর কষ্টব্য নয় । হিন্দু-
স্থানের সর্বত্র বিজয় লাভ ক'রে, শেনে বাঙালায় এসে পরাজিত হ'লুম !
সমস্ত সৈন্য নষ্ট ক'রলুম । অগ্ন্যভাবে আমার অর্দ্ধেক সৈন্য উষ্মন্ত হয়ে
প্রাণ বিসর্জন দিলে ! কি পরিতাপ ! কি লজ্জা ! না, আর না ।
কোন মুখে আগ্রায় ফিরব ! কেমন ক'রে বাদশাহকে মুখ দেখাব !
না—জীবনধারণের আর কিছুমাত্র প্রয়োজন নেই । এইখানেই জীবনের
শেষ করি । (আত্মহত্যার উদ্যোগ)

বেগে রাঘব রায় ও ভবানন্দের প্রবেশ

ভবা । মহারাজ ! মহারাজ !

মান । কেও—ভবানন্দ ?

ভবা । শীগ্গির আসুন—শীগ্গির আসুন ।

মান । কোথায় ? কেন ?

ভবা । যশোরেশ্বরী আপনার মুখ চেয়েছেন ! নরাদম প্রতাপকে
পরিত্যাগ ক'রেছেন । নরাদম গুরুহত্যা ক'রেছে । হাত থেকে তার
'বিজয়া' অস্ত্র খসে পড়েছে । নরাদম শক্তিহীন । এই অবসর । শীঘ্র
আসুন !

মান । এ তুমি কি বলছ !

তবা । এই দেখুন রাজা বসন্ত রায়ের পুত্র ! বল,—বল, মহারাজের কাছে বল । এই বেলা বল !

রাঘব । মহারাজ ! আমার বাবাকে মেরে ফেলেছে—আমার ভাই গেছে—মা গেছে ! আমি কচু—কচু—কচু বনে লুকিয়ে বেঁচেছি ।

মান । কি ক'রব তবানন্দ ! আমার যে রসদ নেই !

তবা । রাশ রাশ রসদ আছে । আমি দেব । গোবিন্দ দেবের সেবার জন্য সে পামর আমারই হাতে গচ্ছিত রেখেছে । রাশ রাশ রসদ । এক বৎসরে ফুরাবে না । বেশী লোক নয়, সামান্য, সামান্য । গুপ্তপথ—একেবারে প্রতাপ-আদিত্যের অন্দর । চ'লে আসুন—চ'লে আসুন । এই রাত্রির অন্ধকার—বসন্ত রায়ের বাড়ীর ভেতর দিয়ে পথ—মহা সন্নিধি—আর পাবেন না—চ'লে আসুন । কিন্তু—গরীব ব্রাহ্মণ—বক্‌সিস্—মান । তবানন্দ ! বাঙ্গালার অর্দ্ধেক তোমাকে দান করব ।

ষষ্ঠ দৃশ্য

যশোহর-সান্নিধ্য—প্রতাপের শিবির

শঙ্কর ও কল্যাণী

(নেপথ্যে বন্দুক-শব্দ)

কল্যাণী । আর কেন প্রভু ! সব শেষ । রাণী, রাজকুমারী, সমস্ত পুরবাসিনী ইচ্ছামতীতে ঝাঁপ খেয়েছে ।

শঙ্কর । এ দিকেও সব গেছে । সূর্য্যকান্ত, সূর্যময়, মদন, মামুদ—সব গেছে । শুধু আমি অবশিষ্ট । কল্যাণী ! আমারই কেবল মৃত্যু হ'ল না । রাজা আমার চক্ষের ওপর পিঞ্জরাবদ্ধ ! ব্রাহ্মণ ব'লে মানসিংহ আমাকে হত্যা করেনি । অস্ত্র ধ'র'ব না,—প্রতিজ্ঞা করিয়ে ছেড়ে দিয়েছে ।

কল্যাণী । আর কি জন্য অস্ত্র ধ'রবে শংকর !

শংকর । ব্রাহ্মণসন্তান—অস্ত্র ধ'রেছিলাম । তার ভীষণ পরিণাম দেখ'লুম ।

কল্যাণী । চল—কাশী যাই ।

শংকর । এখন, আর বিলম্ব নয় !

কল্যাণী । মা যশোরেশ্বরী ! চ'ল'লুম । (ভূমিষ্ঠ হইয়া প্রণাম)
যশোর ! প্রাণের যশোর ! আর তোমাকে দেখতে পা'ব না । পবিত্র
যশোর !—আমার স্বামীর বীরত্বের লীলাভূমি—সোনার যশোর !—
চ'ল'লুম ।

শংকর । অন্ধকার !—অন্ধকার !—যাক্—এ জন্ম জন্ম সাধনার বিষয় ।
এ জন্মে হ'ল না, আবার জন্মা'ব আবার ফিরে আস'ব ।

উভয়ের প্রস্থান

ভবানন্দ ও রাঘব রায়ের প্রবেশ

ভবা । বস্—কাম্ ফতে । ভবানন্দ ! গোবিন্দ বল—গোবিন্দ
বল । যশোর ধবংস—যশোর ধবংস !

রাঘব । এ কি হ'ল দেওয়ান-মশাই !

ভবা । কি হ'বে !—তুমি রাজা হ'বে—আর কি হ'বে । রাঘব
রাঘব—আজ তুমি যশোরজিৎ ।

রাঘব । য'্যা ! তা কেন !—এ কি হ'ল ! দাদা গেল !—সে আলো
কোথা গেল !

প্রস্থান

ভবা । আর আলো ! টিম্-টিম্—টিম্-টিম্ ।—বস্—বস্—বস্—
এইবারে আমার বক্সিস্ ! বস্—বস্ । গোবিন্দ বল !—গোবিন্দ বল !

রডার প্রবেশ

রডা । আর একবার বল—(ভবানন্দের স্বক্ষে হস্ত দিয়া) সব গেছে
—তোমাকে রেখে যাচ্ছি না ।

ভবা । স্যাঁ—স্যাঁ । দোহাই—দোহাই, মেরো না, মেরো না ।

রডা । মা'র'ব না—তোমায় মা'র'ব না ।—সম্মতান্ ! সম্ম দিল্লুম—
দম্ম ক'র'ল্লুম—গোবিন্দ বল । (গলদেশ পীড়ন)

ভবা । আ ! আ ! আল্-লা—দোহাই—আল্-লা । (পতন)

মানসিংহের প্রবেশ

রডাকে লক্ষ্য করিয়া বল্লকের আওয়াজ ও রডার মৃত্যু

মান । ওঠ—ভবানন্দ ।

ভবা । স্যাঁ—আমি বেঁচেছি । উঃ । বড় পিপাসা ।

মান । বেঁচেছ ।

ভবা । তা হ'লে আমার বকসিস্ ?

মান । আগে জল খাও - প্রাণ বাঁচাও ।

ভবা । অবশ্য—প্রাণ বাঁচাতেই হ'বে । তা হ'লে মহারাজ । বকসিস্ ।

মান । যাও ভবানন্দ । যা তোমাকে দিতে প্রতিশ্রুত হ'য়েছি, তাই
নাও । (পাঞ্জাপ্রদান) বাঙ্গালাব অন্ধেক তোমাকে প্রদান ক'র'ল্লুম !
নিয়ে, চ'লে যাও । আর এসো না । আমিও হিন্দুকুলাঙ্গার, কিন্তু তুমি
আরও নীচ—নিমকহাবাম । যাও—দুব হও, এ মদুখ আর দোঁখিয়ে না ।

ভবা । যে আজ্ঞে—যে আজ্ঞে—

ক্রান্ত প্রস্থান

